

TIL - MAS'ULIYAT

Радиожурналистлар, айниқса, хусусий каналларнинг бошловчилари “русийзабон тилда” “замонавий ажойиб бўлган” “мусиқий кетма-кетлик” сингари тилга доир “кашфиётлар”ни “тақдим этиш” билан банд. Уларнинг ўз сўзларимиз, айрим фонемаларимизни эркаланиб (эркак радиожурналистлар ҳам бундан мустасно эмас), тилдан гўёки баланд туриб талаффуз қилишлари тилни тилнинг ўзидан ҳам, одамлардан ҳам бегоналаштиришга хизмат килади, холос. Ўзбек тилининг кўрки кимнингдир ҳеч бир коидага тўғри келмайдиган тарздаги “чиройли” талаффузига караб қолмаган. Нутқ ороли бўлиши учун журналист нима демоқчилигини яхши билиши, жумлани ўзбекча тузиши, ижодий мақсаддан узоклашиб кетмай, товушининг яхширок эшитилишини эмас, эшиитириш яхширок чиқишини кўзласа, бас! Адабий тилнинг коидаларига амал қилиш, унда талаб этилганидек, “мен” дейишдан уялмаслик лозим. Зеро, она тилимиз бирордан уяладиган ҳолатда ҳам, кимнингдир бурама талаффузи орқали чиройли кўринишга муҳтож даражада ҳам эмас.

Телеканалларда айрим бошловчилар “эф” (эфир) га чиқиб “grp” (грипп) ҳақида сўзлашадилар. Афсуски, адабий тилнинг соғлигини сақлаш учун кураш уни Тошкент шевасидан ҳоли қилишдангина иборат эмас. Бу талаб барча шевалар ва шева унсурларига бирдек тегишли. Кейинги вактда бошловчилар ўз ҳолатларидан келиб чиқиб бўлса керак, теле ёки радиомулоқот иштирокчиларига ҳам шевада сўзлашнинг “кенг имкониятлари”ни яратиб беришяпти. Уларнинг мушугини “пишт” дейдиган азамат ҳозирча топилмай турибди. Омма тинглаши мумкин бўлган ҳар қандай мулокот (телерадио эфиридаги чиқишилар, йиғилишилар, қўшиқлар, дарслар ва б.) расмий адабий тилда амалга оширилиши лозимлиги унучилмаслиги керак. Адабий тилга амал қиласлик, аслида давлат тили ҳақидаги конунга риоя этмасликнинг ўзгинасадир. Негаки, давлат тилига амал қилиш дейилгандা, қандайдир бир шева эмас, балки ўзбек адабий тилида алоқа қилиш кераклиги кўзда тутилган. Маълумки, давлат тили ҳақидаги қонун амал қиласлик ҳам бўлаверадиган юридик хужжат эмас.

Кўпчилик эшигадиган минбардан айтилаётган ҳар қандай фикр давлат тилида ифодаланиши шарт. Бунинг ҳеч қандай қийин томони ҳам йўқ ва бунга барча аслида тайёр ҳам. Негаки, таълим тизимида барча амалиёт давлат тили меъёри бўлмиш адабий тилда олиб борилади ёки шундай бўлиши шарт. Дарслкларнинг факат адабий тилда ёзилганлиги айни талабнинг бевосита амалий ифодасидир. Демак, юртимизда адабий тилда сўзлашишнинг ҳуқуқий асоси ҳам, ижро тажрибаси ҳам бор. Факат ҳар бир киши конунга бўйсунувчи онгли фуқаро, миллат бирлигини истайдиган ойдин сифатида бунга интилиши керак, холос.

Бу борада яна юкнинг оғири ўқитувчилар зиммасига тушади. Ҳамонки, давлат муассасасида давлат томонидан тасдиқланган режа, дастур ва дарслклар асосида ишланар экан, унинг барча талаблари оғишмай бажарилиши шарт. Ўқитувчининг ўзи адабий тилда сўзлаб, мактаб худудидаги мuloқotning шу асосига қурилишига эришса, олам гулистон. Ўқувчилар ўз-ўзидан фикрларини адабий тилда ифодалай оладиган, унинг жозибасию нозикликларини англайдиган шахслар сифатида шакллантирилади.

Ўзбек тилининг шеваларида факат шу шевада сўзлашувчиларгагина таниш бўлган сўз ва ифодалар бор. Буни бошқа шева вакиллари англамаслиги мумкин. Бундан ташқари, адабий талаффуз нормалари ҳам борки, ҳеч кимга буни бузиш ҳуқуқи берилмаган. Яна сўзлаш маданияти деган тушунчалар ҳам бор. Демак, фикрни ифодалашда адабий тилга амал қилиш катор кераксиз муаммоларнинг олдини олади. Бир миллат вакилларининг ўз тилида бир-бирини тушунмаслигидан ортиқ муаммо бўлмаса керак оламда!?

Маълумки, шева сўзлари – адабий тилни бойитувчи, унинг таъсирчанлиги ва жозиба кучини оширувчи асосий омил. Афсуски, ўзбек тилини бойитиш амалиётида янги тушунчаларни ифодалаш учун, албатта, бегона тилдан сўз излаш тажрибаси кенг ёйилган. Ахир, кўп тушунчаларни ўзбек тилининг қайсиdir шевасидаги сўзлар орқали ғоят гўзал ифодалаш мумкин. Бундай сўзларни матбуот воситалари, ноширлик маҳсулотлари ёрдамида ўзбек адабий тили таркибига тортинимай киритавериш керак. Ўзаро мuloқotлarda, айниқса, матбуот воситалари, турли туман йиғинлар, китоб саноати маҳсулотларида эса айнан шу тинимсиз бойитиб борилаётган, замон ўзгаришларини бетўхтов акс эттираётган адабий тилдан фойдаланиши шарт. Зеро, она тилимизни ҳурматлаб, ундан ўринли фойдаланиб, доимий ва асосий мuloқot воситаси макомига олиб чикиш ўз кўлумизда. Биз истиклол берган ана шу неъмат, имконият шукронасини қилиб, айни йўлда фидоийлик кўрсатишмиз лозим. Зеро, биз ҳурматламаган тилни бошқалар ҳурмат қиласлиги табиий ҳол. Бу борада ўқитувчилардан толмаслик, ота-оналардан ҳушёрлик ва жиддият, матбуот ходимларидан қатъий ҳаракат талаб этилади.

Тилнинг бирлиги миллат дилининг бирлигини ифодалайди. Бизнинг бир миллат сифатида буюк келажак аталмиш манзилга биргаликда интилишимиз ва етиб боришимиш кўп жиҳатдан тилимизнинг бирлигига ҳам боғлик. Тилнинг бирлиги ва тўғрилиги эса барчамиздан масъул ўй ва ўйчил масъулият талаб этади.

Жалолбек Йўлдошбеков

Jurnal 1925- yildan chiqsa boshlagan

O'zbekiston Respublikasi
Madaniyat va sport
ishlari vazirligi

Tahririyat:

Bosh muharrir
vazifasini bajaruvchi:
Jalolbek YO'LDOŠBEKOV
Bosh muharrir o'rinnbosari:
Manzura SHAMS
mas'ul kotib:
Komil JONTOYEV
fotomuxbir:
Mashrab NURINBOYEV
sahifalash va dizayn:
Azamat FAYZULLAYEV
Nigina QODIROVA
navbatchi muharrir:
Nilufar HAYITOVA

Jamoatchilik kengashi:

Muhammad ALI
O'zbekiston Yozuvchilar uyushmasi raisi
Fotih JALOLOV
O'zbekiston Respublikasi Madaniyat va
sport ishlari vazirining birinchi o'rinnbosari
Mahmud ISMOILOV
O'zbek milliy akademik
drama teatri direktori
Suvon Najbiddinov
"Matbuot tarqatuvchi"
AK Bosh direktori
Abduvahob NURMATOV
Andijon viloyati hokimligi mas'ul xodimi
Murod RAJABOV
Muqimiy nomidagi O'zbek
Davlat musiqiy teatri direktori
Baxtiyor Sayfullayev
O'zbekiston Davlat san'at va
madaniyat instituti rektori
Norbek TOYLOQQOV
Pedagogika fanlari doktori, professor
Azamat HAYDAROV
"O'zbeknovo" estrada birlashmasi
Bosh direktori

E-mail: gulistonjurnali@mail.ru

Ushbu sonda:

Dilfuza KENJAYEVA
Sharaflı mashaqqat

Erkin RO`ZMATOV
Hofizlik san'ati

Marimboy OTAMURODOV
Tasvirlarda Vatan timsoli

Abduqayum YO'LDOSHEV
Mubtalo

Farmon TOSHEV
Jamolidan nur olar quyosh

Malohat ABDUQODIROVA
Sehrli qarsaklar

G'ayrat DONIYOROV
Otalar izidan

Jurnal O'zbekiston Matbuot va axborot agentligi tomonidan 0517 raqamli guvohnoma bilan 18.03.2008- yilda ro'yxatga olingan.

Jurnal ikki oyda bir marta (bir yilda oltita) chop etiladi.

Mualliflar va tahririyat fikrlari farqli bo'lishi mumkin.

"Guliston" jurnalidan olingan materiallarda manba ko'satilishi shart.

Tahririyat barcha ijodiy ishlarni tahrir etishga haqlidir.

Bichimi 60x84_{1/8}. Buyurtma №125. Adadi: 2130 nusxa. Hajmi 6 b.t.

Bosmaxonaga 20.09.2013-yilda topshirildi. Bosishga 20.09.2013-yilda ruxsat etildi. Tahririyat manzili: Toshkent – 100000, Buyuk Turon ko'chasi, 41-uy. Tel.: 233-25-66, 233-27-94.

Jurnal «Muharrir» nashriyoti matbaa bo'limida chop etiladi.

Bo'lim manzili: 100060, Toshkent shahri, Elbek ko'chasi, 8-uy.

Bolalarga bog‘langan taqdir



Кўкча – Тошкентнинг қадим мавзеларидан. Бу жойнинг оиласларида қадим ўзбекона қадриялар сақланиб қолган. Буни Кўкчадаги Исломобод маҳалласига келган одам дарров ҳис қиласди. Маҳалладаги Абдулла Авлоний асос соган 40-мактаб халқимизга олимлар, ёзувчилар, кўплаб фан ва маърифат фидоийларини етишириб берган. Ёзувчи Ўлмас Умарбеков, академиклар Тўрабек Долимов, Турсун Азларов, Шавкат Аюпов, Ўзбекистон халқ ёзувчиси Тоҳир Малик, Ўзбекистон халқ артисти Ғуломжон Ёқубов, санъат арбоби Абдуқаҳор Иброҳимов, Ўзбекистонда хизмат кўрсатган артист Дилором Қаюмова, футболчи ва мураббий Мурод Алиев, журналист Усмон Юсупов, Рихситилла Умаров сингари инсонлар илк сабоқни шу мактабда чиқаришган.

Яна бир бор машҳур бўлди. Бу машҳурликка мактабнинг олий тоифали информатика ва математика ўқитувчиси Турғун Раҳматович Азларовга Ўзбекистон Қаҳрамони унвони берилиши сабаб бўлди.

У кичкина эди, жудаям кичкина. Отаси мактабдан олиб келган бир тахлам дафтарларни текшириб ўтирганлари, онаси оёқ учida келиб, отасининг ёнига чой қўйиб, Турғунжонга қараб, бармоғини лабига босиб, “жим” ишорасини қилиб чиқиб кетгандарни эсида. Отаси дафтарлар қатлами туғаб, енгил тин олгандахина ёнида ўтирган ўғлини пайқаб қолар, унинг кўчада болалар билан ўйнашдан кўра билим олишга иштиёқи баландлигини сезиб, ёнига олиб, ўқиши, ёзиши, ҳисоблашини ўргатарди. Шу боис тенгқурларидан олдинроқ саводи чиқди...

– Турғун Раҳматович! Сизни мустақиллигимизнинг 22 йиллиги билан, ҳукуматимизнинг юксак унвонига сазовор бўлганингиз билан, қолаверса, устоз ва мураббийлар куни билан табриклиймиз. Айни дамда дилингиздан кечётган ўйларингиз билан ўртоқлашсангиз!

– Қувончимнинг чеки йўқ. Таниш-нотаниш, қариндошурғ, устозлар, шогирдларнинг қутловларига кўмилиб кетдим. Республикамизда 410654 нафар мактаб ўқитувчиси бор. Бу юксак эътиборни халқ таълими соҳасига, устоз-мураббийларнинг заҳматига эътибор деб биламан. Авваллари устозлик масъулияти боис, дўконга, гузарга чиқсан ҳам орасга чиқишига ҳаракат қилардим. Ҳозир уйда ҳам тез-тез йўқлашганлари, қутлагани келувчилар боис, Ўзбекистон қаҳрамонига мос бўлиб, намунали юришига одатландим. Мана, олтмиш ёшимда ўзимни куч-ғайратга тўлган йигит давримдагидай ҳис қилаяпман.

Аслида... Ўша куни – 22 августда кенжса келинларининг туғилган куни эди. Турғун ака турмуши ўртоги билан бозорга тушиб, катта торт, яна улбул хариð қилишиди. Уйда тўқин дастурхон устида келинини табриклиб туришган эди. Торт кесаётган келин “Адажон, сизнинг расмингизни кўрсатишшити”, деб телевизорга ишора қилди. Ҳамма телевизорга қаради. Ўзбекистон Республикаси Президентининг “Ўзбекистон Қаҳрамони” унвонини бериш тўғрисида”ги Фармони ўқилаётган, бу жараёнда Турғун Азларовнинг катта сурати экранда намоён бўлган эди. Капалак қанот қоққани эшишиладиган жисмликда фармонни охиригача тинглашиди. Оиласларнинг ҳаммаси йиглар, қўнгироқлар, қутловлар бошланиб кетган эди. 97 ёшли она – Каромат Азларова ўглининг баҳт-иқболидан,

бу юртда оддий ўқитувчи ҳам Қаҳрамон бўлиши мумкинлигидан масрур бўлиб, бир йиглар, бир узундан-узоқ дуо қиласди.

– Муаллимлик касбини танлашингизнинг сабаби нимада?

– Бу тақдир мен дунёга келишимдан олдин аник бўлган бўлса керак. Отам Раҳмат Азларов 42 йил математика ўқитувчisi бўлиб ишлаганлар. Шаҳардаги турли мактабларда дарс берган. 1953 йилда уйимиз якинидаги 40-мактабга ишга келган. Ўша йили мен туғилган эканман. Отам билан эргашиб мактабга келиб, ўқитувчилар сухбатларини тинглаб катта бўлганман. 1960 йилда шу мактабнинг биринчи синфида чиқканман.

Фарзандга исм қўйши катта масъулият. Айниқса, ўзбеклар исмни ўйлай-ўйлай танлашиади. Қаҳрамонимизнинг исми касбига ўхшаб туғилмасидан танланди. Иккита қизалоги бор Раҳмат ака билан Каромат опа узоқ вакт ўғил фарзанд кутшиди. Кетма-кет дунёга келган икки ўғил кетма-кет оламдан ўтди. Энди ўғил кўрсак, Турғунжон деб исм қўямиз, деб умид билан фарзанд кутаётган хонадонда кутилганидай ўғил дунёга келди. Бироқ куни етмасдан туғилган чақалоқ бирарн нимжон, бирарн чиллашир эдик, ҳатто овоз чиқариб йигламасди ҳам. Пешонада борини кўрамиз, деб уни туғруқхонадан яшириб олиб келишиади ва Турғунжон атаб, эртаю кеч шу фарзандига худодан умр сўрашиади. Отамонанинг дуоси ижобат бўлди. Турғунжон қирқ кун деганда овоз чиқаради.

Хуллас, қонида бор деган гап бежиз эмас экан. Ўқитувчи Азларовлар сулоласига яна бир вакил қўшилди. Отамонанинг дуоси, устозларнинг оқ фотиҳаси, Ўзбекистонга яна бир фидоий ўқитувчини берди.



- Устозларингиз ҳақида ҳам сўзлаб беринг.

– Айнан устозларим ҳақида гапирмоқчи эдим. Уларнинг ҳар бирини номма-ном ёзсангиз айтиб бераман.

- Бажонидил.

– Менинг камолотим йўлида уларнинг ҳар бирининг заҳмати, меҳнати бор. Мактабдаги устозларим Ҳайитбой Тоғаев, Усмон Орифжонов, Умри Абдумажидова, Сайдулла Исматов, Ҳаким Мавлонов, Наби Расулов, Абдужалил Фаёзов, Тамара Ўрекова, Файзула Зикриллаев, Мусо Сахаев, Пўлатой Хўжаева, Карим Солиҳов, Ҳожар Ҳасанова, Жалолиддин Шаҳобиддинов, Оламир Орифхўжаев, Дилором Шамсуддинова... Афсус, уларнинг аксарияти хозир орамизда йўқ. Шулар ичida математика ўқитувчим Файзула Зикриллаевдан жуда кўп нарса ўргангманман.

Математиканинг сирли олами оиласавий сүхбатлардан Файзула аканинг дарсларига кўчарди. Мактабни битирув арафасидаги имтиҳонларга тайёрланиши жасаённида устоз ўқувчиларига сизларни имтиҳонга Турғун Азларов тайёрлайди, деб шионч билдириди. Бутун синф Турғуннинг ёрдами, маслаҳати билан имтиҳонларга тайёрланди.

– Мактабни тугатиб, ТошДУ(ҳозирги Ўзбекистон Миллий университети)нинг Амалий математика ва механика факултетига ўқишга кирдим. Бу масканда академиклар Саъди Сироҷиддинов, Тошмуҳаммад Саримсоқов, Восил Қобулов, Махмуд Салоҳиддинов, Тўхтамурод Жўраев, Нўймон Сатимов, профессорлар Мардон Собиров, Мирсаид Орипов, Абдулла Аъзамов,Faффор Насридинов, Ҳожиакбар Мансуровлардан нафақат математикани, ҳаёт сабоқларини ҳам олганман.

Педагогика фанлари доктори, профессор Жўра Икромов назарий фанларни рус тилида ўтар, баъзи сўзларнинг, фанга оид ибораларнинг ўзбекча талқинини талабаси Турғун Азларовдан сўраб оларди. Йиллар ўтиб, домла талабасининг ўша дарслардаги дафтарини сўраб олиб, шундаги математик терминлардан фойдаланиб, ўзбек тилида рисола ёзди.

- Болалигингизда қанақа бўлгансиз, шўхми, ўйинқароқми?

– Ҳамма томондан бор эди. Танаффусда устозларга тақлид қилиб, синфдошларни кулдирадим. Пародиячи

эдим. Бўш қолсак, болаларни футболга олиб кетардим. Устозлар бу шўхлик кимдан чикканини дарров сезишарди...

Отаси Раҳмат акауни биринчи бор 4 ёшида футболга олиб тушади. Шу-шу унинг бу ўйинга ишқи тушди. Дарсдан кейин футболга кетиб қолишилар, маҳорат билан коптот ўйнаши Раҳмат акани қизиқтириб қўйди. Фарзандини Киев шаҳридаги спорт мактабига ўқишга кўймоқчи бўлди. Рафиқасига ниятини айтган эди. Жавобига қўз ёши олди. Ёлгиз ўғилни узоқ шаҳарга жўнаташи она учун даҳшатнинг ўзи эди. Хуллас, футбол кичкина Турғун учун иккинчи дараҷаси машгулотга айланди...

- Қизиқ, ёрқин хотираларингизни сўзлаб беринг.

– Эҳ-хе, бунинг учун ҳар бир кунимни эслашим керак. Келинг, яхиси устозим Жалолиддин Шаҳобиддинов билан боғлиқ хотиралардан айтиб берай. Домла кесатикини ўрнига қўярдилар. Бир куни устоз масала ишлашини топшириб, доскага бир кизни чиқардилар. У анча пайт уриниб, масалани нотўғри ишлади. Сезиб турибман, домла узоқ тикилиб қолдими, бир гап чиқиши тайин. Секин доскадан синфга бурилдиларда “Одамлар кашфиёт яратаман, деб юртма-юрт юришади, трамвайга уч тийин бераб Кўкчага келишса-ку, энг яхши янгилик бизда яратилишини кўриб қўйишарди”, – дедилар. Яна бир ўртоғимизга хеч гап таъсир килмасди. Урушганда ҳам, дарсни сўрашганда ҳам бир хил алпозда ўтираверарди. Устоз шу болага қараб “Сен юзингга солидол суреб келасанми? Гаплар бориб, юзинга тегиб, думалаб тушиб кетаяпти”, деганларида устознинг топқирикларига, сўз билан таъсир қилишларига койил қолганман. Аслида уришишлари, қайта-қайта тушинтиришлари мумкин эди. Бирок, мана шу сўзлар йиллар давомида ёдимиизда сақланиб қолди. Демакки, устознинг ҳар бир дарси бир воқеа эди. Ундаги ҳар бир жараён ёдимиизда қолган.

- Олимлар фақат олийгоҳларда дарс беришади, ишлашади, деб ўйлардим. Сиз Республикада биринчи бўлиб мактабларда “Информатика ва ҳисоблаш техникаси асослари” фанини ўқитиш методикаси бўйича фан номзоди бўлгансиз. Ишлаш учун айнан мактабни танлашингизнинг сабаби нимада?

— Катта иморат курмоқчи бўлсангиз, пойдеворни мустаҳкам қилиш керак. Мактаб дегани беғубор, хаёллари орзуларидай тоза бўлган болалар билан ишлаш дегани. Уларни тўғри йўлга сола билдингизми, келажакда қайси касб эгаси бўлмасин, кутилган натижага эришасиз. Мактабда ҳам кимдир ишлаши керак-ку. Тўғри, университетда, малака ошириш институтида ҳам ишлаганман. Мен болалардаги самимиликни, беғуборликни яхши кўраман. Дарсим йўқ кунлари ҳам мактабга келиб, болаларимни кўриб кетмасам бўлмайди. Бу жунун дейсизми, қандай тушунсангиз ҳам, болаларнинг беғубор олами – менинг ҳаётим мазмуни. Болажонлик, одамохунлик отамдан ўтган бўлса керак. Отам мактабда дарс беришни, ҳар бир дарсни воқеага айлантиришни яхши кўрардилар. 43 йил Исломобод маҳалласига раислик килганлар. Одамларни ўрганиш, маслаҳат бериш, ёрдам бериш отамнинг фазилати эди.

— Мана, сиз дарсга кирдингиз. Олдинда 45 минутлик вақт бор. Дарс жараёнини ўқувчилар учун мўъжизага айлантириш, ҳаммани бирдай жалб қилиш учун ўз услугингиз борми?

— Технология, усул, шакл бир синф ўқувчининг кучи, интеллектига яраша шаклланади. Дарс жараёнин жонли жараён. Вазиятга қараб мақсадга эришиш керак. Айтайлик, бирор ўқувчи кайфиятсиз дарсга келган. Бу бутун синфга таъсир килади. Бунинг учун устоз ва ўқувчи ўртасидаги чегарани олиб ташлаб, болаларнинг кайфиятини кўтариб олиш керак. Иккита синфга бир хил дарс ўтиб бўлмайди. Синфнинг характеристидан, тайёргарлигидан келиб чиқиб, дарс ўз-ўзидан содир бўладиган ҳодиса. Фаол мулоқот, инновацион технологиялардан унумли фойдаланиш ўқувчи онгини ўстиради. Энг муҳими, болага ва дарсга меҳр бўлиши керак. Янгиликка интилувчан одамгина ўз қасбига янгилик олиб кира олади.

— Шогирдларингизнинг келажагини қандай тасаввур қиласиз?

— Мен баландпарвоз гаплардан йирокман. Бирок бизнинг эртанги кундан умидимиз катта. Шу максад йўлида ишляяпмиз. Эртанги кунимиз бугунгидан чиройли ва яхши бўлиши учун бугун жон куйдиришимиз керак. Мен умид қиласман, ишонаман, бизнинг мактабда, республикамизнинг бошқа мактабларида бугун дарсда устозини хайрат билан тинглаётган киз-ўғлонлар эртага шу юртнинг шонини кўтарадиган инсонлар бўлиб етишади.

— Ниятларингиз ижобат бўлсин. Суҳбатингиз учун раҳмат.

Қаҳрамон билан суҳбатимиз узоқ давом этди. Жараёнда мактаб маъмурияти тақдим этган Турғун Азларовнинг фаолиятига доир ҳужжатлар билан танишамиз. Уларда устознинг қатор унвонлари, шогирдларининг бир қанча республика ва ҳалқаро олимпиадалардаги галабалари, ёзган дарслик ва рисолалари, умуман, педагогик фаолиятида эришган ютуқлари акс этган. Шунингдек, шогирдларининг эътирофлари, фахрий ёрлиқлар, нуфузли анжуман ва танловлар ҳакамлигига тақлифномалар ҳам бор. Буларнинг барчаси бир инсоннинг умр йўли. Шараф ва масъулият билан эришган галабалари. Энг юксак унвони катта масъулият ва бурч бўлиб, Турғун Азларовни яна мактабига, севимли даргоҳига бошлиди. Мактаб жамоааси, устозлар, ўқувчилар билан хайрлашиб, ҳовлига



чиқар эканмиз, янги дарсга қўнгироқ ҷалинди...

Ворисова Назокат. Турғун Азларовнинг кизи, шогирди: Дадамнинг қаттиқўлликлари ва ўта тартибликларини яхши кўраман. Ўқувчилар ҳам ўз-ўзидан шу тартиби ўрганиб кетишган. Дадам ҳеч қачон ўқувчилардан кейин синфга кирмаган. Доимо синфда ўқувчиларни кутиб олган. Синфга олдин қизлар, кейин ўғил болалар кириб келишади. Мен ўн йил олдин мактабга ишга келган куним болаларни бошқара олмасанг, ўқитувчи эмассан, деб катъий талаб кўйган. Оиласда ҳам шундай талабчан. Иккала акам ва менинг оиласда ўрнимиз, ҳукуқимиз қандай бўлса, иккала келинлари ва кўёвининг ўрни ҳам шундай. Дадам учун ҳар биримиз фарзандмиз. Катта акам 33 ёшга кирдилар. Ҳамон дадамнинг маслаҳатлари, кўрсатмалари билан иш бошлайдилар. Дадамнинг қаттиқўлликлари остида катта меҳр ва ишонч бор.

Ахророва Моҳина. Турғун Азларовнинг шогирди: Мен Миллий Университетга кайта тайёрлашга борганимда домла дарс ўтганлар. Кейин шу мактабда шогирд бўлиб қолдим. Домла ҳар қандай вазиятда рост галирадилар. Ҳақиқатпарвар инсон. Ўз ўрнида жуда меҳрибон. Эътиборилар, ҳеч биримизнинг ютуқларимиз, шодликларимиз эсларидан чиқмайди. Табриклаб, йўқлаб юрадилар. Қайгули кунларимизда, касал бўлганимизда кўнгил сўрайдилар, кимга бўлмасин, бегараз, бетаъма ёрдам бериб юрадилар. Бунака интизом, бунака тартибини мен фақат устозим Турғун Азларовда кўрганман. Кучли билими, етиштирган шогирдлари, инсонийлик фазилатлари ҳақида алоҳида-алоҳида мақола ёзиш мумкин. Ўз ўрнида, жуда маданиятли ва жуда камтарин инсон. Мен устозимнинг ҳукуматимизнинг юксак унвонига сазовор бўлгандарини эшитганимда кечқурун бўлишига қарамай, мактабга келгим, нимагадир устозни шу ёрда кўргим келиб кетди...

Манзура ШАМС,
ҚИЗЛАРГУЛ



Турсун АЛИ

POLVON

Doston

1

Турсун Али Мұхаммад полвон ҳақинда шеър ёзмоқчы бўлдим.
Ўйландим узоқ.
Рости,
неча ойларки, түйегуларим,
Хаяжоним тинган эди қадим булоқдай.
Ўйлар тўлқинида чайқалдим қайиқдай.
Шеър ёзсан,
мадхия
ёхуд
баён бўлишиидан қўрқдим гуноҳкор боладай.

2

Беихтиёр,
хотиралнинг эскирган,
букчайган уйида
мунгли болалигим кезинди жсимжист.
Теграсида тенгқур жўралар,
гурас-гурас,
“қизбала”, “қизбала”, дея,
болалигим кокилига чанг солар бургутдай.
Оҳ, алам-ла,
«Мана, мана, ўғил боламан», дея болаларга кўрсатар
«борин».
О, болалигим,
асовланар дарёдай.
Бармоқлари ила кокилин тортар телба мисоли.
Унда дарахтлардай синади тоқам.
Адо бўлар болалик.
... Бир саҳар,
ота-она етовида
кетди узоқ-узоқларга.
Дарахтлар,
уйлар,
борлиқ ортда қолди югурга-югурга.
Лаҳзаларни ютган вақт
уни етаклади оқ салла ўраган тозлар қўйнига.
Харсангларни оқизгудек
Шоҳимардонсой бўйларида

тошлардай сакради ҳайрат-ла болакай.
Ажаб,
бир хонадоңда,
соchlари момиқдай момо,
пичирлаб неларни дир — қийди бола кокилин.
Шодликдан болакай
тойчоқдай иргишлади ўмбалоқ оша:
энди кокил иўқ,
энди кокил иўқ.
Тенгқурлари кокил устидан кулмас,
уни ҳеч ким “қизбала” демас.
Тоғлардан таралар садо — ҳайқириқ,
бola шодон кезар Шоҳмардон бўйлаб.
О, уни сеҳрлади
отнинг калласидай тошларни
боши узра,
елка узра даст отаётган,
қоядек тошларни тўптошибдай ўйнаётган
Лочин полвон қудрати,
Лочин полвон шиддати.
Ўша кездан бола хаёли полвонда қолди,
полвон бўлиши орзу-қанотида кезинар кунлар,
Орзу дунёсида кечар тунлар...

3

Қишлоқ.
Дарахтлари солланган ҳовли.
Сарпоічан,
ялангоч болакай.
Атрофин турнадай қуришаган укалари,
тенгқур жўралари.
Энди болакай тош кўтаратар,
калладай-калладай тошларни отар боши узра,
тишиларида кўтаратар,
тишиларида отар тошларни.
Бола тақлид айлар,
Хув, ўша Лочин полвонга.
У хаёл-ла кезинар
полвонлар оламида,
тушида ҳам тош кўтаратар,

тош ўйнатар.

Унга тин бермас ҳеч
полвон бўлиши орзуси.

4

Вақт сойлари шарқираб, тошиб
тошлиар ила оқизди болакайни,
харсангларга урила-урила,
қирғоқларга сурила-сурила,
оқди тошлиар қуршовида болакай.

Неча бор қонади бурни,
лат еди оёқ,
мажсолсиз қолди қўл.

Ўртанди бағир,
болалиги оқди сагир.

Oxir,
сўзларни қофиялаб,
ничирлади олов каби ёниб -
куйиб неларнидир айтди.

Шеърият сари ҳайқира-ҳайқира
сўз тўлқинларида оқди болакай.

Уни кимдир тинглайди,
уни кимдир тингламас.

O, шеърият тошлиари,
полвон тошлиаридан оғирдир беҳад.

Энди,
юракка урилар оғир тошлиар.

Балки,
синар бардошлар,,,
Багрини тилкалар Сўз тошлиари,
Қонларин симирап Сўз тошлиари,
кўз нурларин толиқтирап Сўз тошлиари,
оромларин зирқираптар Сўз тошлиари.

5

Тошкент.

Эски Жўва майдони.

Тош ўйнатар Турсун Али Муҳаммад.
Аждарҳодай отар тишлари ила
шода мисол тизилган сонсиз тошлиарни.

Кўкраги,
елкаси,
патдек учирар
тогдай зил-зил тошлиарни.

Бармоқлари,
оёқлари коптоказдай ўйнатар ҳайрон тошлиарни.

Халоийқ юрагига урилар ҳайрат,
седай ёғилар қарсаклар.

Момақалдироқдай ўқирар олқииш.

Парзага тушади не-не юраклар.
Гар тошлиардан нафас ростласа полвон,

қалбидан отилар Рауф Парфи сўзлари,

Муҳаммад Юсуф шеърияти руҳ багишилар унга.

Таскин берар Ғулом Фатҳиддин,

Яҳё Тога,

Чоршамъ,

Хумий...

Ногоҳ полвон кўзлари нур сепар менга,
сўзи ташриф бўюарар менга.

Шеър ўқийман қисиниб,

қимтаниб,

ўзни йўқотиб,

топиб ўзни.

Ўша-ўша полвон ила елкада қўллар,

Ўша-ўша полвон ила туташидир йўллар.

6

Ўйлар гирдобига чўқдим,

қалқдим.

Турсун Али Муҳаммад онасин ёлгизи.

Менинг онамдек,

Унинг онасин ҳам

фарзандларин Ер ютавергач юҳодек,

Ёлгизин Оллоҳдан тилаб олган, оҳ.

Бул шуълалар ўйнаётган дунёда турсин, дея,

исмин Турсунали қўйган умид-ла.

Ёлгизин авайлаб,

дуо айлаб,

Ўстирган меҳр офтоби-ла.

Полвон ҳам,

мен каби,

Авлиёлар этагига тушган ният-ла.

Тавоғ ила,

кўзга суртган Хизр тупрогин,

дилга суртган Хизр изларин.

Лочин полвон этагида,

Лочин полвон етагида,

майдонларга тушган дуолар қанотида.

Ўша-ўша эл полвони,

ўша-ўша юрт шони.

ўша-ўша...

7

Ҳайрат-ла бу ёргу дунёга боқдим,

нафрат-ла бу бўғиқ дунёга боқдим.

Кўзларимга тўқинди

оқ яктак,

хиром этик кийган,

бошида қаламтир нусха дўпти,

Ёнида кийик шохидан ясанган пичоқ,

адл қомат,

магрур боқаётир дунёга Турсун Али Муҳаммад полвон.

У майдонда тош кўтарар,

боши узра

елкаси узра,

зил-замбил тошлиарни укпардай отар осмон-фалакка.

Ўзбек кўнглидай кенг майдонда тош кўтарар

кафтларида кўтаргудек ул қадим Фарғонани.

Sharafli mashaqqat

Ҳар бир соҳа тараққиётида касб сирларини ўргатиб, илм-фан зиёсини таратувчи мўътабар зот, азиз устозларимизнинг ўрни катта. Уларнинг ўгит-сабоғидан инсоннинг фикри теранлашиб, юксала боради. Устозлардан олган амалий ва назарий билимларимиз, илм-фан ўйналишида бўладими ёки ҳунар эгаллаш борасидами бизга таянч бўлиб хизмат қиласди. Устозлик – улуғ мартаба. Шогирдлик – катта масъулият. Кўпинча, бирор масалада ёши улуғ инсонларга мурожаат қилсан, устозинг ким, деб сўрашади. Демак, биз ҳақимиизда муайян фикрга келишлари учун устозимизнинг кимлиги муҳим экан. Демак, устозимиз номи билан кириб борган жойимизда шу устоз номига лойик бўлишишимиз лозим экан, деб ўйлаб қоламиз. Устозлар анъанасига содиқлик, ҳар бир ишни устозлар оқ фотиҳаси билан бошлиш каби қадриятларимиз ҳам бўлгуси касб усталарининг саодатига хизмат қиласди. Айни анъаналарнинг бугунги кундаги кўринишлари хусусида тасаввур ҳосил этиши учун турли соҳа вакилларидан саволларимизга жавоб олдик.



Ориф ҲОЖИ, шоир,
Ўзбекистон ёзувчилар уюшмаси
Самарқанд вилоят
бўлими бошилиги

– Устоз-шогирд анъаналари ҳақида фикрингиз.

Устоз-шогирдлик диёrimизда минг йиллар олдин шаклланган мукаддас анъаналардан хисобланади. Хусусан, Ҳазрат Навоий устозларининг фарзандини отдан тушиб қаршилаганлари, тавозеъ билан кўришганлари ҳақида аниқ маълумотлар бор. Нўймон ибн Собит ўз шогирдлари билан кетаётгандарида исқирт кийинган итбокар ибронийга дуч келадилар. Унинг етиб келишини кутиб, хурмат билан кўришганларидан сўнг, аввал уни ўтказиб кейин йўлларида давом этадилар. Шогирдлари бу холатдан таажжубга тушиб, сабабини сўраг

анларида:

**– Бу одам менинг устозим бўлади, – деб жавоб берадилар.
Шогирдларининг ҳайратланганини кўриб, шундай изоҳ берадилар:**

– Бир масалада вояга етган итнинг нафаси ҳаром эканлигини ўқигач, унинг вояга етганини қандай аниқлашни билмадим ва шу итбокарга мурожаат қилдим. У менга вояга етган ит қандай бўлишини ўргатди. Шу туфайли у менга устоз хисобланади, унга кўрсатилган хурматнинг сабаби шундадир, – дея мулоҳаза билдирилар.

Хозирда ҳам элимизнинг бу мукаддас анъаналари барҳаёт. Масалан, Самарқанд вилояти Ёзувчилар уюшмаси биносида устоз-шогирдлар хонаси мавжуд. Бу ерда вилоятнинг таникли шоир, ёзувчилари ўз шогирдлари билан учрашиб, тавсия берадилар, асарлари ҳақида фикр билдирадилар. Мазкур даргоҳда хафтанинг душанбаси маҳсус устоз-шогирдлик куни деб белгиланган. Бу кунда устоз-шогирдлар ўзаро фикр-мулоҳаза алмашиш баробарида, мушоиралар ҳам ўтказишиади.

– Устозларингиз ва шогирдларингиз ҳақида...

– Устоз отангдек улуғ, деган нақл бежизга келтирилмайди. Бизнинг камолотга етишишимизда бу азиз инсонларнинг ўрни бекиёс. Мен биринчи устозим деб отамни биламан. У киши бизнинг ўқиши-ёзишимизни қаттиқ назорат остига олганлар. Ҳатто сўзларни тўғри талафуз қилишимиз учун товушларни қайта-қайта соатлаб машқ қилдиргандари кечагидай

эсимда. Хатни аниқ ёзишимизни талаб килардилар. Бирор ўқишига кийналадиган хатнинг кимга кераги бор, деб такрорлар эдилар. Гапираётib чайналиш, кулиш каби иллатларни қаттий таъкикларди. Мактабда, университетда ўқиётган кезларим, бу кўнкима ва билимларнинг жуда кўп фойдаси тегди.

Ўзим ҳам фарзандларимга устозлик қилишга ҳаракат қиласман, аммо бу жуда оғир юмуш эканлигини энди англаб етаяпман. Устозлик жуда катта завқ ва сабр-тоқат талаб этади.

Адабиёт йўлига қадам кўйган ёшларга ҳам талабни қаттий қўяман, чидамагани кетиб қолади. Адабиётни худнамолик деб ўйлаган ёшлар, баъзан каттароқлар ҳам келиб қолади. Уларга адабиёт тарбия иши, кишиларнинг хислари, туйгуларига таъсир этишдан мақсад, уларни тўғри йўлга йўналтиришдир, деган тушунчаларни сингдирмоқчи бўласан. Эшикдан ийманибина кириб келган, бир-икки йил меҳнатнинг сингиб, қалами сал-пал келишиб қолган йигитчани бир-иккита шеърига таҳсин эшитгач, ёқавайрон ҳолатда майхонада кўрасан. Кўзи шираданиб, улуғ-улуғ одамларнинг исмини ҳам тилга олиб, мақтаниб ётган бўлади.

Тўғри, барча шогирдлар хусусида кескин гапириш ноўрин. Самарқандлик устоз шоирларнинг сабоқларидан баҳраманд бўлиб, пойтахтда ўз ўрни ва овозига эга шогирдлар анчайин.

– Устоз шогирдан ўрганса бўладими?

– Зехни ўткир, ўз касбининг етук

мутахассислари бўлган устозлар, ёш кадрларга билим, тажрибаларини сингдириш баробарида улардан ҳам илм-фан, касб-хунар янгиликлари борасидаги фикр мулоҳазаларини оладилар. Мен ҳар бир шогирдимдан нимадир оламан. Ҳар бир одам бир мўъжиза-ку, шу мўъжизадан ибрат ола билмаган устоз қандай устозлик қилиши мумкин. Бугунги ёшлар-ку донишманд. Масалан, замонавий техникалардан фойдаланиш имкониятлари уларда жуда катта. Уларнинг баъзиларини устоз деб чакираман. Аввалига ғалати эшигилгандай бўлади, аммо кейин кўнишиб кетишиади.



Зулхумор ХОЛМОНОВА,
ЎзМУ Тил назарияси ва амалиёти
кафедраси профессори

Устозларимни қадрлайман
Ўтган бир онингни қайтара олмас,
На афсус, на кўз ёш ва на баҳона...

Дарҳакиат, йўқотилган вактни қайтаришнинг имкони йўқ. Шиддаткор замон сарҳадларида ҳар бир одамнинг ўз умр йўли бор. Бу йўллар бирда туташади, бирда йўқ. Мухими, инсоннинг ўзлигини, бошқаларнинг тақдир йўлига қай даражада алоқадор эканлигини белгилайди бу йўллар. Унда дадил одимлаб бораётган шундай зотлар борки, улар инсоннинг табиат гултожи сифатида эътироф этилишига замин яратадилар. Бундай инсонлар дунёкараши, ахлок-одоби, маънавияти, бой тафаккур олами билан ажralиб турадилар. Уларни “устоз” деймиз меҳр билан...

Ҳаётнинг ҳамма соҳасида, хоҳ илм-фан, илму хунарда, хоҳ ҳарбий соҳада, хоҳ спортда – хуллас, барча жабҳада устозларга муҳтожлик сезамиз. Инсон дастлабки қадамидан тортиб, қўлига илк бор қалам ушлаган чоғлари-ю етуклик даврида ҳам устозларга эҳтиёж сезади. Устоз гоҳ мактаб ўқитувчиси, гоҳ олий ўкув юрти профессори, маҳаллада гулдай хунарни ёшларга ўргатаётган нуроний отаҳон қиёфасида гавдаланади. Устоз номига лойик бўлган барча улуғ инсонларни “ибрат тимсоллари” дегим келади. Илм-фан ўргатаётган, зиё тарқатаётган устозларнинг ҳаётдаги ўрни, айниқса, бекиёс.

Умр окар сувга ўхшайди, тиним билмай оқиб кетаверади. Вакт – югурик, бир лаҳза, оний воқелик. Ана шундай шошқин умр лаҳзаларида бу ҳаётни безаб турувчи инсонларнига илғай оласан. Инсон номини баланд тутувчи, шу номга муносиб, сурати ва сийрати олим бўлғанлар, юз-кўзларидан-да илм зиёси, маърифат нури ёғиладиганлар кўп дунёда. Улар ютуқлари билан керилмайдилар: эришганлари осмон қадар юксак бўлса-да, ўзлари замин қадар вазмин бўладилар. Касблари, фаолиятлари билан ўзларини эмас, ўзлари орқали билимни, аждодлар тафаккурини кўрсатишига интилиб яшайдилар.

Фан – заҳмат, илм – машакқат демактир. Фан сарҳадлари устозларнинг, заҳматкаш олимларнинг салмоқли ҳиссалари боис такомиллашиб бораверади. Тинимсиз изланиш, кўп йиллик илмий тадқикотлар олимларнинг ҳаётий эҳтиёжига айлангандагина фаннинг ҳақиқий ривожи таъминланади. Олимлар фан равнақига ҳам, ёш авлоднинг маърифий камолотига ҳам ҳисса кўшувчи, ёшларни маънавият чўққилари томон етакловчи, уларга ҳаётдан сабок берувчи буюк инсонлардир. Шоирнинг “Мўмин ҳаёт дарсин ўқир кўзингиздан устозлар”, деган сатрлари ҳар бир ўракка жо бўлгани шундан эҳтимол.

Мен учун қадрдон бўлиб қолган, ҳам таҳсил олганим, ҳам дарс бериб келаётганим – жонажон маскан – Миллий университетдаги устозларимга ҳамиша таъзимдаман. Улардан илм-фан сирларини ўрганиш билан бирга ҳаёт сабоқларини ҳам

олдим. Меҳрибокий устозларим Шавкат Раҳматуллаевдан ҳақиқатга тик боқиши, Ҳамидулла Дадабоевдан самимийликни, Бегали Қосимовдан қатъиятни, Муҳаммаджон Қодировдан жонкуярликни, Омонилла Мадаевдан нутқ маданиятини ўргандим. Ҳозирда азиз устозларимдан олган билим ва ҳаёт сабоқларини талабаларга улашиб келмоқдаман.

Таълим бериш жараёни ҳам машакқатли, ҳам масъулиятли. Аммо талабангнинг юксак натижаларга эришганини билганингда, битириб кетган шогирднинг талабалик давридаги дарсларни согингани ҳақидаги самимий эътирофини тинглаганингда машакқатлар мутлако унутилади.

Ҳозирги устоз-шогирд тизимида ҳар икки томоннинг ҳам масъуллиги талаб килинади. Тезкор давр ёшлари атрофлича билим, теран тафаккурга эга бўлган, тез суръатлар билан ривожланаётган жамиятнинг дадил қадам ташлаб бораётган тийрак фарзандларири. Баъзи ўринларда, ёшларнинг устоздан ўзиб кетган томонлари ҳам бор. Жумладан, компьютер тизими, электроника, техник воситалар борасида ёшларнинг аксарияти чуқур билимга эга. Бу давр эҳтиёжи ва талабидир.

Юрбошимиз таъкидлаганлариdek, мустакил Ўзбекистон равнаки учун учун ҳар биримиз масъулмиз. Устозлар қўлларида илм-маърифат машъаллари билан олга ундасалар, шогирдлар устозлар даъватига мос равишда аждодлар тафаккур зиёсидан баҳраманд бўлиб, ёрқин келажак сари илдам бормоқлари жоиздир.

Ҳаёт давом этар экан, устоз-шогирдлик анъанаси ҳам давом этаверади. Гарчи, бугунги кунда мени кимлардир устоз ўрнида эътироф этаётган бўлсалар, бунинг учун, аввало, ўз устозларимдан миннатдорман. Эришган ютуқларим, олган билимларим – ибрат сабоқлари учун устозларим олдида қарздорман. Мана шу қарздорлик бурчи мени олга интилишга ундейди.

Устоз ва мураббийлар куни муносабати билан республикамиздаги барча маърифат фидойиларини муборакбод этаман. Келажак авлодни ҳар томонлама баркамол килиб тарбиялашдек эзгу ишларида мувафақиятлар тилаб қоламан.



Гули ШАЙХОВА,
тиббиёт фанлари доктори,
профессор

**– Устоз-шогирд анъаналари
ҳақида фикрингиз.**

– Устозлар ҳақида сўз бошлиганимизда жонкуяр, заҳматкаш, сабр-тоқатли, каттиққўл, шунинг баробарида меҳридарё инсонлар кўз ўнгимизда гавдаланади. Уларнинг ўқувчиларга берётган илми, ўргататётган ҳар бир амалий тажриба-кўникмаси, машақатли меҳнатлари эвазига шаклланади. Бу ўқувчи-шогирдларнинг ҳар томонлама мукаммал: юксак савияли, дунёқарashi кенг, соғлом, кучли ирова соҳиблари бўлиб етишишларига замин яратади.

Устозларнинг асосий вазифаси – шогирдларни тарбия қилиш, ҳар томонлама зукко, ўзидан ҳам билимдон, маданиятли, зеҳнли, катталарга хурмат, кичикларга иззат билан карайдиган, камтарин етук этиб тайёрлаш деб тушунаман. Шогирдларимга ўз фарзандларимдек мурожаат қиласман.

Ҳозирги кунда шогирдларим билан 2 та ўқув дарслиги, 3 та монография, ўқув қўлланмалари ишлаб чиқардим. Ҳар бир килинадиган ўқув, илмий ва маънавий ишларда доим улар билан маслаҳатлашаман, керакли маълумотлар ва фикрларни беришга ва муаммолар бўлса уларнинг фикрлари билан қизикаман. Биргаликда, ҳамжихат бўлиб, муаммоларни хал этишга ҳаракат қиласмиш. Уларда қандайдир камчилик бўлса, доимо тўғри тушунириб, ёрдам беришга ҳаракат қиласман. Мен эришмаган ютуқларга сизлар эришинг, бу мен учун катта шараф деган сўзларни такрорлаб тураман. Саккиз нафар

шогирдим номзодлик, икки нафари докторлик диссертациясини химоя килган.

**– Устозларингиз ва
шогирдларингиз ҳақида...**

– 1975 йилда Тиббиёт институтини туттагманман. Ҳозирги барча муваффақиятларим устозларимнинг заҳматлари эвазига деб биламан. Бирор кун келиб, бирор шогирдим мен ҳақимда менинг устозларимга эхтиромимчалик завқ билан сўзласа, бу менинг умрим бекор ўтмаётганидан, шогирдларим учун қилган меҳнатларим самара берганидан деб биламан.

**– Устоз шогирдан ўрганса
бўладими?**

– Инсон умри давомида изланади, ўрганади. Шогирдларимнинг изланишларини кузатиб, уларнинг тиббиёт фанига олиб кираётган янгиликларини ўрганиб бораман. Бир сўз билан айтганда, мен ҳам ўз шогирдларимнинг шогирдиман.

кувончли қунларига шерик бўламиш. Бешикчилик халқимизга бобомерос хунар. Бу борада устозлар тажрибаси ва малакаси бизга жуда аскотади.

**– Устозларингиз ҳамда
шогирдларингиз ҳақида.**

– Албатта, бешикчи уста Ҳамидулла акани устоз деб биламан. Улардан олган сабоқларимиз,

ўргатган илм-тажрибалари бизнинг шу даражага етишишимизда замин бўлди. Мустақил иш бошлаб, анча тажриба орттирганимиздан сўнг, шогирдлар тайёрлашга ҳам эришдик. Шогирдларимиз Равшанжон, Ҳасан, Носир, Баҳромжонлар бугун ўзлари бешиксоз уста бўлиб кетганлар.

Ҳозирда улар ҳам ўз маҳсулотларини ишлаб чиқаришмоқда. Дизайн борасида ҳам жуда гўзал ижод намуналарини яратишмоқда.

Ўқувчиларимиз билан ўртамида устоз-шогирдлик анъаналари йўлга кўйилган. Шогирдларимиз билан ўзаро тажриба алмаси жараёни сара маҳсулотлар ишлаб чиқаришимизда замин яратаяти. Келгусида ҳам шогирдларимиз билан ҳамкорликда иш олиб бориб, халқимиз учун янгиликларга бой, кўркам, сифатли бешик тўпламларини яратиш ниятидамиз.

**– Устоз шогирдан ўрганса
бўладими?**

– Шогирддан нега ўрганиб бўлмас экан. Ёшлар ҳамма соҳада фаол, интилувчан. Улардан тадбиркорликни, сўзамолликни ўрганаман.



Муяссар ИСМАТОВА,
хунарманд

**– Устоз-шогирд анъаналари
ҳақида фикрингиз.**

– Хунарли киши кам бўлмайди. Хунарманд меҳнати орқасидан оиласи фаровонлигини ошириш баробарида, маҳалла-кўйнинг меҳрига, хурматига ҳам эришади. Биз оиласиз билан 1998 йилдан бўён хунармандчилик ишлари билан шуғулланамиз. Оиласада эркаклар бешик ясаш ишларини олиб борса, уни бўяш, безатиш ишлари биз аёлларнинг зиммасида. Ясаган бешикларимиз билан болажон халқимизнинг



Дилнавоз ЮСУПОВА,
филология фанлари номзоди

**– Устозга қандай таъриф берши
мумкин? Устоз ким? Унинг сийрати
ва суврати қандай бўлиши лозим?**

– Ҳаёт аслида бир мактаб кабидир. Инсон ҳаётда ўзи учун чароғон йўл истайди. Бу йўлда баҳту саодат, руҳи ва қалби учун нурли ҳаловат топишни орзу қиласди. Лекин умр сўқмоқларида синов кўп, тўсиқ кўп. Уларни қандай килиб енгмоқ мумкин? Такдир имтиҳонларидан қандай қилиб ёруғ юз или ўтиш мумкин? Одам энг кийин лаҳзаларда, муаммоларига ечим топишга қийналган онларидаги ўзига мадад ва суюнч бўладиган, маънавий олами юксак устозга эҳтиёж сезади. Айтмоқчимизки, ҳақиқий устоз ўз шогирдига фан илмидан ҳам аввал ҳаёт илмини, яшаш илмини, виждан ва инсоф, сабру каноат, шукру матонат илмини ўргатади. Устозларимиз аслида, бизлар учун фақатгина илм берганлари сабаб эмас, қандай яшашни ўргатганлари туфайли ҳам кадрлидерлар.

Устоз бўлиш ўта масъулияти. Илм зиёси ила қалбларни мунаварр этиш шараф, аммо унинг машаққатлари ҳам бисёр. Устоз бўлиш шунчаки аудиторияга кириб, режадаги мавзуни тушунтириб бериш билангина чек-ланмайди. Аслида мана шу вазифа ҳам муаллимдан катта фидойилик ва муҳаббатни талаоб қиласди. Ўтилажак мавзуга қунт билан тайёрланиш, иложи борича муҳим ва керакли маълумотларни тўплаш, уларни талаба ёки ўқувчи тушунадиган услубда етказишнинг ўзи катта маҳоратдир. Ҳар бир ўқитувчи, назаримда, шогирдлари олдидаги масъулиятини хис этган ҳолда ўзи учун муайян категорияларни белгилаб олиши зарур. Масалан, аввало, устоз ўқувчини ўз фарзанди каби яхши кўриши, шогирдни инсон сифатида хурмат килиши зарур, деб ўйлайман. Шогирд билан мулокотга киришган муаллим унинг ҳар бир фикрини дикқат билан эшитиши ва ўзининг муносабатини талабанинг иззатини сақлаган ҳолда билдириши керак. Талаба устози уни хурмат килаётганлигини хис этади ва шунга лойик бўлиш учун ҳам ҳаракат қиласди. Қолаверса, муаллимнинг нутки аҳамият берилиши шарт бўлган нукталардан бири, деб

ҳисоблайман. Агар устознинг нутки тиниқ ва жозиб бўлса, ўқувчи ҳам, талаба ҳам унга интилади. Кишилар олдидаги маданият, муносабат билдиришдаги мулойимлик ва қатъият ҳам ўқитувчида мужассам бўлиши лозим бўлган фазилатлардандир. Саналганлар муаллимнинг ташки дунёси билан боғлиқ нукталар эди. Инсон устозлик макомига кўтарилдими, демак, у ўз ички дунёсини ҳам поклашга интилиши заруриятга айланади. Чунки покиза қалби бўлмаган одам бошқалар қалбida эзгулик уйгота олмайди. Муаллим ҳамиша ўзини тафтиш қилиши, талаба ёки ўқувчиси олдидаги ўзининг гоҳо ноҳақ бўлиб қолиши мумкинлигини унугтаслиги, жоиз ўринларда йўл қўйган камчиликлари учун ўз шогирдидан узр сўрашдан ҳам тортинаслиги керак, назаримда. Шунингдек, устоз ўзи ҳаётда ибрат тарзида кўрсатишга қодир бўлган эзгуликлар, хайрли ишлар ҳақида сўзлаши шарт. Чунки амал қилинмайдиган сўз айтишининг ҳосиласи йўқ. Умуман олганда, устознинг ўз касби ва шогирдлари олдидаги мажбуриятлари, бурчларидан энг муҳимлари сифатида шуларни кўрсатиш мумкин, деб ўйлайман.

– Шу ўринда шогирдлик бурчи ҳақида нима дейини мумкин?

– Ҳазрат Навоий “Маҳбуб ул-кулуб” асарида шундай ёзади: “Шогирд агар шайхулислом, агар қозидур, агар устод андин розидур — тенгри розидур”. Кўриниб турибиди, Алишер Навоий устознинг розилиги тангри розилигига етаклайди, деган фикрни илгари сурмоқда. Шогирд, аввало, устозни ўз ота-онаси каби эъзозлаши лозим. Муаллимнинг ҳар бир сабоғини қунт билан ўзлашибди, дарсларига беэътибор бўлмаслик, топширикларни сидқидилдан адо этиш, устозга ҳамиша хурмат сақлаш шогирднинг вазифаси ҳисобланади.

Мумтоз адабиётимизда ҳам устоз-шогирдлик масаласига кенг эътибор қаратилган. Масалан, ҳазрат Навоийнинг “Фарҳод ва Ширин” достонида Фарҳод дунёвий

билимларни Боний, Моний, Корандан, руҳоний илмларни Хизр, Сухайло ва Сукротдан олганлигини биламиз. Яъни бу ўринда шоир устоз шогирднинг руҳий камолоти учун ҳам жавобгар эканлигига алоҳида тўхталган. Қолаверса, “Кутадгу билиг,” “Қобуснома” каби барча дидактик асарларда устоз ва шогирднинг вазифалари, бурчлари ҳақида боблар мавжуд. Буларнинг барчаси шуни кўрсатмоқдаки, устоз ва шогирдлик кутлуг анъана. У муқаддас тушунча. Унинг шартларига амал қилиш шараф ва баҳтдир.

*– Бугуннинг муаллими...
Уни қандай қиёфада қўришини хоҳлардингиз?*

– Бугунги кунда ҳам муаллимларимиз илм сирларини шогирдларига очиш йўлида машаққат чекмоқдалар. Уларнинг шарафли меҳнатларини қадрлаш ва рағбатлантириш керак. Илм олишни қудук билан игна қазишига менгзайдилар. Мен айтган бўлардимки, бу айни ҳақиқат. Илм олиш осон эмас ва унга барча ҳам мушарраф бўлавермайди. Илм бериш эса, игна билан қудук қазишидан-да машаққатлироқ. Мактаб, коллеж, академик лицей ва олий ўкув юртларида минглаб зиёли инсонлар фарзандларимизга илм эшикларини очяптилар. Бугунги ўзгаришлар замонавий ўқитувчи олдига катта талабларни қўймоқда. Ўқитувчи шогирди олдидаги идеал киёфада намоён бўлиши учун дунёдаги ҳар бир янгиликдан хабардор бўлиши ва унга тўғри муносабат билдири олиши, ўзининг ҳаракатлари билан ўрнак бўла олиши, энг муҳими, интернет, мобил телефон ва турли фильмлардан ғолиб келиши ва ўқувчи қалбини китоб каби ўқий билиши лозим. Ўқувчи устозини дўст сифатида тасаввур қилиши керак. Зотан, муаллимлик шараф, шунинг учун ҳам унга ҳамма лойик бўлавермайди.

Дилфузা КЕНЖАЕВА
тайёрлади



O'zbekning “birinchi skripka”si

Ўтаётган ҳар бир лаҳза тарихга айланар экан, уни кимдир ўзининг шарафли фаолияти билан, кимдир савобли ишлари билан безаб боради. Табиийки, ҳар бир халқ юртга хизмат қилган, нафи теккан шахсларни ардоқлади, доим ёдида тутади. Ўзбекистон халқ артисти Фанижон Тошматов ҳам шундайлардан биридир.

Фанижон Тошматов ҳақида гапириш мен учун завқли. Мен бу инсоннинг нафақат ижоди, балки ҳаётини ҳам яхши биламан. Чунки Фанижон Тошматов менинг ҳам устозим, ҳам бобом эдилар.

Фанижон Тошматовнинг инсоний фазилатлари, болажонликлари, доимо қўллари кўксидаги юришлари алоҳида мақолаларга мавзу. Бу мақола, асосан, кўпкіррали санъаткор сифатида халқимизга қилган хизматлари билан боғлиқ.

Ҳақиқатан, Фанижон Тошматов зўр созанда, бастакор, мусиқий ансамбллар ташкилотчиси ва раҳбари, аскиячи, ниҳоят, катта бир оиланинг отаси эдилар. Ўзлари доимо қўлларида фижжак бўлгани боис, таниш-билишлар ҳам бу инсонни моҳир фижжакчи созанда деб билардилар.

Кези келганда таъкидлаш жоизки, фижжак ва скрипка ниҳоятда нозик чолғулардан. Камонни созга сал ботиқроқ ушлаш ёки тегиб-тегмай кетиши, созанданинг меҳри ва қалб қўри ижро давомида сезилиб туради. Ушбу соз шуниси билан ҳам фарқ қиласиди, унинг дастасида, худди пианино, рубоб, танбур ва бошқа чолғуларда бўлгани каби мусиқий парданинг жойланиши аниқ белгилаб қўйилган эмас. Шу сабабли бармоқлар фижжак дастасида сирпаниб, нафақат яrim, ҳатто чорак ва нимчорак пардаларни хис этиши керак. Мухими, уларни аниқ топа билишда, акс ҳолда куй сомеъларга фализ эштилади. Ижодкор асарни ўз юраги, қалбидан ўтказиб, ўзиники қилиб, ўз ҳарорати, хис-туйғуларини кўшиб чалганидагина эшитувчини мамнун этиши мумкин. Чунки фақат шунда эшитувчи ижрочининг туйғулари билан биргаликда унинг ҳароратини, юрак уриш маромини ҳам сезади. Шунинг учун концертни тўғридан-тўғри рўпарама-рўпара эшитган маъкул.

Созанданинг меҳри ва истеъоди туфайли чолғу ижодкор танасининг муҳим бир қисмига айланниб қолади

ва созанда асарни ижро этаётганида созга қарамаса ҳам, бармоқларнинг ўзлари керакли пардаларни топа олади. Шу сабабли ҳам ҳар бир созанда асарни фақат ўзининг чолғусида ижро этишини яхши кўради. Бобом ҳам худди шундай қиласидар. Уларнинг иккита фижжаклари ва иккита скрипкалари бор эди. Уларни шунчалар авайлаб ардоқлар эдики, ҳатто созни филофига солишларидан олдин, уни чиройли кўк рангдаги баҳмал мато билан ўтар эдилар. Агар фижжакларининг товушида ўзгариш сезса, янги балиқ терисини бироз ивитиб, уни эҳтиёткорлик билан фижжак косасига қоплар эканлар.

Фанижон Тошматов ёшлигидан таникли ҳофизлар Мулла Тўйчи Тошмуҳаммедов, Беркинбой Файзиев, Жўрахон Султоновлар билан жўрнавозлиқда қўшиклар куйлаган. Таникли бастакор ва созанда – Дони Зокиров раҳбарлигидаги ўзбек халқ чолғулари оркестрида етакчи созанда концертмейстер эдилар. Асар ижро этилишидан олдин чолғулари соз эканини текшириб олиб, ижро давомида оркестрни ўз ортидан эргаштириб кетардилар. Оркестр учун ёзилган асарлардаги фижжакнинг якканавоз ижроси бобомга топшириларди.

Европада етакчи, иқтидорли скрипка ижрочисини “биринчи скрипка” дейишади. Фанижон Тошматовни ҳам фижжак ижрочилиги бўйича “биринчи скрипка”си деса бўлади.

Яхшидан ном қолади, деганларидек, бобом оламдан ўтган бўлсалар-да, уларнинг тасмаларда қолган ижролари, шогирдларининг ёдномалари, устоз ҳақида яхши хотиралар колган.

Бир куни мактаб ўқувчиси давримда бобомнинг ўз ижроларини эшитганим ҳануз ёдимда. Ҳовлиларидаги катта гилос дарахти тагида жойлашган сўрида ўтириб, қўлларига фижжак олиб “Насри сегоҳ”ни чалгандарига ҳамма жим бўлиб, ҳатто қўшни ховлилардан келаётган овозлар ҳам эшитилмай қолди. Юзлари ниҳоятда жиддийлашиб куйни чалар, кўзлари ҳам куйнинг

кайфиятини етказиб берарди. Куй баъзида бир текис, узилмай чўзилиб келар, баъзида узилиб-узилиб, баъзида баланд, баъзан паст овозда чалинарди. Камон гижжак симлари устида текис, тез, баъзан эса оҳиста юрарди.

Фанижон Тошматов ижодий меросини ўрганиш, устознинг инсон сифатидаги портрети билан танишиш етишиб келаётган созандалар учун катта мактаб вазифасини ўтайди. Зеро, устозларнинг нафақат қилган ижодий ишлари, босиб ўтган йўллари хам ўрнакдир.

*Лола ФАНИЕВА,
санъатшунос*



NICHON

Seriallarda umumiylik va o'ziga xoslik

Телевизор оиласига айланганига, сериаллар ҳаётимизга кириб келганига анча бўлди. Бошқа катор техник имкониятлар телевизорни кундалик ҳаётимиздан чиқариб ташлай олмади. Ҳар қайси телеканалнинг кундалик дастурида бир-иккита сериал учун жой бор. Бадиийлик дарражаси, мавзу ва гояси жиҳатидан хилма-хил эканлигини ҳисобга олган ҳолда, сериал экран санъати тури сифатида муентазам ривожлантириб бориш яхши, албатта. Миллионлаб томошабин эҳтиёжига ҳамоҳанглигни ҳисобга олиш, телеканал йўналиши ва конун-коидаларини назардан кочирмаслик, энг муҳими, эътиборига ҳавола этилаётган ҳар бир намойишга томошабиннинг муносабатини олдиндан тўғри тахмин қила билиш ҳар бир канал олдидағи муҳим ва мураккаб вазифа.

Сериалларни кўпчилик бир кўришли асар деб баҳоласа-да, уларни қайта-қайта кўрадиган, буни талаб қиласиган томошабинлар ҳам бор. Сериаллардан аксарият томошабин маънавий озука олмоқда, ҳаёти, турмуш тарзидан хулоса чиқармоқда. Мавзу канчалик кенг, мазмунга бой, инсон дилидаги гапларни айти олса, ўша фильмни кўпчилик, баъзан бутун оила томоша қиласи. Эфир сериаллари ва фильмлар, асосан, кечки дастурда, кенг аудитория учун мўлжалланаётгани, жанрлар, мавзуларнинг хилма-хиллиги (тарихий, замонавий, ижтимо-

ий, афсона ва драматик, фантастик, комедия) томошабин сафини қатъий сақлаб, бадиий телевиденининг салмоқли турига айланди.

Филмларнинг яратилиш жараёни бир неча босқичдан иборат. Баъзан асардаги давр ва мазмун кўп қисмли фильмга сифасдан, телевизион фильмни юзага келтиради. Кўп қисмли телевизион фильм сериалдан воқеаларнинг давомийлиги билан фарқланади. Кўп қисмли фильмнинг давоми яратилса, бу янги асар бўлади, сериалнинг давоми эса янги мавсум деб юритилади. Шунингдек, сериалда якун назарда тутилмайди. Колаверса, у пишик адабий асосга эгалигидан мавзуси нисбатан ёпиқ бўлади. Бошқача айтганда, адабий асар кўп қисмли телефильмда бирламчи масаладир ва юксак бадиий савияга эга бўлиб, ўз даврининг маданий бойлигига айланади.

Сериаллар шартли равища иккига бўлинади:

– ҳар бир серияси алоҳида, деярли тугалланган ҳикояга эга классик сериаллар. Одатда, ҳар бир серия ўзининг тугуни, кульминацияси ва ечимига эга бўлади. Сериялар бир-бiri билан деярли боғланмаган, бирок секин ривожланадиган ва умумлаштирилган сюжетнинг кичик бир қисми тарзida давом этади. Камдан-кам ҳолларда бир ҳикоя бир серия эмас, икки-уч серия қилиб тасвирга туширилади.

– битта қисса узлуксиз, давом эттириладиган сериал. Бунда сюжет-

нинг деярли боши ҳам, охири ҳам бўлмайди. Воқеа бирор-бир серияда бошлангани билан у ҳеч қачон айнан шу сериянинг ўзида тугамайди. Яна бирданига, параллел тарзда бир неча воқеа линиялари ривожланиб боради. Параллел сюжетдаги ҳар бир драматик вазият бирданига эмас, бирин-кетин пайдо бўлади. Томошабинни кейинги серияга кизиктириш мақсадида ҳар бир қисмнинг охири драматик вазият билан якунланади.

Телесериалнинг яна бир жиҳати, унда бош қаҳрамонлар ва воқеа жойи деярли ўзгармайди. Ситкомлар, титрлар ва reklamalalar билан кўшиб ҳисоблаганда одатда 20-30 дакика давом этади.

Бугунги кунда кўп серияли телевизион фильмларни яратиш, ўзбек адабиётидаги дурдона асарларни экранлаштириш, шу билан бирга ёшларни миллий маънавиятимизнинг жавоҳирлари билан кино воситасида таништириш долзарб масалалардан ҳисобланади. Бунинг натижасида телесериалдан енгил-елпи хорижий телесериалларни сиқиб чиқариш имконияти юзага келади. Теледаъват орқали ёшлар онгига безарар, миллий рух уйғотувчи, эзгу мақсад, улкан кашифётлар сари ундейдиган ғояларни илгари суриш, уларнинг “баркамол авлод” бўлиб вояга етишида муҳим омил бўлиб хизмат қиласи.

*Музаффар ҚОРАБОЕВ,
таҳдиқотчи*



HOFIZLIK SAN'ATI

Элда ардокли ҳофиз бўлиш, устозлик жуда улуғ мартабадир. Эл меҳрининг масъулияти катта. Ана шундай меҳр қозонган, она ҳалқи санъатига ўз муносиб хиссасини кўшган истеъдодларни ҳофиз дейиш, ниҳоятда тўгри. Ўзбекистон ҳалқ ҳофизи Орифхон Хотамов ҳақида сўзлаганда ҳофиз, устоз деган эътирофлар ўринли ишлатилган бўлади, назаримда. Устознинг кўшиқларини тинглаб, инсонийлик фазилатларини кузата туриб, ёшлигимдан уларга ўхшашни орзу қилиб, вояга етдим. Эзгу орзунинг ижобати бўй кўрсатар экан. Ўзбекистон давлат консерваториясини тугаллаб, Юнус Ражабий номидаги мақом ансамблига борган кунимдан, кўплаб етук устозлар билан бирга Орифхон Хотамов билан ҳам ишлаш баҳтига мусассар бўлдим.

Устоз Орифхон Хотамов ҳам ижрочи, ҳам созанд, ҳам бастакор сифатида етук ижодкор эдилар. Ўзи учун кўшиқ яратишдан ташқари, бошқа ижрочилар учун ҳам бир қанча ашуласар ижод этиб берганлар. Бугун ҳам қўлига соз олиб, устоз басталаган ашуласарни ижро этаётганларнинг борлиги кишини қувонтиради. Навоий ғазали билан “Қоши ёсинму дейин”, “Бўлибдур”, “Бўлмиш”, Фурқат ғазали билан “Етиб васлинг”, “Айладинг-кўйдинг”, Мунис ғазали билан “Сенсиз”, Фузулий ғазалига Амирий мухаммаси билан “Ўландан сўр”, Ноқис ва Махмур ғазаллари билан “Ҳасратда доғман”, Хувайдо ғазали билан “Бўла қолдим”,

Аваз Ўтар қаламига мансуб “Бу окшом”, “Ахлоқи одоби билан”, Саида Зуннунованинг “Ўтдиму” ғазали, Чустий, Туроб Тўла, Акмал Пўлат, Пўлат Мўмин сингари қўплаб забардаст шоиrlар қаламига мансуб шеърларга басталанган ашуласар устоз ижодига мансуб.

Айниқса, Навоий ғазали билан айтиладиган “Қоши ёсинму дейин” ашуласи ҳозирги кунда ҳам қўплаб ёшларимизни ҳалққа танитган, меҳрини уйготган кўшиқдир. Ушбу ашула мусикашунос олимлар ва устозлар томонидан ушишоқ ладида яралганлиги учун “Орифхон Ушшоги” тарзида эътироф этилади.

Устоз шогирдларининг истеъодини тўғри илғаб, муносиб баҳо беришни билардилар. Шогирдларидан бири Расулқори Мамадалиевга “Бугун бир ашула айтсан, кори эртасигаёқ ўрганиб, қойил қилиб, ўзимдан ҳам ўтказиб айтарди”, деб таъриф берганлар.

Устоз санъат соғлиги учун мудом жон койитиб: “Жон болаларим, ашуласи айтинглар, фақат ўз йўлларинга солиб, ҳар хил нолалар кўшиб, бузиб айтманглар. Чунки, Худога шукур, ҳамма ашуласарим шинавандаларга аслича сингиган. Мухлисларни ранжитиб кўясизлар. Бошқалар бузиб айтганини эшитсангиз ҳам менинг номимдан айтинглар, бузмай айтишсан”, дердилар. Устознинг яна бир яхши насиҳатлари бор эди: “Болаларим, устозлар басталаб айтган ашуласарни айтинглар, майли, бироқ қўпроқ ўзларинг басталаб айтишга ҳаракат қилинглар. Чалаётган соз ўзингизники, айтаётган ашула ўзингизники, бунинг баҳтига ҳеч нарса етмайди. Бирордан фалон жойини бузиб айтди, деган норозиликни эшитмайсиз”.

Бир издиҳомда у кишига: “Устоз, Фузулийнинг “Ўландан сўр” радифли ғазалига Чустий домла мухаммас боғлаган эканлар. Шу мухаммасни қўлимдан келганича сизларнинг йўлларингизга ёндашиб, бир нарса яратгандай бўлдим”, дедим тортиниб. Қаттиқ ҳаяжон билан ашулани бошлаб, яхшилаб айтишга ҳаракат қилдим. Айтиб бўлганимдан кейин устоз “Баракалла болам, давомчилиаримиз бор экан. Энди хотиржам бўлсак бўлар экан”, деганлар. Бу гап менга бир умрлик мукофот деб биламан.

Шукур киласизки, ҳозирги кунда санъат олий ўкув юртларида, мусика мактаблари, коллеж, лицейларда дайсизми, ҳаммасида анъанавий ижрочилик бўлнимлари мавжуд. Уларда ҳақиқий устоз кўрганлар дарс бериб, ёшларимизга мақом, мумтоз ва бастакорлар асарларини мукаммал ўргатиб келмоқдалар. Айтимоқчиманки, ҳар бир талаба дастуридан, албатта, устоз Орифхон Хотамовнинг яратган асарлари жой олган. Айниқса, Ўзбекистон давлат консерваториясининг бу борадаги хизматини алоҳида таъкидлаб ўтиш жоиз. Ҳар ойда ўтказиладиган “Назм ва наво” кечаси, ҳозирги кунда жуда яхши йўлга кўйилган. Ана ўша концертларда ҳам хоҳ ўқитувчи устозлар томонидан бўлсин, хоҳ талабалар томонидан бўлсин, албатта, устоз басталаган икки ёки уч ашула ижро қилинади. Бу ҳам, албатта, ижодкорнинг бир умр ўзбек ҳалқи учун, ўзбек санъати учун хизмат қилиб, ўз мактабини яратадиганнинг маҳсули бўлса керак.

Эркин РЎЗМАТОВ,
Ўзбекистон Республикаси ҳалқ ҳофизи



Til – millat qalbi

Тил аждодлардан мерос буюк хазина, авлодларни боғловчи маънавий кўпrik хисобланади. Ҳар қандай тилда у мансуб бўлган халқнинг маънавияти, руҳий олами, аклидроқи, орзу-умидлари, юксак инсоний фазилатлари ўз ифодасини топади. Дунёда уч мингдан ортиқ тил бор, уларнинг ҳаммасини ўзлаштириш қийин. Аммо тилнинг мўъжизавий қудрати шундаки, киши ўзи учун мутлако бегона тилдаги сўзлашув ёхуд қўшиқни тинглаганда, шу миллат ҳакида маълум тасаввурга эга бўлади.

Ҳар икки йилда Самарқандда ўтказиладиган “Шарқ тароналари” халқаро мусиқа фестивалида дунёнинг эллиқдан ортиқ мамлакатларидан келган санъаткорлар ўз маҳоратларини намойиш этадилар, уларни тинглар экансиз, дунёнинг бошқа бир бурчидаги яшаётган халқнинг қалбини тушунгандай бўласиз.

Равон ва ифодали нутқ, мантикий мушоҳада, сўз ва ибораларни тўғри ёзиш ва кўллаш ҳамма замонларда ҳам муҳим фазилат хисобланган. Чунки ёзув ва талафузда кишининг билими, тафаккури билан бирга, унинг ички инсоний маданияти ҳам тўла намоён бўлади. Сўз ва иборалар, Эркин Воҳидов эътироф этганидек, тирик организм, биз билан бирга яшайди, бирга нафас олади, ўсиб-улғаяди, янги маъно-мазмун касб этади.

Биргина мисол. Ўзбекистон халқ артисти Муножот Йўлчиеванинг мумтоз қўшикларини хорижклар эътибор билан, тъйбир жоиз бўлса — кўнгиллари билан тинглашади. Улар, табиийки, ўзбек тилини билишмайди, аммо бизнинг асрлар ва минг йилликлар синовига дош бериб келаётган, ўтмиш тарихимизга гувоҳ ва сирдош оҳангларимиздан, пурмъяно сўзларимиз ифодасидан жуда кўп ахборот олишади. Мумтоз қўшикларимизда халқимиз босиб ўтган тарихий йўл, жангу жадаллар, қонли босқинлар, зулм ва истибодд азоби, ёруғ ва адолатли кунларга умид, келажакка ишонч бор. Давлатимиз раҳбари таъкидлаб ўтганидек, “Ўзликни англаш, миллий онг ва тафаккурнинг ифодаси, авлодлар ўртасидаги руҳий-маънавий боғлиқлик тил орқали намоён бўлади. Жамики эзгу фазилатлар инсон қалбига, аввало, она алласи, она тилининг бетакрор жозибаси билан сингади. Она тили — бу миллатнинг руҳидир”.

Улуғ мутафаккир, давлат арбоби, ғазал мулкининг султони Алишер Навоий замонидан бошлаб тилимиз тараққиётга юз тутди. Неча асрлар давомида буюк юксалиш йўлини босиб ўтди. Илму идроқда, фалсафа ва мантиқда, ҳаётнинг бошқа барча соҳаларида бекиёс нуфузга эга бўлди. Шу давр ичida она тилимизда жаҳон тамаддуни ривожига муносаб хисса бўлиб қўшилган кўплаб буюк асарлар яратилди, оламшумул ихтиrolолар қилинди. Аммо, таассуфлар бўлсинки, шўролар замонига келиб, тилимиз

қизил мағкура исканжасига тушиб қолди, нуфузига путур етди, она тилини мукаммал ўрганишга эътибор сусайди. Абдулла Авлонийнинг “Ҳар бир миллатнинг дунёда борлигини кўрсатадурган онаи ҳаёти унинг тили ва адабиётидур. Миллий тилни йўқотмак миллатнинг руҳини йўқотмакдур”, деган огоҳлик сўзлари ҳам тил сиёсатини юргизаётган мағкурачиларга таъсир килмади.

1989 йилнинг 19 октябрь куни бу масала Олий Кенгаш сессияси муҳокамасига қўйилди ва ўзбек тили мамлакатимизда давлат тили деб эълон қилинди. 1992 йил 7 декабрда кабул қилинган Конституциямизда давлат тилининг юксак мақоми хукуқий жиҳатдан аниқ белгилаб қўйилди.

Орадан ўтган йиллар ичida тилимизнинг бўй-басти тикланди, байроқ, герб, мадхия, Конституция каби давлатимизнинг муқаддас тимсолларидан бирига айланди. Истиқлол йилларида тилимизни янада ривожлантириш, унинг кўлланиш доирасини кенгайтириш, халқаро миқёсда фаол ижтимоий-сиёсий, ижодий ва иқтисодий мулокот воситасига айлантириш борасида жуда кўп ибратли ва самарали ишлар қилинди, бу борада кўплаб илмий тадқиқотлар олиб борилди.

Бундай ютукларни яна кўплаб келтириш мумкин. Бироқ эътироф этиши керакки, давлат тилини кўллаш, уни ўрганиш ва ривожлантириш борасида ҳали талай муаммолар ҳам бор. Имло қоидаларига тўла амал қиласлиқ, оммавий ахборот воситаларида, хусусан, газета-журналларда, телевидение ва радиода, босма нашрларда сўз ва ибораларни нотўғри ёки ўринисиз кўллаш, маъносини яхши англамаслик, кўча ёзувларидаги чалкашлик ҳолларидан кўз юмиб бўлмайди. Бундай нуқсонлар аста-секин ёш авлод нутқи ва ёзувига кўчади ва кейинчалик, уларни тузатиш мураккаблашади.

Ҳар йилнинг октябрь ойида мамлакатимизда тил байрами маънавий ҳаётимиздаги ёруғ байрамлардан бири сифатида нишонланади. Мехнат жамоаларида, олий ва ўрта маҳсус ўкув юртларида, маҳаллаларда мустакиллик шароғати билан ўз мавқеига кайтган бу мукаддас неъматга бағишлиланган кўплаб тадбирлар бўлиб ўтади. Байрам шукухи ҳар биримизда ўзликни англаш ва бундан фахр-иiftixor туйиш туйғусини янада кучайтиради. Тилга эътибор – элга эътибор экан, тилимизнинг юксак мақоми ва гўзаллигини, мукаммал ва таъсирчанлигини сақлаб қолиш, уни келажак авлодларга бус-бутун, бор куч-кудрати ва жозибаси билан етказиш ҳар биримизнинг кундалик бурчимиз бўлиб қолиши керак.

Қизлархон САИДОВА

Ўзбекистон Республикаси Мустақиллигининг 22 йиллиги арафасида бир гуруҳ юртдошлиаримиз Президентимизнинг фармонига асосан, юксак мукофот ва унвонлар билан тақдирландилар. Суҳбатдошишимиз Муҳимиш номидаги ўзбек давлат мусиқали драма театри актрисаси Одинахон Нарзуллаева (Фозиева) Ўзбекистон халқ артисти унвонига сазовор бўлди.

Унинг ижросидаги меҳрибон ва куюнчак она тимсоли, севгисига вафодор аёл, қайнона, буви, жайдари, самимий аёллар қиёфаси... Уларнинг барчаси ҳаққонийлиги, жонлилиги, жозибадорлиги, кишини ўй-мулоҳазага чорлаши билан муҳлислар кўнглидан жой олган.

Актриса ҳар бир ролига киришар экан, чин маънода ўша ярататётган образи ичидаги яшиади. Қаҳрамонининг ҳар бир ҳаракати, мимикаси, ўй-кечинмаларини ҳис этган ҳолда, тўлалигича, жонли тарзда томошибинларга етказиб берга олади. Бу, албаттa, актрисанинг юксак маҳорати, тажрибаси, ўз устидаги олиб борган тинимсиз изланишилари самараси.



San'atdan yaralgan saodat

– *Одина опа, Ўзбекистон Халқ артисти унвонига сазовор бўлганингиз билан чин дилдан табриклиймиз. Бу кувончи хабар барча муҳлисларингизни хурсанд қилди.*

– Раҳмат. Камтарона меҳнатларимизни кадрлаб, юксак унвонга лойиқ кўрганларидан бошим осмонга етди. Табриклардан, самимий кутловлардан бўшамаяпман. Бу бизнинг меҳнатларимизга, санъатимизга бўлган катта эътибор деб биламан. Айтганингиздек, муҳлисларим кўп экан. Тинимсиз қўнғироклар бўляпти, театрга йўқлаб келишяпти. Эътибор кўнғилни яшнатар экан. Айни шу эътибор санъат йўлидаги барча машққатларимни саодатга айлантириди.

– *Санъат оламига кириб келишингиз тўғрисида сўзлаб берсангиз.*

– Инсон тақдирни танламас экан, яшаш давомида пешонага ёзилганини кўриб бораверар экансиз. Санъаткорлар оиласида дунёга келганим боис, санъат олами менга бегона эмас эди. Дадам моҳир созанда Муҳаммаджон Юсупов Ўзбекистонда хизмат кўрсатган артист, онам Ширмонхон Фозиева Ўзбекистонда хизмат кўрсатган маданият ходими эдилар. Ақаларим Аскаржон журналист, Мансуржон педагог бўлсалар-да, санъатнинг баъзи турларини мукаммал эгаллашган. Дадам чолгуларни маромига етказиб чалардилар. Шогирдлари Маъмуржон Узоков, Фаттоҳхон Мамадалиев каби машхур санъаткорлар билан қизгин ижодий ҳамкорлик олиб боришган. Онам... Кунларнинг бирида устоз санъаткорлар Мукаррама Тургунбоева, Лутфихоним Саримсокова, Тамарахоним, Ҳалима Носирова каби санъаткорлар Асака

шахрида концерт беришади. Шунда онам қизиқиб кетиб, саҳнада рақсга тушганлар. Ўша даврнинг машхур санъат дарғаси Уста Олим Комилов онамнинг рақсини кўриб, ўз гурухига таклиф килган эканлар. Онам оиласидагиларнинг каршилигига қарамай санъат соҳасида қолганлар. Онам 16 ёшлигидан театрда роллар ижро эта бошлаган. “Нурхон” спектаклида Нурхон, “Гулсара”да Гулсара “Аршин мол-олан”да Гулчехра каби кўплаб ролларини томошибинлар мириқиб томоша қилишган. Ота-онам ҳаётлари давомида жуда гўзал ижод намуналарини яратишган. Эсимда, уйимизга жуда кўплаб устоз санъаткорлар ташриф буюришарди. Уларнинг ижро этаётган ҳар битта куй-кўшиклари мени ўзига оҳанрабодек тортарди. Улар даврасига қандай бориб қолганимни сезмай қолардим. Атрофимдаги мухит, қизиқиши, иштиёқ сабаб бўлиб, беш ёшдалигимдан санъатга бўлган меҳрим уйғона бошлаган. Ота-онам ҳаракатларимни кузатиб туриб “Одинахонда ҳам яхшигина овоз бор, Худо хоҳласа, ундан яхши санъаткор чикади”, деб кўйишиарди. Ёшлигимда кўплаб санъаткорлар уйимизга ташриф буюриб, дадамга мусика ёздиришар, баҳс-мунозара олиб боришар, бу борада қизғин суҳбат курадар эдилар. Оиламизда ижод жараёни қайнар эди.

Онам 1961 йил Шаҳрионда истеъодли ёшларни йигиб “Ашула ва рақс ҳалқ ансамбли”ни ташкил этди. Онам чин дилдан ёшларга санъат сирларини ўргатишдан толмасдилар. Яъни санъат учун қалбларини фидо қилган инсон эдилар. Бу гурух ўз даврида жуда қизгин ижодий фаолият олиб борди. Улар Германия, Польша, Франция, Покистон каби кўплаб хорижий давлатларда бўлиб ўтган

танловларда ўзбек халқининг нодир куй-қўшиклиари билан иштирок этишиб, концертлар беришган. Кейинчалик мен ансамблда ҳам қўшиқчи, ҳам ракқоса сифатида фаолият олиб бордим. Ансамблимиз вилоятлараро ўтказилган танловда биринчи ўринни эгаллаган. Кейинчалик, қўшиқчилик ва ракс бўйича бир қанча фестивалларда лауреат бўлдим. Булар институтга киргунимга қадар бўлган жараёнлар эди.

Институтга киришим воқеаси қизик бўлган. Ўша пайтдаги санъат институти ректори Камолиддин Сирожиддинов бошчилигида устоз ўқитувчilar мендан имтиҳон олишди. “Қани, қанака қўшик ёки раксни ижро килиб берасиз”, деб сўрашди. Уларга “Ёр келмади” қўшиғини бармоқларим билан столни чертиб, куйлаб бердим. Қўшик тугагач, барча домлалар қарсак чалиб юборди. Шунда ректор “Бу қизимизнинг ижросига нима дейсизлар? Телеэкранларда ҳам кузатганимиз, санъати жуда чиройли, сизлар ҳам фикрларингизни билдиринглар”, деб савол назари билан атрофдагиларга қаради. Ниҳоят, талаба бўлдим. Шу тариқа бутунлай ижод оламига шўнгигб кетдим.

— Ҳар бир қасбнинг оғир-енгил тарафлари бор. Актрисаликнинг машаққати ва завқи нимада?

Айниқса, аёл киши учун актрисалик жуда мушқул вазифа. Бу машаққатни ота-онамда ҳам кўрдим. Улар қанча қийинчилик билан ансамблар туздилар. Шогидлар тайёрлаб, саҳнага олиб чиққанларидаги машаққатларини ўзим ёнларида кўриб гувоҳи бўлганман. Менинг ҳаётимда ҳам ўзига яраша қийинчиликлар бўлган. Онам вафот этганларида ҳали бўйқиз эдим. Санъатнинг ҳар қанча қийинчилиги бўлса, турмуш ўртогум раҳматли Саъдулла Нарзуллаев билан бирга тортганмиз. У киши билан беш ийл институтнинг драма бўлимида бирга таҳсил олдик. Улар ижодимни доимо кўллаб-кувватлаб турганлар. Биринчи курслигимдаёқ театрга ишга қабул қилиниб, бош қаҳрамон ролларини ижро эта бошлаганман. Аёл ва актриса сифатида барчасига улгуришга ҳаракат килардим, яъни телевидениеда концерт бериб, театрга югурадим, театрдан ўқишга, яна рўзгор ишлари... Барибир, завқ билан ижод қилганман. Турмуш ўртогум билан жуда чиройли ҳаёт кечирдик. Олти нафар фарзандимизнинг таълим-тарбиясида жуда қаттиқ турдилар, барчалари ўқиб, олий маълумотли бўлди. Саъдулла акамнинг менга қилган ёрдамлари жудаям катта. Улар Ўзбекистон телерадиокомпаниясида ўттиз йилдан ортиқ хизмат қилдилар. Ҳаммани қадрлайдиган, меҳрибон, камтарин инсон эди. Санъатнинг барча бахти-завқини, машаққатини бирга тортдик. Санъаткор бўлмаман деган аёл кишининг турмуш ўртоги ҳам санъаткор бўлиши ёки санъатнинг машаққатини юракдан тушуниши керак экан. Саъдулла акам умри давомида мени севиб, ардоклади, авайлаб-асради. Шу сабаб ишимииз оиласигиз тотувлигига дахл қилмади.

— Сизни, асосан, Муқимий номидаги театр саҳнасидаги ролларингиз, телеспектакллардаги образларингиз орқали танимиз. Кинода сизни кам кўрамиз. Кино соҳасида қандай залворли ролларни ижро этишини хоҳлардингиз?

Ўзбек оналарининг иродаси, меҳри баланд. Уларнинг сабр-қаноати, қатъияти, оиласига бўлган садоқати олдида доимо бош эгамиз. Ўзи менга кинорежиссрлар камроқ

мурожаат қилишади. Яқинда Тангатопди қишлоғида Маъруфжон Отажонов режиссёргида “Армонли дунё” кинокартинаси суратга олинди. Бу фильмда фарзанд додига куйган она тимсолини яратдим.

— Бу олдинги ролларингизнинг мантиқий давоми бўлиб туюлмадими?

— Ҳамма оналар бир-бирига ўхшайди. Тийнатимдаги нимадир – меҳрибонликми, жонкуярликми ролларимда кўчиб юрган бўлса, эҳтимол...

— Нима дейсиз, театр актёри, кино актёри деб мослашув керакми?

— Театр – жонли ижро саҳнasi. Томошабин эътиборини, муносабатини ҳис этиб, саҳнада қаҳрамон ички дунёси билан бирга яшаб, унинг рухиятини тўлалигича очиб, табиий, ишонарли, таъсирчан килиб ёрита олиш керак. Ўйнаётган ролингизга юрагингизни бера олишингиз лозим. Образга қалб қўрини бермадингизми, томошабинни таъсирлантира олмайсиз. Мен ўн олти ёшлигимдан саҳнада бош роллар ижро этганман. Театрда “Лайли ва Мажнун”да Лайли, “Тоҳир ва Зухра”да Зухра, “Равшан ва Зулхумор”да Зулхумор, “Мавлоно Муқимий”да Обидахон каби ролларни йиглаб ўйнаган саҳналаримда, томошабинларнинг ҳам йиглаб қараб турганларига гувоҳ бўлардим. Бутун вужудим билан, қалбим қўрини бериб ўйнаган қаҳрамонларимни ҳалигача соғинаман.

Кинони суратга олиш жараёни театрга нисбатан анча ентил. Бирор кадр сал ўхшамай қолса, қайтадан тушириш имконияти мавжуд. Кўпчилик актёр, актрисаларимиз олдин театрда ижод қилишиб, кейин кинода ўйнашади. Лекин мен театр саҳнasi билан кино олиш жараёнини бир хилда қабул қиласман. Кинода ҳам ҳаракат-ҳолатларни жой-жойига қўйиб ижро этса, ҳеч қанақа қийинчилик бўлмайди.

— Инсон камолотида устозларнинг ўрни бекиёс. Шу ўринда устозларингиз ҳақида ҳам тўхтамсангиз.

— Лутфихон Саримсоқовани ўзимга устоз деб биламан. У кишининг ижро этган ҳар битта роллари ибрат бўлиб, ижодий фаолиятимда катта мактаб вазифасини ўтади. Устозим билан бир-биримизга бўлган меҳримиз юкори эди. Лутфихоним Саримсоқованинг қўшиклиарини ўрганиб, уларни пластинкаларга ёзib олганман. Лутфихон аямлар “Худо хоҳласа, Одинахон, сиз беш киррали санъаткор бўласиз”, деб айтардилар. Театр саҳнасида қаҳрамон ролларини яратишида Эътиборхоним Жалилова, Ҳамза Умаров, Рассоқ Ҳамроев, Марям Иҳтиёрова каби устозларим доим менга қанот бўлишган. Уларнинг ишончлари билан қанчадан-қанча ролларни ижро қилишга муваффақ бўлдим.

— Инсон орзулар билан яшайди. Сизнинг олдиндаги орзуларингиз, режиссаларингиз?

— Саҳна одамининг орзулари улкан роллар билан боғлик бўлади. Кўплаб ажойиб ролларни яратиш, муҳлисларимнинг меҳрини қозониш, шунингдек, устозларимдан олган билимларим, ижодим давомида ўрганган тажрибаларимни шогирдларимга ўргатишдан чарчамаслик, ижодда тўхтаб колмаслик, доимо инсонларга яхшилик улашиш асосий истакларимдан биридир.

— Самимий сұхбатингиз учун раҳмат. Ижодингизга муваффақиятлар тилаймиз!

ДИЛФУЗА сұхбатлашиди

TASVIRLARDA VATAN TIMSOLI



Маълумки, санъат инсон руҳиятига, маънавиятига таъсир этиб, уни гўзалликка, эзгуликка чорлайди. Бу борада санъатнинг бошқа йўналишлари қатори тасвирий санъатнинг ҳам ўрни бекиёс. Урганчдаги суратлар галереяси ўттиз йилдан бўён Хоразм вилоятида маданий-маърифий муассаса сифатида самарали фаолият кўрсатиб, ўз йўналиши бўйича эътиборга молик тадбирларни амалга ошириб келмоқда. Маданият, санъат, айниқса, музей, тасвирий санъат соҳаси бўйича хукumatимиз томонидан белгилаб берилган вазифаларнинг бажарилишинитаминлаш бўйича галерея томонидан муайян ишлар килинмоқда.

Муассаса Хоразм вилоятида тасвирий санъатнинг замон билан ҳамнафас ривож топиши, шу соҳа вакилларининг ижодий фаолиятлари, уларнинг ўзаро ижодий ҳамкорлиги борасидаги ишларда ўзига хос ўрин тутади. Бу ерда кизиқувчилар мунтазам равишда ҳалкимиз хазинасида сакланаётган рангтасвир, графика, ҳайкалтарошлиқ, гобелен, анъанавий ва бадиий кулолчилик йўналиши ва услубларида яратилган бебаҳо асарлар билан яқиндан таништириб борилади. Галерянинг тасвирий ҳамда амалий санъат тарихи, назарияси, бугуни ҳакида тарғибот-ташвиқот ишларини олиб боришдаги фаолияти муҳим ахамият касб этади.

Ўтган давр мобайнида галереяда аҳолига музей хизмати кўрсатиш, тасвирий санъатни кенг тарғиб қилиш борасида бир қанча ишлар амалга оширилди, ўнлаб вилоят, республика миқёсидаги нуфузли кўргазмалар, шунингдек, турли мавзуларда маданий-маърифий тадбирлар ўtkазилди.

Бу галги тадбир Урганч суратлар галереяси томонидан муассаса фаолиятига 30 йил тўлиши, “Обод турмуш йили” ҳамда Ўзбекистон Республикаси мустақиллигининг йигирма икки йиллиги байрамига бағищланниб, “Қадрқимматим, таянчим ва ифтихоримсан, мустақил Ўзбекистон!” шиори билан ташкил этилди.

Вилоят ҳокимлиги, Маданият ва спорт ишлари бошкармаси, Урганч суратлар галереяси ҳамда Ўзбекистон Бадиий академияси вилоят бўлими томонидан Ўзбекистон Бадиий академияси бадиий ижодкорлар уюшмаси аъзоси, шу академиянинг Кумуш медали совриндори, рассом Мадамин Худойбергановнинг шахсий бадиий кўргазмаси ташкил этилди.

Ушбу кўргазма экспозициясидан муаллифнинг ижодий ҳаёти давомида турли жанрларда яратилган олтмишдан зиёд рангтасвир асарлари ўрин олган.

Юбилей тадбирлари доирасида устоз ҳамда таникли рассомлар, ҳайкалтарош ва кулоллар билан учрашувлар, ижодий мулоқотлар, давра сухбатлари, маҳорат дарслари каби қатор маданий-маърифий тадбирлар ташкилластирилди.

Маримбой ОТАМУРОДОВ



Кизалоклардан келажакда ким бўлмоқчисан, деб сўрашса, албатта, ё ўқитувчи ё шифокор деб жавоб беришади. Нозимахон ҳам катта бўлсам, устоз бўламан, дерди. Унинг истаклари бошқа қизлар каби улгайган сари ўзгариб бормади, аксинча, катъийлашиб, ўз устида ишлашга, устозлари тажрибасини синчилаб кузатишга боғлаб кўйди. Болаликдаги ўйинлари ҳам “мактаб-мактаб” бўлиб, сингилларини қатор ўтқазиб, ўзи устоз бўлиб, уларга “дарс” ўтарди. Мана, ўттиз йилча вақт ўтиб, бугун у ҳақиқий устоз.

1993 йилда мактабни тутатгач, иккиланиб ўтирмай хозирги Педагогика университетига кирди. Ўқишни тутатгач, орзулари рӯёбини кўрди. У Тошкент шаҳридаги 45-мактабда бошлангич синф ўқитувчиси бўлиб ишлай бошлади. Ҳар хил оиласарда, ҳар хил тарбия топган болалар билан ишлаш бошида осон кечмади. Дарсда бир ўқувчи тўсатдан йиглаб қолса, бири уйига кетгиси келиб колар, ҳаммасини ўрнига кўйгунча, 45 дакиқалик дарснинг ярми ўтиб кетарди. Устозлари тажрибасига таяниб, маслаҳатлашиб, билмаганларини сўраб ишини давом эттираверди. Ота-оналар билан ишлашни ўлгала кўйди.

Шиддаткор тарақкиёт таълим соҳасига ҳам ўз янгиликларини олиб кирди. Янги педагогик технологиялар, мультимедия воситалари ёрдамида дарслар олиб бориш ўз натижасини берди. Нозима Усмонова дарс ўтиш технологияси, таълим ва тарбия самарадорлигини ошириш борасида эришган

муваффақиятлари учун 2008-2009 ўкув юлида илк бор тақдирланди. 2010 йилда “Изланувчан ўқитувчи” номинацияси бўйича, 2011 йилда Баркамол авлодни тарбиялашда кўп йиллик самарали меҳнати ва жамоат ишларидаги фаол иштирохи учун туман миқёсида тақдирланди.

Баъзан уни кўчада таниган, танимаганлари ҳам устоз, деб чакириб колади. У устозликни касб, шараф ва мартаба деб билади. Бу мартабага эришгунча ўтказган беором тунларини, мендан устоз чиқмаса керак, деб йиглаганларини, ўз устозлари олдига маслаҳат сўраб боргандаги истихолаларини бугун завқ билан ёдга олади. У ўз ўқувчиларидан юрт ободлиги учун меҳнат қиласидаги фидоийлар чиқишига ишонади. Шунинг учун ҳам уларга ватанпарварлик фояларини сингдиришга харакат қиласди.

Шинамгина мактаб ҳовлиси. Нозимахон ўз ўқувчиларини шу ерда кутиб олиб, улар қуршовида синфга отланади. Мана, кўнғироқ чалинди. Хозир ҳар бир синфда ўқувчилар нимадир ўрганаяти. Нозима Усмонова ҳам ўқувчиларига янги дарсни бошлади. Бугунги дарс бўлажак юрт эгаларининг хотирасида бир умр сақланиб қолса ажаб эмас...

*Нигина ФУЛОМОВА,
Тошимирза АХМЕДОВ*





Мұхтало

Хикоя

I

Носни ёмон күраман...

Хар сафар одам гавжум күча-күйда ёинки бекат ёнида ёймачилар күрсаткыч бармоқдай ё ундан каттарок салаған халтачаларда нос сотиб ўтиришганига күзим тушса, гижиним келади. Бир гал, тасодиған нос растасига бориб қолганимда эса, ўткыр ва ачимсиқ ис бир томон, нос хирмони ва уни белкуракда қоплашаётгани томошаси бир томон бўлиб, ўзимдан кетиб йикилганман. Барибир, димогимга ўрнашиб қолган ёқимсиз хид бир ҳафтагача кетмади: на фаранг атири ёрдам берди, на "Хэйд энд Шолдерс" шампуни; баайни ичимга кимдир бир белкурак нос ташлаб юборгандай нуқул кўнглим айнийди, бошим айланиб, кўзим тинади, ўзим бехолман, сувдан бошқаси томогимдан ўтмайди, яна нуқул тупураман денг; зингил солиб қарасам, тупугим яшил...

Мен нос нима эканини биринчи марта чамаси олти яшарлигимда, ишқилиб, хали мактабга бормаганимда билганман.

Ўшанда биз далада, зах ертўлада яшардик. Йўқ, чайла эмас, аниқ ёдимда, ертўла эди. Яъни трактор дала чеккасидаги тепароқ жойдан чукур қазиб берган, унинг устига беш-олтига ёғоч билан саккиз боғ қамиш ташланган ва номига, сомонсиз оддий лойда суваб кўйилган. Сувоқ аллақачон қақроқ заминдай торт-торс ёрилиб, минг турли жондорнинг маконига айланганди. Шунгами шифт кечаси билан гичирлаб-кичирлаб, шитирлаб чиқишига кўнишиб ҳам қолгандик. Ертўламиз ёнидан факат трактор юра оладиган тизза бўйи тупроқ йўл ўтган. Мен баъзан, каерига урсам ҳам думини ташлаб қочадиган калтакесаклар билан жанг қилавериб чарчаган махалларим шу йўлга чиқиб, уста эринмай тупроғини элаб ясагандай чиройли урчуқсимон чуқурчаларга қизил чумолиларни киритардим-да, улар бир амаллаб судраб чиқкан чуллиларни корайиб-ёрилиб кетган товонимга суртасола югуриб қолардим: шунака қилган бола чопагон бўлади, деб эшигандим.

Мана шу эшик ўрнига илвираб қолган қанор осиб кўйилган, зиналари ерни ўйиб ишланган ертўлада эрта

кўкламдан то кеч кузгача яшардик. Пахта терими тугаб, томоркадаги хосил йигиштириб олинар, ер шудгорланар, ёмғирли-корли кунлар бошланар, шундан кейингина дилдираб хўжаликдаги уйимизга қайтардик.

Тўламиз (отам уни шундай атарди) доим зах, муздай ва нимкоронги бўларди. Керосин бемалоллиги сабаб, кечаси иккита фонус ёқиб кўярдик: бири ташқарига олиб чиқишига, иккинчиси устингга ўрмалаб кетадиган жондор-пондорни кўришга. Айниқса, дала курбақалари жуда безбет бўлишарди: энди ётган маҳалинг қай бурчакдан келиб қоларди-да, кўкрагингга сакраб чиқиб олар ва муздай оёкларини корнингга қўйганча кўзларини лўқ қилиб, бақрайиб караб тураверарди; бирини хайдаган заҳотинг кейингиси пайдо бўларди. Икки марта шифтдан биланглаб тушаётган илонни кўриб қолиб, додлаб юборганим эсимда. Шу сакраб туриб қочаман дейман, қани энди оёкларимда жон бўлса... Биринчи сафар отам лаънати илонни ўроқда уриб-ҳайдаб солди, "Кўркма, сариқ экан, бунинг заҳари йўқ", деб мени юпатган бўлди; иккинчи гал бир амаллаб кетмондастада уриб туширгач, ташқарига олиб чиқиб, аввал роса тешада туйди, сўнг чалажон илон устига керосин сепиб, ёқиб юборди. Сабабини сўрамасам ҳам, отам тушунтириди: "Шундай килмасак, бунинг жуфти келиб ўч олиши мумкин". Буни эшитиб, анча вақтгача тунлари ухламай чиқадиган бўлдим...

Хуллас, мана шундай тарзда кечаетган одатдаги қайнок саратон кунларининг бирида, тишим бирдан қаттиқ оғриб қолди. Қачон, каерда шамоллатиб кўйдим, билмайман, аммо дунёда тиш оғриғидан азоблирок дард бўлмас экан. Жагим лўқиллайди, миям пешонамдан отилиб кетгудай даражада оғрийди, дунё кўзимга коронги кўриниб кетган, ғужанак бўлиб олганча ертўланинг у бошидан бу бошига инграб юмалайман, йиглайман. Охири вужудимни тер босди, негадир совқотиб, дағ-дағ қалтирай бошладим...

Вакт эса ўтмас, гўё бу тун, чирилдоқларнинг бепарво чириллаши, қурбақаларнинг мазахомуз қуриллаши абадий давом этадигандек эди.

Даладан қайтиб мени бу аҳволда кўрган, ваҳимага

тушиб қолган кетмончи онам бечора ўз билганича даволамоқчи бўлдими, шоша-пиша ёғ киздириб, қизиган ёғни пахтага шимдириб, оғриётган тишимга босди. Тишим жазиллаб кетди, бир-икки лаҳза ҳеч нимани сезмай, караҳт бўлиб қолдим. Жим бўлиб қолганимни кўрган онамнинг юзи ёришди. Бироқ кутилмаганда оғрик янги куч билан ҳужум қилди, миямни ўткир тирноклари билан ўйиб олаётгандек бўлди, кўзларимдан ўт чиқиб кетди ва мен жон ачигида додлаб юбордим...

Изиллаб йиглаган шўрлик онам “Хозир, хозир, жоним болам...” деганча фонусни ҳам олмасдан далага чопди. Мен, ҳар қанча азобланаётган бўлмайин, онамнинг нотекис йўлда қоқилиб-суринганча отам томон шамолдай елиб кетаётганини тасаввур этдим.

Отам сувчи эди. Бунақа иссиқ пайтлари ғўзага кечаси сув берилади.

Орадан қийноқли-азобли чорак соатча вақт ўтди ва онам худди тасаввуримдаги сингари шамолдек елиб қайтиб келди. Ёлғиз. Мен ҳатто отамнинг нима деганлигини ҳам билдим: “Қараб турмасам, сув уриб кетади, кейин бошим балога колади. Ўзинг бир амаллаб тур...”

Отамнинг бу гапларни айтганлиги аник, аммо қўшимча равишда яна бир маслаҳат ҳам берган экан, онам келасола шифтга ёпишди ва қийшиқ болор билан қамиш орасидан бир шишани олди.

Бу когоз тиқинли, ранги хира тортган шишада нима сақланишини билардим: отам баъзан ҳафсала билан шундан носқовогини тўлдириб оларди.

Дир-дир титраётган онам ёнимга ўтириди ва жиққа ёш тўла кўзларини яширишга уринган кўйи мени аврай бошлиди:

– Отанг айтди, шундан бир отимини тишингга ёйсанг, тузаларкан-коларкан, жон болам...

Дарвоке, ўрни келиб қолди-ёв, эслаб ўттай, онам носни ёқтирамасди. Отам остонагами, ертўламиз четигами ёки гоҳо, жуда ҷарчаган кезлари кўрпача ёки олача тагига нос тупурганини кўриб қолса, афти буришиб кетса ҳам индамас, аммо илдам ўрнидан турага ва кетмон ё белкуракни олиб келиб, ўша жойни киришилаб тозаламагунча тинмасди. Бунақа маҳаллари отам хижолат чекканини сездирмасликга уриниб, илжайиб кўяр ва керза этиги қўнжига шапатилаган кўйи:

– Сен бунинг кайфини билмайсан-да, кампир. Билганингда-ку... – деб кўярди.

Бунга жавобан онам норози бўлиб мингишларди:

– Кайфи курсин... Товуқнинг ахлатида кайф нима килади?

Ҳа, онам носайнан ўша најкосатдан қилинади деб ишонарди ва балки шу сабабли носдан ирганар, отам сўраган маҳаллари, “Сени чақиб оладими? Бунч...” дэя норози бўлиб гудранишларига қарамасдан шишани икки

бармоғида, ўзидан узокроқда тутиб узатарди...

Мана шу тагида озигина нос қолганлиги кўриниб турган шиша онамнинг қўлида эди.

Онам шоша-пиша шишанинг оғзига бураб киритилган қофоз тикинни олди, худди шу алфозда шишани пастидан кўтариб, кафтига бир отим нос ташлади. Сўнг ям-яшил, митти-митти зўлдирчалардан иборат носга бир муддат қараб қолгач, ҳалқ табобатининг бу нодир намунасини яна менга зўр бериб ташвиқ қила бошлиди:

– Кара, шундай тишингга боссанг бўлди...

Ҳар қанча жоним оғриётган бўлмасин, носга қараб, афтим буришиб кетди. Буни илғаган онам:

– Жон болам, одамлар даво деб заҳарни ичади, бу нима бўпти? – деди. Сўнг, менинг ҳамон юрагим чопмаётганини сезгач, кўрсаткич бармоғини лабига ҳўллаб, носга босди ва бармоғига илинганд носни ўзининг жағ тишига обориб босди.

– Қайа, жон болам, қайа...

Мен қарадим ва шўрлик онамнинг кўзлари олайиб кетганини кўрдим. Онам аранг гапирди:

– Тупуймай туйсанг бўйди экан... Қайа, бу жуда осон...

Менга ниманидир исботламоқ қасдида онам оғзини очиб кўрсатди. Балки тишига босилган носни намойиш қилмоқчи бўлгандир. Ногоҳ қалқиб кетган, энтикиб оғзини юмаётган онамнинг томоғидан нимадир “култ” этиб ўтганини кўрдим.

– Сиз... носни ютиб юбордингиз, – дедим мен онг-тонг қолиб.

– Ҳеч нима қилмайди, жон болам, ҳеч нима қилмайди. Озгинаси даво экан бунинг. Отанг айтди...

Мен қандай қилиб товук ахлатининг озгинаси даво бўлишини тасаввур этолмадим. Аммо мулоҳаза юритиб ўтиришга фурсат йўқ, оғрик жонимни буровга олмокда эди; заҳар бўлмайдими, тузатса бўлди-да.

Мен оғзимни катта очдим.

Онам... зехнли аёл эди. Кафтидаги носни аввал пахта орасига солди ва шу пахтани лўқиллаб оғриётган тишимга босди. Оғзимни юмдим.



Биз она-бала мўъжиза кутаётгандек бир сония туриб қолдик. Шундамен... оғриқтишимдан нималардир жимирижимирилаб миям томон бораётганини илғадим. Жимирижимирилар ўтган жойда қон томирларим карахтланар, бамисоли тўнғиб қоларди.

Жоним танамни аста-секин тарк этаётгандай бирдан бўшашиб қолдим. Тонг саҳардан буён давом этиб келаётган азоб чарчоги таъсир қилдими, кўзларим юмила бошлади ва мен ёстикка бошимни кўйдиму, шу заҳоти уйкуга кетдим...

II

Уйғонганимда тонг отган эди.

Онам бошимда ўтиради. Қуруқшаб қолган оғзим караҳт.

– Нима бўлди? – деб сўрай олдим бир амаллаб.

– Нос элитиб, ухлаб қолдинг. Энди оғримаяптими?

Шундагина ҳаммасини эсладим. Ажабки, тишим оғримас, озгина симиллаб турар, аммо бу кечаги азоблар олдиди хеч нарса эмасди.

– Йўқ, – дедим мағрур.

Онам яшнаб кетди. Шунинг устига нонушта қилгани келиб қолган, носнинг шифобаҳаш хусусияти борасидаги маслаҳати тўғри чиққанидан фоят мутаассир бўлган отам жўшди:

– Э, тиш нима бўпти! Луқмон Ҳаким бобомиз буни қирқ бир дардга даво деган. Бош оғригими, кўз оғригими, оёқ оғригими – ҳаммасини тузатади. Ўткир оҳак кўшилганда, шартта касалликнинг илдизини кесади. Ана ўзим, тунов куни ичим котиб қолганди, эрталаб туриб икки отимини тилимнинг тагига ташлагандим, ичакларимни кириб ўтди-кетди. Ўзиям кушдай енгил тортдим...

Алкисса, дастурхон бошида кўтаринки кайфиятда ўтиридик. Менга иссиқ ҳам, совуқ ҳам мумкин эмаслиги боис онам илимимилик чой килиб, нонни ивитиб берди.

Нонни шимиби ўтирган пайтим, билмадим, тилим ўша тишимга тегдими, даҳшатли оғриқдан кўзимдан ўт чиқиб кетгандай бўлди-ю:

– Вой! – деганча буқчайиб қолдим.

Эсхонаси чиқиб кетган онам ўрнидан отилиб турди:

– Оғридими?

Бош иргадим.

– Дўхтирга обораман!

Онамнинг қарори қатъий эди. Аммо отам кўнмади:

– Жағ тишининг илдизи бақувват бўлади, бир отим носвой билан кесилиб қолавермайди. Яна икки-уч марта дадил-дадил қўй. Аяма, тугаса, яна опкеламиз.

– Дўхтирга обораман.

Отам ётиғи билан тушунтиришга уринди:

– Бир-икки кун шундай қилиб кўр. Шундайм колмаса, майли, оборсанг оборарсан. Кеча Турди ака келиб, анча бақириб-чақириб кетди. Шийпоннинг ёнида қамиш кўриниб қопти, ҳозир ўшани бориб чоп. Қолган чопиқчиларгаям тайинлайман.

Турди деганлари ота-онам ишлайдиган шу юз гектарлик пахта майдонининг бригадири. Шопмўйлов, юзидан қон томадиган даражада семиз, ўзига ёқмаган одамни даладан тирқиратиб қувиб соладиган бу сўконгич одамнинг қаҳри қаттиқ эди. Отам ундан роса кўрқарди,

узокдан жаҳлдор овозини эшитса бас, шайтонлаб коларди... “Қолган чопиқчилар” эса хўжаликдан қатнаб ишлайдиган кетмончилар эди.

Онам кўнди.

Отам битта нонни белбогига тугганча далага шошиди.

Бегона ўтларни чопишга кетиш олдидан менга жигари туздай ачишиб қараб-қараб қўяётган онам журъатсизлик билан сўради:

– Оғрияптими?

Бола эдим, ҳали онани аяш, авайлаш нималигини, кафтингга санчилган тикан волидангнинг юрагига огули қилич бўлиб санчилишини билмасдим, шунга тўғрисини айтиб қўя қолдим:

– Оз-моз...

Онамнинг нафаси ичига тушиб кетди, сўнг, не бир муддат ўтгач, алам ва ожизлиқдан дир-дир титраганча, ранги кум ўчган аҳволда шифтдан яна ўша лаънати нос шишиасини олиб берди:

– Жуда оғриб кетса... озгина қўй... мана бундай қилиб...

Онам кафтига бир отим нос ташлади, кўрсаткич бармоғини намлаб, носга ботирди ва бармоғини жагига олиб бориб, носни тишига қўйди.

– Кўйдингма?

Мен бош иргадим.

Онам ташкарига чикиб, туфлади, томогини қириб-кириб туфлади, ҳатто ертўламиздан анча узоқлашган маҳалида ҳам қайта-қайта туфлаб кетаётганини кўрдим.

Онам шу куни ҳар икки-уч соатда мендан хабар олиб туришни удалади, ҳар гал келганида, албатта, тишимга нос қўйиб кетарди. Шу билан носни тугатдик хисоб. Охири нос элитибми, яна уйкуга чўмдим...

Шу билан коронги тушганда, фарқ терга ботиб уйғондим. Онам бошимда ўтиради.

Гўё ҳаммаси ўтиб кетгандек эди: жагимни бир неча марта очиб-юмиб кўрдим, бирон оғриқ сезмадим. Буни кўриб боши осмонга етган онам ёнидаги нос шишиасини меҳр билан силаб қўйди.

Аксига олиб энди дастурхон бошида ўтирганимиз чоғда тишим яна хунарини кўрсатиб қолса денг...

“Ох-вой”имга чидай олмаган онам пиқиллаб йиглаб юборди. Сўнг:

– Эрталаб дўхтирга борамиз, – дегач, балки ўзини ўзи ишонтириш учундир, иложи борича қатъий оҳангда қўшиб қўйди: – Осмон узилиб ерга тушсаям борамиз!

Осмон-ку, узилиб ерга тушмасди, аммо Турди бригадирники тутиб колиши мумкин эди. Буни кечки овқатга чопиб келган отамнинг – бу қарорни эшитганидан кейин – онамни чеккароққа имлаб чакириб, ваҳимали шивирлашларидан билиб олдим: “Ҳайдаворади... Ёмон у...” Онам унсиз йиглади: “Болам қийналиб кетди ахир... Тушунар, уям инсон-ку...” Бироқ, отамнинг куйиб-пишиб изоҳ беришига қараганда, Турди бригадир хеч қанақангি инсон эмас, суюнадиганлари бор, шу сабабли одамларни сўкиб, ҳакоратлаб, ишдан ҳайдаб ҳузур қиладиган, кейин ҳайдалгандарнинг томорқасини ўзи эгаллаб оладиган бадбин ва ёвуз кимса экан.

Онам аввалига хеч қандай далил-дастакка кўнмай, аҳдида қатъий туриб олди, бироқ томорка, бўлгуси суннат тўйи масалалари тилга олинганидан кейин бирдан

мунгайиб, қаддиям букилиб қолди...

Ахийри бир қарорга келинди: онам тонг сахарда далага чикиб, то хўжаликдан ишчилар етиб келгунга қадар тўрт жўяқ гўзани бегона ўтлардан тозалаб қўяди, шундан кейин мени олиб дўхтироҳонага кетади, ҳам баҳонада отамнинг нос шишиасини тўлдириб қайтади.

Лекин... камбагалнинг ови юрса дови юрмайди, биродарлар. Бизга ўхшаганларни түянинг устида ҳам иткопади.

Бундан олдинлари ҳам ертўламиизда эр-хотин орасида бўлиб ўтган ваҳимали пичир-пичирлар орқали мен баъзи нарсаларни билардим. Бу Турди деганлари ҳар йили ишчиларнинг июнь, июль, август ойларидаги маошларини бермас экан, шундай, ведомостга қўл қўйдиаркан-у, чўнтағига ураркан. Биронтаси юрак ютиб сўраб қолса: “Кузда паҳта сотиб оламан”, деркан. Яна баланддан ҳам келаркан: “Режани бажарсан, бир сўмиға икки сўмдан мукофот оласан-ку, зангар! Сенга яна нима керак? Хизматга тухмат кильмокчимисан? Ё хайдаб юборайми?”

Ишқилиб, ота-онам маошсиз қолган ойда яшаётгандик. Уйда эса ортиқча пул йўқ, ҳатто нос сотиб олишга ҳам бир сўм қолмаган.

Ўйлай-ўйлай, бунинг ҳам йўлини топган бўлишди: отам бўлим хўжалик мудири Шакар завҳоздан ўн-ўн беш пачка ортиқча кўк чой олиб қўйган экан-у, аччиқ чойнинг гадоси Садир носфуруш чойга кўнаркан... Дўхтири эса текин... “Картишка” олиб, кирилаверади...

Шиша тагида қолган носни иккига бўлишди, ярмини менга ажратишиди, қолгани отамнинг носкадисига ўтди.

Лўқиллаб оғрий бошлаган тишимга нос кўйишиди, кейин ота-онам орасида қандай гап-сўзлар бўлганини эшитмадим: ухлаб қолдим.

III

Ниманидир нотўғри ҳисобга олишганми, онам даладан келгунига қадар қуёш тиккага келиб улгурди.

Айни кун исиган маҳали кўчага чиқадиган бўлдик. Ҳаво шу қадар ёнардики, нафас олсанг, ичингга қайнок олов кираётгандай туюларди. Олис-олисда бўлса сароб тўлқинлананаётган сув мисоли жимири-жимири қиласди.

Ертўламииздан хўжаликка қадар саккиз чақиримча келади. Кўлига дермантиндан ясалган зинжирчали корзинка ушлаб олган онам билан зовурдаги омонат кўприкдан амаллаб ўтиб, катта йўлга чиқдик. Кўча четида, олов селини пуркаётган қуёш тигифда бир соатга яқин туриб қолдик. Қани энди лоақал битта кўлик ўтса.

Тилим шишиб, оғзимга сигмай қолди, кўзларим тиниб кетди; нуқул сувни ўйлайман, оғриқ ҳам ёдимдан чиқкандай. Икки хафтача бурун хўжалик омборига тележкада бориб, селитра ортиб қайтганимизда отам бекатга етай деган маҳал тракторни тўхтатган, сўнг мени дараҳт соясидаги будкага обориб, бир кружка газли сув оберганди. Муздай. Қип-қизил. Симириб иссанг роҳат қиласан, вужудинг яйрайди, тишларинг музлаб кетади. Ўзиям нақ бир хафта таъми оғзимдан кетмай юрди. Яна ўша сувдан ичгим келарди.

Афтидан, бунаканги иссикда трактори ё машинасида у ёқда турсин, эшакаравасида ҳам кўчага чиқадиган аҳмоқ йўқлигига ишонч ҳосил қилди шекилли, ахийри онам

кўлимдан етаклаб йўл бошлади. Тер шаррос куйилади, кўзимни ачиштиради, юргим келмайди, норози бўлиб гингшийман, бунака маҳаллари онам мени, сўлоқмондай болани опичлаб олмокчи бўлиб энгашади, бироқ мен бунга кўнмайман, ортга умид билан қараб қўйган кўйи йўлда давом этаман. Лекин олдинда ҳам, орқада ҳам факат ва факат жимирилаётган сароб: сув, сув ва яна сув...

Она-бала не азобда хўжалик бекатига ётган маҳалимиз – аламимизни келтирмоқчидаи – ортимиздан келаётган тележкали трактор бизни қувиб ўтди.

Мен йўлнинг бу ёгини яхши билардим. Бирдан онамнинг кўлини қўйиб юбордим-да, дараҳт соясидаги “Газ-сув” будкаси томон чопиб кетдим. Қўрқиб кетган онам ортимдан ҳаллослаб юргурди.

Ўйлаганимдай, будкада сув сотишишоқда экан. Муздай газли сув. Сотувчи ўша – ҳамма нимагадир Грик деб атайдиган, (кейинроқ эшишишмга қараганда, асл исми Гадоймурод бўлган, хотинбозлиги билан ном чикарган бу сотувчи будкасига туташ “алоҳида хона”сини аламзада эркаклардан бири ёкиб юборганидан сўнг тезлиқда туман марказида яшайдиган учинчи рафиқасининг уйига кўчиб ўтган, ўша ердаги дўконда ишлаган, аммо тинмай энига шишиб кетавергани боис ўз вазнини ўзи кўтаролмай қолиб ёлғизликда, муҳтожликда, ҳам меҳрға, ҳам нонга зор бўлиб вафот этган; бир гал менга қабристонда тиканак босиб кетган дўппайган жойни кўрсатишиди, “Грикники” дейишди) ўттиз беш ёшлардаги, семириб кетган одам пашша қўриб ўтиради.

Онам етиб келганида мен тўнкарилиб қўйилган кружкаларга кўзим ўйнаб, ютоқиб қарадим. Қуруқшаган томогимдан хириллаган овоз чиқди:

– Сув. Кружкада...

Онамнинг ранги оқариб кетди:

– Сенга муздай сув бўлмайди. Тишинг оғрияпти-ку.

Аммо мен бу дастакни эшитадиган аҳволда эмасдим, яна тақрорладим:

– Сув. Кружкада...

Грик ўтирган жойида онамга қаттиқ тикилди:

– Оберинг энди, сингилжон. Сиропсиз стакани уч тийин, сиропли стакани беш тийин, кружкаси ўн тийин, холос...

Онам тамомила эсанкираб, гарангсиб қолди:

– Кетдик, жон болам...

Қуруқшаб, ёрилиб кетган лабларим аранг қимирлади:

– Сув...

Шунда қуий лабим намлангандай бўлди, уни артдим, кафтигма қараб эса, кон юқини кўрдим.

Ўлай агар, бу жуда таъсирчан чиқди. Ҳатто сотувчининг раҳми келди:

– Ҳай, ҳай, сингилжон, болани кийнаманг. Пул топилади, бола топилмайди...

Шу лаҳзада ўзимни ростдан ҳам жуда-жуда қийналган хис қилдим-у, кўзларимга ўш қалқди: дунёда ўзингнинг раҳми келишидан аламлироқ вазият йўқ аслида...

Иккиланиб-довдираб қолган онам ногоҳкорзинкасидан икки юмалоқ қуруқ чой чиқарди ва сотувчининг олдига қўйди:

– Олинг.

*Мустақиллигимизнинг
22 йиллиги тантаналари
арафасида Ўзбекистон
Республикаси Президентининг
Фамони билан фан, таълим,
соғлиқни сақлаш, адабиёт,
маданият, санъат,
маънавият ва маърифат,
оммавий ахборот воситалари
ҳамда ижтимоий соҳалар
ходимларидан бир гурӯҳи
мукофотланди. Бундай юксак
эътирофга сазовор бўлганлар
орасида ўзбек спорти¹
шаънини, довруғини ҳимоя
қилаётган спортчиларнинг
устозлари ҳам бор.*

*Шоғирдлар камолоти
устозлар заҳмати
туфайлидирип. Юксак эътибор,
эътироф ва байрамингиз
құтлуғ бўлсин, азиз
мураббийлар!*


Ватанимиз мустақиллигини мустаҳкамлаш, миллий ғояни ривож маънавиятимизни тиклаш, ўзлигимизни англаш йўлида катта ҳиссасистеъоди ва ижоди, илмий фаолияти, ҳалол хизмати, ёшларни оннистиқлол ғояларига садоқат руҳида соғлом ва баркамол этиб тарбжамоат ишларидаги фаол иштироки учун Футбол бўйича Ўзбекистон жамоаси бош мураббийи Мусаев Ахмаджон Расулович, Футбол бўйи ўсмирлар терма жамоаси бош мураббийи Нуралиев Дилшод ЖўраяРеспубликасида хизмат кўрсатган спорт устози” фахрий унвони

Самарали меҳнати ва эришаётган ютуқлари билан мамлакатим мустақиллигини мустаҳкамлаш ҳамда иқтисодий қудратини оширип миллий ва умуминсоний қадриятлар руҳида тарбиялашга күшган узбекистонларни меҳнатсеварлиги, ватанпарварлиги, жамоат ишларидаги фаоллиги иззат-хурматига сазовор бўлгандиги учун Наманган вилояти Янгина 31-болалар ва ўсмирлар спорт мактаби мураббийи Абдураҳмонов Тўхтасинович “Эл-юрт ҳурмати” ордени билан;

Мамлакатимизда ҳар томонлама соғлом ва баркамол авлодни ишига құшган катта ҳиссаси ҳамда ёшларни Ватанга муҳаббат, истек садоқат, соғлом турмуш тарзи тамойиллари рухида тарбиялашдагы Самарқанд вилояти, Тайлоқ Олимпия захиралари коллеги миллий мұраббийи Бердиқұлов Баходир Дўстмуродович, Футбол бүйіча Үздертма жамоаси катта мұраббийи Евстафеев Алексей Владимирович ордени билан;

Мамлакатимизда амалга оширилаётган маънавий-маърифий ваислоҳотлардаги фаол иштироки, самарали меҳнати, ёш авлодни Ваттимлий ва умуминсоний қадриятларга ҳурмат руҳида тарбиялаши ҳиссаси учун Фаргона ихтисослашган болалар ва ўсмирлар олимпий спорт мактабининг бокс бўлими мураббийи Эркаев Баҳодир Турғун медали билан тақдирланишди.

O'zbe



Ahmadjon MUSAYEV

лантириш,
а қўшган, ёрқин
а-юрга муҳаббат,
иляш ҳамда
он ёшлар терма
йича Ўзбекистон
евич “Ўзбекистон
и билан;
изнинг
шга, ёш авлодни
лкан ҳиссаси,
и билан умумхалқ
кўрғон туманидаги
Каримжон

зояга етказиш
иколол ғояларига
и хизматлари учун
кураш бўлими бош
зекистон ёшлар
иц “Дўстлик”

а ижтимоий
атанга муҳаббат,
шига қўшган
ия захиралари
овиҷ “Шуҳрат”



Bahodir BERDIQULOV




Aleksey YEVSTAFEYEV

gim sporti



Dilshod NURALIYEV



Грик чойга кўз ташлаб қўйди холос, сўнг хотиржам оҳангда деди:

– Мен давлатга пул топшираман, сингилжон, заварка эмас.

Шундагина онамда ўша сабил қолгур ўн тийин йўклигини тушундим, аммо ҳар доимгидай тушуниш бошқа, амал қилиш бошқа эди ва мен... тентак болаларга хос ўжарлик билан жойимда қаққайиб туравердим.

Онам... шўрлик онам корзинкасидан яна икки юмалок чой олиб, пештахтага қўйди.

– Илтимос, ака...

Аниқ кўрдим: шу сўзларни ўпкаси тўлиб, ёлвориб айтиётган маҳали онамнинг лаблари ҳам, товуши ҳам титраб кетди. Лекин мен... барибир жойимда туравердим. Ичим ёнарди. Мен... мен айни сонияда дунёни бир кружка газли сувга алмаштириб юборадиган даражада телбавор аҳволда эдим.

Грик ўрнидан турди, мурватчани бураб, кружкани вошиллатиб газли сувга тўлдириди, кейинги мурватчани бураб устига мўл-кўл шарбат қўйди, сўнг менга узатди. Мен дунё бойлигига эга бўлган телбадай кружкадаги муздай сувни ютоқиб-ҳансираф ича бошладим.

Шунда, афтидан, мени бир кружка рангли сув учун онасини сотиб юборадиган бола деб ўйлади чофи, Грик истиҳола қилиб ҳам ўтирасдан, онамга кўзлари ўйнаб каради-да, тагдор оҳангда:

– Болани ташлаб келсангиз, сингилжон, ўн сўм олиб кетардингиз. А? – деди.

Нима учун ўша залворли шиша кружка билан хўппасемиз, ҳаммаёгини мой босиб кетган бу одамнинг башарасига туширмадим? Нега ичкарига кириб, семиз қорнига тепмадим, ҳирслли кўзларига чанг солмадим, соchlарини юлмадим? Нега?.. Мен ўшанда бу сўзларнинг маъносини тушунадиган ёшда эмасдим, деб ўзимни ўзим ишонтироқчи бўламан ва ишонтираман ҳам.

Ерга караб турган онам миқ этмади. Аммо унинг ранги кўкариб, вужуди нафратдан қалтираб кетганлигини кўрдим, тишлари гижирлаганини, мушт бўлиб тугилган бармоқлари қисирлаганлигини эшитдим. Шунда ҳам онам мени ташлаб кетмади.

Кружкани қўйиб, катта иш қилиб қўйган одамдай мамнун қайтарканман, онам қўлимни маҳкам ушлаб олди. Мен шунда бу кўл терак баргидай дир-дир титраётганини сездим.

Биз уч-қадам юрдик ё юрмадик, ногоҳ орқамизга нимадир “дўй” этиб келиб тушди. Беихтиёр шу томонга ўгирилдим. Оёғим ёнида бир юмалоқ чой пачкаси йиртилиб, тупроққа беланиб ётарди.

Грик иккинчи пачкани ҳам биз томон отди:

– Ўзим кал-у, кўнгли нозикман, де. Жўлдуровки! Хотинининг киссасига ўн сўм солиб қўймаган эр ҳам эрми?..

Мен ҳозиргина газли сув учун тўланган чой пачкаларининг нега бу аҳволга солинаётганига тушунмай, ажабланиб онамга қарадим. Онам қўлимдан силтаб тортди ва биз тез-тез юриб кетдик.

Кўз остидан қарадим: онам пиқ-пиқ йигларди...

Ў, муҳтоҷлик...

Ў, абллаҳ бола...

IV

Хўжалик марказидаги очик-сочик уйимизга бирров кириб чиқдигу (у пайтлари эшикларга кулф ўрнатилмасди) нос олгани жўнадик.

Бахтимизга Садир носфуруш яхши одам экан.

Соқоли кўкеига тушган отахон чойни кўриб кувониб кетди, кейин, келинларининг нуқул суюқ чой дамлашидан шикоят қила-қила кичкина нос копчасини очди ва бир кўлинни биз олиб келган шиша оғзига кўвача қилиб, иккинчи қўлида катта алюмин қошиқча билан бирпасда идишимизни тўлдириб берди.

Чиройи сал очилган онам билан амбулаторияга бордик. Совуқ газли сув таъсир қилими, жагим яна лўқиллаб оғрий бошлади. Онамга айтгандим, рўмоли билан жагимни бошим аралаш тангид қўйди.

Афуски, шифохона дарвозаси тақа-тақ берк эди. Дарвоза ёнидаги хужрада ўтирган коровул зерикиб қолган эканми, ишқилиб, нима учун келганлигимизни эринмай суриштириди, шундан кейингина шифохона жамоаси пахта чопикка кетганлигини маълум қилди. Онамнинг эсанкираб қолганини кўрган коровул далда берди:

– Бу бир томондан яхшиям, қизим. Хўп, ана, тиш дўхтири болангни кўрдиям дейлик. Нима қиласди? Шартта сут тишини суғуриб олиб ташлайди-кўяди. Тиф теккан урт барибир тиф теккан бўлиб колаверади-да. Ёш болани абгор қилиб қўйма тагин, қизим.

Онам қарияга ажабланиб қаради:

– Ахир оғрияти.

Коровул пинак бузмади:

– Оғриса бир кун оғрир, ярим кун оғрир, охири тузалиб кетади-ку. Тиф теккан жой эса бир умр тузалмаслиги мумкин.

Онам йиглагудай ахволга келди:

– Унда нима қиласай, ота? Боланинг азоб чекишига чидаб бўлмаяпти.

Кейин онам билан қоровулнинг орасида шундай гурунг бўлиб ўтди:

– Оғриган жойига носвой кўй, тузалади-колади.

– Қўйдик, ёрдам бермади.

– Бўлиши мумкин эмас. Кимнинг носийди?

– Садир аканини.

– Э, уям носми? Қўқимдан фарки йўқ. Мана мен Гулистонга бориб атай ўткиридан опкеламан. Бир синаб кўргин, шу захоти оғриқ тўхтамаса, бетимга тупур.

Отахоннинг бунчалик ишонч билан гапириши мениям қизиқтириб қўйди. Коровул чўнтағидан чиройли нақшлари бор носкадисини олди-да, онамнинг кафтига бир отим тўкиб берди. Онам уни тишимга босди.

Ҳа, ростдан ҳам ўтқир экан. Бирдан бошим айланиб, ўзимни беҳол ҳис қила бошладим, кўзларим ўз-ўзидан юмилиб кета бошлади.

– Кўрдингми? – тантанавор эълон қилди коровул.

– Буни нос деса бўлади! Тез уйингга обор, бир ухлаб турганидан кейин отдай бўлиб кетмаса, келиб менинг бетимга тупур!

Бироқ мен юрадиган аҳволда эмасдим, оёқларим ўз-ўзидан майишиб кетарди. Агар индашмаса, қоровулнинг каравотига ётиб, ухлаб олгудай шаштим бор эди.

Ана шунда... ана шунда онам чўнқайиб ўтириди ва мени, боши айланиб, кўзи тиниб кетаётган сўлоқмондай, олти ёшли боласини орқасига опичлаб олди. Тушаман дейман, тушолмайман, гапираман дейман, гапиролмайман: ҳаммасини кўриб-билиб турибман, аммо ҳеч бир ҳаракат килолмайман, сўлжайиб қолганман.

Онам мени то ертўлага қадар кўтариб келди. Саккиз чакирим йўл эди бу...

Ертўлада кўрпача устига иккаламиз бирга қуладик...

V

Ўшандада, мени саккиз чакиримлик йўлдан кўтариб келганида кўп қийналган эканми, онам уч-тўрт кун кўкрагини ололмай, қув-кув йўтулиб юрди. Аммо ишлаш керак эди, далага чикиш керак эди, Турди бригадирнинг зуғумидан факат кетмон қуткаарди. Ва онам ўша қуннинг ўзида гўзалар орасидаги бегона ўтларни чопишга йўл олди...

Коровулнинг носи ўткирлик қилдими ё бошқа сабабми, ишқилиб, эртаси эрталабдан, гарк терга ботиб уйғонганимдан тиш оғриғидан буткул кутулдим. Шу билан сассиқ нос балоси ҳам ортда қолди.

Бирок... мен ора-сира кўриб турардим: боши қаттиқ оғрийдими, пешонасини чанглаб қолган кезлари онам сездирмасдангина шифтдан нос шишиасини олиб чикиб кетадиган бўлди; кейинроқ бориб чарчаган, совқотган кезлари ҳам шундай қиласиган одат чикарди. Кейин эса, мутлақо кутилмгандан, онамнинг тиши оғриб қолди...

Бора-бора... онам носга ўрганиб қолди. Отам орзу килган кунлар келди: “чол-кампир” бу яшил балонинг кайфини биргалиқда тортадиган бўлишиди.

Аммо, Худошоҳид, онам менинг, ука-сингилларимнинг олдида нос чекишдан уяларди. Жуда хумори тутиб колса далага ё ҳовлига чикиб келарди, бундан олдин ўша далага ёки ҳовлига чикиш учун минг битта асосли-асоссиз баҳона тўқийвериб ўзиям чарчаб кетарди бечора. Бунақа пайтлари мен ҳам, ука-сингилларим ҳам ўзимизни ўнгайсиз сезардик, онамизнинг беўхшов баҳоналарини жон-дилимиз билан, шоша-пиша маъқуллашга тушардик. Бундан онам баттар шубҳаланар, бизга синчков кўз ташлар, ниманидир уқиб олишга уринар, аммо охироқибат гумонлар тўрида сарсон-саргардон кезган кўйи гўёки яширинча нос чеккани чикиб кетарди...

Мен эса қайтиб бу балони оғзимга олмадим. Мактабда ўқиб юрган кезларимиз, айниқса, паҳтага чикканимизда синфдошларимиз дефолиациядан сўнг ковжираган паҳта баргларини майдалаб-туйиб олишгач, ё папирос килиб чекишар ёки тил тагига ташлаб, нос ўрнида фойдаланишарди. Аммо мен бунақа нарсаларни кескин рад этдим. Сал кейинроқ, бўйимиз чўзилиб қолгач, айrim синфдошларим олифталик қилиб, сигарета билан нос чекишга ўтишди. Бироқ мен бу даврага ҳам кўшилмадим.

Мактабни битирдик. Худонинг инояти билан институттага ўқишига кирдим, уни битиргач эса йўлланма билан шаҳарда ишлашга қолдим. Уйландим, ука-сингилларимнинг тўйларини ўтказдик, икки фарзанднинг отаси бўлдим. Ота-онам қаришиди, пенсияга чикишиди, бир уй неварали бўлишиди.

VI

Ҳали у ташвиш, ҳали бу ташвиш, бешик тўй, невара тўй, ишқилиб, ҳеч уйимизга етолмаётган онамни ниҳоят бу йил ёзда шартта шаҳарга олиб келдим.

Уйимизнинг бешинчи қаватда эканлигига ўзимиз кўнишиб кетгандик, аммо онамнинг ўрганиши бироз қийин кечди, айниқса, лифтга. Неваралари билан лифтда уч-тўрт марта бирга чиқкандаёқ роса юрак олдириб кўйган экан, “буларингта дераза-пераза кўймайсизларми” деб ҳаммамизни кулдиргани бир тараф бўлдию, бешинчи қаватдан пиёда тушиб, пиёда чиқиши бир тараф бўлди. Нимаям килардик. Умуман олгандаям, кенг жойда яшаган одамнинг каталакдай уйларга, хоналарга мослашиши осон эмас-да.

Мен ишдаман, аёлим ишда, кун бўйи онамнинг олдида ўтиrolmasligimiz аниқ. Ўн ёшли ўғлим мактабдан келасола аввал инглиз тилига чопади, кейин сузишга. Қизалогимиз ҳали боғчада, уни эр-хотин навбати билан обориб кўйиб, олиб келамиз.

Аввалига ишдан икки кунга жавоб олиб, онамнинг ёнида бўлдим. Аммо уйда ука-сингилларимдан роса йўл-йўриқ олиб келган шекилли, онамнинг ўзи “Ишингдан қолма, мен ўзим ўтиравераман”, деб туриб олди.

Суришириб кўрдим, ён-атрофдаги қўшниларда ҳам онам гурунглашиб ўтирадиган бирон кампир йўқ эди. Ноилож ўғлимдан илтимос қилдим, икки кунда бир машгулотларидан қолиб, бувисини ҳовлига, болалар майдончасига олиб чиқадиган, бир-икки соат бирга ўтирадиган бўлди. Шанба-якшанба кунлари бу машгулотни эр-хотин ўз зиммамизга олардик.

Ўзимча режалагандим: онам камида уч ой бизнида турди, мактаб бошлангач, майли, обориб кўяман. Ўшангача бу ерда маза қиласди, егани олдида, емагани кетида бўлади; бозорларга обораман, хоҳлаган нарсасини обераман; болаларига, келинларига совға-салом ҳарид қиласиз; биргалиқда роса шаҳарни томоша қиласиз, концертларга кирамиз, ишқилиб, бир ярасин онам бечора.

Бирок ҳамма ўйлаганларинг ҳам силлиқина амалга ошиб қолавермайди. Аксига олиб, шу ойда менинг ҳам, рафиқамнинг ҳам иши жуда кўп бўлди, том маънода бош қашишга вақт қолмади. Бунинг устига, онамнинг ўзи ҳам бозор-ўчарларга, шаҳар айланишларга унчалик рўйхушлик билдирамади; хонада жимгина ўтириб, уззукун телевизордан кўз узмасди; кечкурун ҳам эрта ётиб қоларди.

– Менимча, онамиз роса чарчаганлар, аввал икки-уч ҳафта яхшилаб дам олсинлар, қолганини кейин ўйлаб кўрамиз, – деб қолди хотиним.

Бу фикр менга жўяли туюлди. Майли, онам аввал яхшилаб дам олсин, чарчокларидан қутулсин, кейин... кейин...

Шундай, иш қайнаб ётган кунларнинг бирида хотинимнинг ўғлимни уришаштганини эшидим, бироқ унчалик эътибор бермадим. Хотиним “Сен ваннага йод тўкансан, кейин артиб қўйгансан, лекин доғи қопти”, дерди, ўғлим эса буни тан олмасди.

Бу воқеа эсимдан ҳам чикиб кетди.

Орадан уч-тўрт кун ўтиб онамнинг кўзлари киртайиб,

қадди янада букчайиброк қолганига эътибор бердим. Тўғриси, зингил солиб қарамасдим ҳам, аммо у кишининг гап орасида минг истиҳола ила:

– Улим, энди мени қишлоққа обориб ташлай қол, – деган илтимосидан кейин хушёр тортиб, шундай қилдим.

Рости, ҳам ҳайрон бўлдим, ҳам сал ранжидим ҳам.

– Борасиз-да ўша қишлоғингизга, эна, – дедим үпкалаётганимни таъкидлаш учун сал қаттироқ овозда.

– Ё бу ерда биронтаси сизни хафа қилдими? Агар шундай қилган бўлса, айтинг, ўзим таъзирини бериб қўяман.

Гўё мен ростдан шундай қиласигандай – ў, содда энам-а! – онам чўчиб тушди:

– Унақа дема, болам. Келиним тилла, болаларинг ҳам. Ҳаммаси мени бошига қўтаришади.

Бу лутфда озгина лофт бўлса ҳам, ҳар қалай, хурсанд бўлдим.

– Сизга яна нима керак, эна. Қўлим сал ишдан бўшасин, Чорсуга тушамиз, Ипподромга тушамиз, сизга энг яхши кўйлаклик материаллардан ё бўлмаса тайёр кўйлаклардан сотиб оламиз. Уларни қўтариб борсангиз, қишлоқдаги дугоналарингиз бир аламдан куйиб кетишисин.

Недир демок бўлиб оғиз жуфтлаган онам жим бўлиб қолди. Мамнун бўлдим.

– Нима еингиз келаяпти, эна, шундан гапиринг.

Онам... маъюс кулимсиради:

– Бир бурда нонга қорним тўяди, болам.

– Йўқ, эна, – дедим билағонлик билан, – ўғлингиз, келинингиз, набираларингиз даврида танлаб-танлаб енг, сархил-сархил нарсаларни енг! Сизнинг ёшингизда витаминларга эҳтиёж катта бўлади.

Онам индамай қолди.

Шу оқшом рафиқам билан маслаҳатлашдим ва эртаси куни уйга бандандан тортиб лимонгача, новвотдан тортиб асалгача, майиздан тортиб туршаккача олиб келдим. Ширин кулчаларнинг-ку, беш-олти хилини танладим. Рафиқам қайнатма шўрва қилиб берди.

Онам шўрвадан икки қошик ичди, холос...

Бозорга чиқиши кейинги якшанбага қолдирдик. Хурсанд қилай деган ўйда буни онамга айтдим, “рўйхат тайёрлаб қўяверинг, ҳамма айтганингизни оламиз” дедим.

Шундай кунларнинг бирида аёлим онамнинг тиши қонаганини айтиб қолди. Буни тасодифан кўриб қолганмиш. “Стоматологниям рўйхатга қўшиб қўй, оборамиз”, дедим. Рафиқам рози бўлди.

Аммо... Мен сўқир эмасман. Ҳар қанча иш билан банд бўлмайин, онам кўз ўнгимда кундан-кунга сўлиб бораётганини кўриб турардим. Бешинчи каватга ўзи чиқиб-тушадиган онам бирдан ҳолсизланаб, икки қадам юрса ҳарсиллайдиган, кўзлари атрофга қандайдир безовталаниб, ҳадиксираб қарайдиган бўлиб қолди.

Ваҳимага тушиб, шифокор дўстимни чакирдим. У айборона кимтиниб турган онамни узоқ текшириди, чаккасини қашлаганча узоқ ўйланди, сўнг уч-тўрт хил укол ёзиб бериб кетди.

Қўшни подъезддан ҳамшира чақириб, онамга беш кун уч маҳалдан укол қилдирдик.

Лекин бу ҳам биз кутган самарани бермади: онамнинг аҳволи яхши томонга ўзгармади.

– Эна, сизга нима бўляяпти? – деб сўрадим охири бир

куни.

Онам қандайдир ўнгайсизланиб, хижолат чекди, кейин оҳиста, аммо ёлвориб сўради:

– Мени... мени қишлоққа обор, улим...

Илтимосдаги айборлрик оҳангি мени қўркувга солди.

Аммо иш... масъулият...

– Бўпти, жума куни ташлаб келаман, – дедим.

Ваҳоланки, онам бу гапни айтган куни душанба эди...

VII

Жума кунга ишхонадан машина чақирдим.

Хотиним ишидан жавоб ололмади, аммо сандигидан бир кийимлик қиммат мато олиб берди.

Қишлоққа қайтаётганимизни эшитган онам шўрлик ёш боладай кувониб кетди. Мен сўнгги кунлар ичида биринчи марта онамнинг кўзлари қувончдан чақнаётганини қўрдим.

...Нечукдир ҳаприқиб-ҳовлиқиб кетаётган онам йўл бўйи шошида, бир эмас, икки-уч марта “Етиб қолдикми?” деб сўради.

Тўғриси, андак оғриндим, буни билдириб қўйиш учун атай қовоқ солиб ўтириб ҳам қўрдим, аммо онам, мушфик онагинам менинг аҳволимга эътибор берадиган аҳволда эмасди.

Онам қишлоққа шошарди.

...Чошгоҳ маҳал уйга етиб келдик.

Ховлидан укаларим, уларнинг хотинлари, болачақалари гувиллаб чиқиб келишди. Муштдайгина бўлиб қолган вужуди дир-дир титраётган онамни... қўтариб туширдим. Қучоклашиб кўришишлар бошланди. Отамни сўрадим, мачитда экан.

Онамнинг аҳволини кўрган укаларим безовталаниб колишиди.

Дарҳол ичкарига жой қилишди, ҳаммага жилмайиб қараётган онамни опкириб ётқизишиди.

Кимдир мачитга чопди.

Мен ҳайдовчига машинани қаерга қўйишни кўрсата бошладим.

Шунда... деворни ушлаган кўйи, қийинчилик билан том ортига ўтаетган онамни кўриб қолдим. Онамнинг кўлида баклажка кўринди шекилли. “Бадрафхона бу ёқда эмасди-ку”, деган ўйда шу томонга шошдим. Бирдан йўлимни тўсиб чиқкан укам бармоғини лабига босди. Мен беихтиёр жойимда тўхтадим. Афтидан, чол-кампир учун шу тарафда таҳоратхона куришган.

Укам уйга кириб кетди. Мен айтган жойга машинасини кўйган ҳайдовчи ёнимга келди.

Шу маҳал... онам ўтиб кетган тарафдан заиф инграган овоз эшитилгандай бўлди.

Мен шу томонга чопдим.

Том ортида, такир ерда онам юзтубан ётарди. Ёнида ичи тўқ яшил тус олган баклажка...

Шўрлик онамни олиб шифохонага чопдик. Аммо онам бу ерда ҳам ўзига келмади.

Мени “Ҳали кўрасиз, тузалиб, қўрмагандай бўлиб кетади, невараларнинг тўйларига бош бўлади...” қабилида юпаттганлар қанча бўлди. Дўхтир “Кома ҳолатига қариллик... иммун тизими ишидан чиққани сабаб”, деди. Отам, ука-сингилларим, етиб келган рафиқам бош иргаб

унинг фикрини маъқуллашди.

Ваҳоланки, биргина мен аслида бундай эмаслигини билардим. Мен яна онамни сотгандим. Ўтган гал бир кружка рангли сувга сотган бўлсам, бу гал бир отим ногса...

Мен ҳаммасини тушуниб етдим, кейин ҳаммасини аниқладим...

Онам, онагинам шаҳарлик тўнгичининг оила аъзолари олдида нос чекишини билдиргиси келмаган, балки “боламнинг обрўйига тўғри келмас” деб ўйлаган... Она, сенинг бир кунлик ҳаётинг мен нодоннинг бутун умридан авло эмасми, она?!. Она, сенинг бир соатлик ҳаётинг менинг бир умрлик обрўйимдан авло эмасми, она?..

Онам, онажоним шаҳарга келган дастлабки кунлари кичкина шишачага солиб олган носидан отган, тупкан тополмаганлиги сабабли, ваннага туфлаган, кейин, чиннидай тоза ванна кўкариб қолганини кўргач, ваҳимага тушганча ўз билганичата золамоқчи бўлган. Хотинимнинг ўғлига бақир-чакирини, йод можаросини эшитгач эса юрак ютиб “Буни мен қилдим” дейлмаган, факат шундан сўнг минбаъд уйда нос чекмайдиган бўлган... Она, ванна нима экан, полларга тупуриб ташламайсанми, она; поллар нима экан, гиламларга тупуриб ташламайсанми, она?!. Ҳеч жой тополмасанг, менинг юзимга тупурмайсанми, она?!

Барибири хумори тутавергач, онам ховлига чиқиб чекмоқчи бўлган ўша зормандани. Аммо ўғлим билан болалар майдончасига чиққан куни онам шишачани уйда унутиб қолдирган. Шунда онам минг истиҳола билан ўғлимга кўрпачаси тагида шишаси қолиб кетганини айтган. Компьютер ўйнаш имконияти пайдо бўлганидан хурсанд ўғлим уйга чопиб чиққан ва шишачани балкондан пастга ташлаган. Тасодифни қаранг, шишача тўғри бир тош устига келиб тушган ва майдо-майдо бўлиб синиб кетган. Онам, шўрлик онам шиша синиги аралаш носдан бир отим отган ва шунда тилини яралаб олган... Она, сенинг тилингни яралаган шишани мен ютсанм бўлмасмиди, она?!

Ахийри, икки соатлик компьютер ўйинидан сўнг ўғлим пастга тушади. Шунда онам, онагинам қонли тилини яширганча ўғлимга чўнтагидан беш юз сўм чиқариб беради ва “Мадобо йўлингда учраб қолса, озгина нос опке. Учрамаса атай излаб юрма”, дейди. Аммо нима, унинг хумори нима эканини билмайдиган ўғлимнинг ўйлида нос учраб қолмайди... Она, нега шу топширикни фур, сабий набирангга эмас, менга бермадинг, дунёнинг носини олиб келиб олдингга уйиб ташламасмидим, она?!. Нега мен ғоғил, сўқирни бунчалик аядинг, она?!. Нега тасодифан оғзингдаги қонни кўриб қолган келинингдан “Тишим қонади”, деб осонгина кутулдинг, она?!. Мен ҳақиқий фарзанд бўлсам, нега умид-илтижо билан неварангнинг ўйлига кўз тикиб ўтирганинг сабабини тушунмадим, она? Нега бир оғиз “Энажон, тиланг тилагингизни”, демадим, бирон тун самимий суҳбатлашиб чиқмадим, болалик йилларимни эсламадим, мени, олти ёшли гўрсўхтани саккиз чакирим жойга кўтариб борганинг учун тиз чўкиб миннатдорчилик билдирамадим, чўпдай бўлиб қолган қўл-оёқларингни силаб чиқмадим, бунинг ўрнига сенинг

қорнингни тўқлашу устингни бутлаш ташвишидан бўшамадим, она?! Ахир, ўз оғзинг билан “Бир бурда нонга қорним тўяди”, деб айтдинг-ку, она! Менга яна нима керак эди? Дунёнинг жами сарполари сенинг оний лаҳзалик умринг олдида бир чақалик аҳамиятга эга эмас-ку, она!..

Онам кийнала бошлаган. Шунинг учун тезроқ қишлоққа кайтиб кетишни истаган. Ҳар калай, у ерда пана-пастқам жой мўл, болалари, келинлари кўришса ҳам ўзларини кўрмаганга олиб туришади. Мен бўлсам...

Ўшанда, биринчи бор айтганидаёт қишлоққа олиб келганимда онам балки бу ахволга тушмасмиди... Она, онасан-ку, ахир, нега менга буйруқ бермадинг, “Эй фарзанд, мен сени тўққиз ой юрагим тагида асраб юрганман; тугилганингда бир парча эт эдинг, мен сенга сут бердим, тарбияладим, касал бўлганингда даволатдим, оёғингга кирган тиканни киприкларим билан олиб ташладим; устингга ёқкан ёмғир-корларга соябон, юрган йўлларингга пояндоz, бошингга болиш бўлдим; бешикни тўлдириб ётганингда жажжи қўлчаларингни ўйнаб не-не орзуларга берилдим, “Шу боламнинг пешонаси дўнг, келажакда катта одам бўлиб кетар” деган ўйдан етмиш икки томирим бўшашиб, йиглаблар олдим, Худодан ўша кунларга етказишини сўрадим; мана энди, ақлинг тўлишиб, катта одам бўлганингда ҳам мен учун барибир бола бўлиб қоласан, шундай экан, қани, ҳозироқ олдимга туш, мени қишлоққа обориб ташла!” демадинг, она? Нега ўзинг учун оғир лаҳзаларда ҳам мени ўйладинг, она?..

Тамомила ҳолдан тойган, кувватдан кетган мушфиқ онам қишлоққа етиб келганимиздан ўзининг ўткири носидан олгану, том орқасига ўтасола тилининг тагига бир отим ташлаган. Аммо заифлашиб қолган тана энди унинг кучига дош беролмаган...

VIII

Носни ёмон кўраман...

Ҳар сафар, одам гавжум кўча-кўйда ёинки бекат ёнида ёймачилар кўрсаткич бармоқдай ё ундан каттароқ салафан халтачаларда нос сотиб ўтиришганига кўзим тушса, ғижиним келади.

Аммо ҳар хафта уларнинг биронтасидан нос сотиб оламан.

Носни авайлаб уйимга олиб келаман. Хонам тўрида, зарҳал рамкада онажонимнинг сурати бор. Мен сурат тагидан ўзим ўтган ҳафта кўйган, қуриб-қовжираб қолган носни оламан-да, ўрнига янгисини қўяман. Кейин сурат қаршисида узоқ туриб қоламан. Хаёлан онажоним билан гаплашаман... Кечаси суратни кучоқлаб ётаман... Бугун сурат ёнида яна битта салафандага солинган нос пайдо бўлиб қолганини кўрдим. Билдим, бу ўғлимнинг иши. Унга барисини айтгандим, тушунибди...

Она, биламан, беҳуш ётган ҳолингда ҳам сен мени кечиргансан, она! Аммо мен ўзимни ўзим кечиролмасам нима қилай, она, нима қилай?! Бошимни олиб қаёнларга кетай, она?!. Мен сенсиз қандай яшай, қандай яшай, она?!. Сенсиз кечажак умрим умрми, она?!. Уч юз чақирим берида туриб илтижо қиламан, ёлвораман: тузал, она, тузал! Тузал, Она...!

Абдуқаюм ЙЎЛДОШЕВ

Ota makon va ona tilga muhabbat mahsuli

Маълумки, инсон руҳиятидаги киндик қони тўкилган тупрокка муҳаббат хисси ота-она, жигарлар, қондош-қариндошлар ва юртдошларга бўлган муҳаббат билан қоришиқ ҳолда, табиий равишда пайдо бўлади. Ватан қайсиdir фарзандисиз, унинг ўзига нисбатан муҳаббатисиз ҳам яшайвериши мумкин. Лекин фарзанд ватансиз, кўнглида унга бўлган муҳаббатиз яшай олмаслиги аниқ. “*Ватан бўсағадан бошлиданади. Бўсағасини билмаган, уни севмаган одам Ватанини билмайди ва севмайди. Ватанини англамаган не боис яшаётганигини билмай ўтади. Англамаслик бепарвонлики, бепарвонлик лоқайдликни, лоқайдлик манқуртликни түгдиради*”, – дейишиди устоз-шогирд муаллифлар: Б. Тўйчибоев ва К. Қашқири ўзларининг “Зоминнинг тил қомуси” номли (Т.: Akademnashr, 2012. -400 б.) китобида.

Вакти-соати келиб фарзандлар улгайгандага тақдир ҳукми билан дунёнинг турли бурчакларига кетиши мумкин бўлсада, уларни ота маконга муҳаббат хисси тинимизиз равишда ватанга тортиб туради. Айниқса, ҳаёт муаммоларидан толиб, дунё ќўзига тор кўрингандага, руҳиятига кувват истаб она юртни ќўмсайди. Юрт табиати, юртдошлар давраси, туғишганлар дийдори, кадронлар зиёратидан кўнглига бир олам куч-кудрат олиб, яна яшаща давом этади. Ижод ахли кўнглидаги она тупрокка муҳаббат туйгусини бадиий сўзга айлантириб, қофозга тўқади. Илм ахли эса бу хисни илмий асарга айлантириб, миллатдошининг маънавиятига жойлади.

Шу маънода, “Зоминнинг тил қомуси” китобини устоз-шогирд муаллифларнинг ота маконлари Зоминга, унинг табиати, тили ва ўзига хос удумларига бўлган муҳаббати тимсоли дейиши мумкин. Бу битик нафакат муҳаббат, балки жуда катта билим маҳсулни хамдир. Буни киши китобнинг “Сўзбоши”сини ўқигандайде тужибади. Муаллифлар: “Хар қандай маданий ёдгорлик тенгсиз бойлиkdir. У, биринчи навбатда, элнинг тарихи ва маънавий-маданий дараҷаси қандайлигидан дарак берини билан қўмматлидир. Ёдгорликлар ўз яратувчиларининг яшаш тарзи, қарашлари, маданияти, маънавияти, ахлоқи, билимининг тарихи ҳисобланади. Лекин маданий-маънавий ёдгорлик ўз-ўзидан тилга киравермайди. Уларнинг кўнглини англайдиган меҳрли ва синчков тилмочгина уларни сўйлатиши мумкин”, – деб ҳисоблайдилар ва ота макон тарихини битадилар.

Х асрда ўлкамиизда бўлган араб сайёхи Абулқосим ибн Хавқал маълумотлари, Хитой подшоликларига даҳлдор “Сўй давлатининг тарихи”, “Тан давлатининг тарихи” китоблари, 629-630 йилларда Хитойдан Ўрта Осиёга сафар қилган Сюан Цзяннинг қадимиги Уструшона ҳакидаги тадқиқотлари, А. Грицина раҳбарлигига Зоминда олиб борилган археологик изланиши натижалари таҳлилига таянган ҳолда илмий хуносалар чиқариб, Зоминнинг ёши камида икки минг йилдан ортиқ эканини асослайдилар.

“Дунёдаги ҳар бир ҳақда шундай ёдгорлик борки, у орқали нафақат миллининг тарихи, балки руҳиятини ҳам билиши мумкин” деб ҳисоблаган муаллифлар бу ёдгорлик сўз эканини алоҳида таъкидлашади. Улар зоминликлар томонидан асрлар давомида кўлланниб келинган, аммо глобаллашув даврида унтилиб бораётган шундай бойликини тўплаб, “Зоминнинг тил қомуси”ни бунёд этишади. Қомусга бутун фаол истеъмолдан тушиб, факат қариялар нутқидагина ишлатилаётган, тарихан

эскирган, хозирда улар маъносини ифодалаётган нарса-ходисаларнинг ўзи ҳам йўқ бўлиб кетган, агар шу тариқа қоғозга “михлаб” қўйилмаса, изиз кетиши аниқ бўлган сўз, ибора, мақол, матал, топишмок, лапар, айтишув, ном, атама, олқиши, қарғиш ва маънавиятига доир бошқа ёдгорликлар жамланган.

Комусдаги “Китобдан фойдаланиш йўллари” мақоласида ушбу асардан фойдаланиш бўйича йўриқлар берилади. Бу мақола билан танишмай туриб, китобни ўқиб тушуниш қийин кечади. Мақолани лугатнинг қалити дейиш мумкин. Унда ўзбек тилининг имло қоидаларидаги жиддий камчиликлар хусусида ҳам сўз юритилиб, уларни бартараф этиш йўллари кўрсатилади.

Даврий матбуотда баъзан тилшуносларнинг ўзбек тилида сингармонизм ҳодисаси бор-йўқлиги ҳакидаги мунозаралари кўзга ташланади. Комус муаллифлари ўзбек тилида сингармонизм хусусияти борлигини тан олмаслик ҳам ўзбек тилининг ҳолати, ҳам илмий мантиққа зид эканини Зомин тумани аҳолиси нутки мисолида қатъий ва ишончли далиллар билан исботлашади: “*Туркий тилининг барча шевасида бўлганидек, зоминликлар нутқида ҳам товуш оҳандошлиги, яъни сингармонизмга тўла амал қилинади. Зомин шевасида туркий тилларга хос бўлган сингармонизмнинг ҳар уч қонунияти тўлиқ амал қиласди. Яъни: а) сўз ўзагининг табоатига қараб қўшимча ҳам қаттиқ ёки юмиш; б) ўзакнинг жарангли ёки жарангисиз ундош билан тугашига мос равишда қўшимча ҳам жарангли ёнки жарангисиз; в) ўзакнинг лабланган ёки лабланмаган унли билан келишига қараб қўшимча ҳам лабланган ва лабланмаган товуш билан келади.*

Бу ҳолат, табиий равишда, “-қа, -қә, -га, -ға”; “-та, -та, -да, -да”; “-ум, -ғум -им, -ым”; “-иң, -ың, -ғиң, -уң” каби қўшиш қўшишчаларни юзага келтиради. Бу ҳолат мазкур шевасининг, бир томондан, эски ўзбек тилидан тамоман узоқлашиб кетмаганлигини кўрсатса, иккинчи томондан, унинг умумтуркӣ тилининг бир бўлгаги сифатидаги универсал ҳодиса эканини хотирага солиб туради”.

Муаллифлар ўзбек тилидаги унли товушларни олтида эмас тўққизта деб кўрсатиб, ўз даъволарини илмий жиҳатидан асослайдилар. Муаллифлар ўзига хос талаффуз қилиниши; эшитилишда фарқланиши; сўз ичида маъно тафовутини юзага келтириши каби талабларга жавоб бера олишидан келиб чиқиб, Ҷ; Й; Ҷы; Ҷу; Ҷө товушларининг мустакил фонемалар эканини исботлаб берадилар. Бу унлилар нафақат Зомин шевасида, балки ҳозирги ўзбек адабий тилида ҳам мустакил товуш сифатида мавжудлиги, факат тилшуносликка доир илмий адабиётларда бу ҳолат тан олинмаётганлиги аномал ҳолат эканини таъкидлайдилар.

Нутқ амалиётида алоҳида товуш сифатида мавжуд бўлгани ҳолда ёзувда икки белги билан ифодалангани учун тобора истеъмолдан чиқиб бораётган ва тилимизнинг фонетик ўзига хослиги йўқолишига сабаб бўлаётган Ҳи бурун товушининг бугунги кунда “нг” тарзида икки фонема сифатида талаффуз қилиниши ҳакидаги фикрга ҳам эътироҳ билдириб бўлмайди. Ҳозирда ёшлар нутқида “мин”, “ўн” тарзида айтилишини муаллифлар: “*нотўғери имло қоидаси нотўғери талаффузни ... юзага келтиради*”, – деб изохлайдилар. Имло қоидасидаги бундай ҳолат табиий равишда шева сўзларининг транскрипцияда

берилишини талаб қиласиди, буни тўғри англаган муаллифлар комуснинг ўқишилигини таъминлашга эришишган.

“Ўзининг илдизини, ота-боболарининг кимлигини билшига интилиши чин одамга хос бўлган хусусиятдир. ...Ўтмишидан тамомила узилиб, фақат бугуни билан яшайдиган одам манкуртдир. Чунки унинг кўнглида, хаёлида тананинг эҳтиёжларидан юксакроқ қадрияларга ўрин бўлмайди”. Китобнинг “Ўзликни англани эҳтиёжи” рукнида ҳалқнинг: “Етти отасини билмаган – кул” нақли келтирилган. Ҳукм тарзида айтилган бу тўхтам ҳар қандай шахсни ўйлашга мажбур қиласиди. Чунки ўз этник томирларини билмаслик, асли қаердан эканига кизиқмаслик одам рухиятидаги “мен”ликни, турур хиссини сўндиради. Бундай кимса ота-боболарининг номи ва шаънини асрар, уларга муносиб бўлиш, масъуллик туйғуларидан маҳрум бўлади.

Қомусда зоминликлар нуткига хос бўлган сўз, избора, макол, матал, топишмоқ, лапар, айтишув, ном, атама, олқиши, қарғиши каби тил материаллари, уларнинг урф-одатлари ўз мазмун-моҳиятидан келиб чиқиб “Удумлар – ўлмас қадрият”, “Жой отлари – тарих”, “Маколлар – эл оқиллиги меваси”, “Избора – кўпнинг баҳоси”, “Жуммагимдың жуты бар...”, “Айтиларда элнинг руҳи бор”, “Отда қисмат бор ...”, “Қон ютганда қариндош”, “Тана – кўрғон”, “Озикли от хоримас”, “Кийим – нур”, “Элибой атамалари”, “Экинчиликка доир сўзлар”, “Ўйин ўйлатади”; “Олқиши ўздирап”, “Қарғиши тўздирап”, “Қасам урган кўккармас”, “Тирик сўзлар” каби рукнларга таксимланган.

“Удумлар – ўлмас қадрият” рукни алоҳида дикқатга сазовордир. Унда Зомин аҳолисига хос урф-одат ва удумлар каламга олинган. Машъум бўлишича, зоминликларда инсоннинг серкирра ҳаётидаги деярли барча ҳолатларга мос удумлар тизими мавжуд ва уларнинг кўпчилиги ҳанузгача амал қилиб келинади. Масалан, исм кўйишдаги зоминликларга хос ўзига хусусиятлар, боласининг келажагини тасаввур қилган ҳолда куйланган аллалар, “бешиккерт” удуми, тўйлардаги айтилмлар, кўпкари деярли барча ўзбекка таниш. Лекин “куёвлаш” удуми кўпчилик ўзбек уругларига хос эмас. Ёки куёнавкарнинг уч кишидан иборат бўлиши ва куёвнинг икки навқари оркасида келиб ҳар уч қадамда келин тарафга салом солиши ҳам кўпчилик учун гайриодатий ҳодиса.

Аза маросимларида аёлларнинг айтиб йиғлаши кўпчилик ўзбек уругларига хос. Лекин бу маросимлarda эркакларнинг йиғламай кўйганига анча бўлган. Эркак – қудрат, таянч тимсоли. У жуда камдан-кам ҳолларда кўзига ёш олади. Ҳар ҳолда кўз ёшини атрофдагиларга кўрсатмайди. Лекин эркакнинг йўқлов йиғиси борлиги бугунги ўзбекни хайрон қолдиради.

Қомусдаги “Жой отлари – тарих” рукнида Зоминга хос бўлган қишлоклар, у ердаги қадими қальалардан бино бўлган тепаликлар номи уларнинг бино бўлиш тарихи, сабаблари ҳакида илмий манбалар ҳамда ривоятларга таянган ҳолда маълумотлар берилади. Масалан, “Бешкуби” қишлоғининг ёши 1500-1600 йилга тенг эканлиги таъкидланиб, унинг номи қишлоқда истиқомат қиласидиган ҳалқнинг тарихи ҳақидаги ривоят билан боғлиқ экани кўрсатилиди.

Зомин номининг келиб чиқиши китобда: “Забын” ёки “Зомин” сўзининг келиб чиқиши айрим тилчиларнинг тадқиқотларига кўра, “йам” сўзига бориб тақалади. Уларнинг изоҳлашларича, сўзининг бошидаги “й” ундошининг талаффузда баъзан “з” товушига, “м” товушининг “б” ундошига айланниши қипчоқ лаҳжасига хос лингвистик ҳодиса экан. Шу ҳодиса амалга ошиши натижасида ерли ҳақ томонидан “йом” сўзи “зом” ёки “зоб” тарзида айтила бошланган. Ўзакка жой номини ясовчи “-ын” кўшимчаси қўшилиши билан “Зобин” ёхуд “Зомин” атамаси вужудга келган”, – деб асосланади. Ушбу

фикрнинг исботи учун муаллифлар Ибн ал-Факих, Ибн Хардоз, Ёкуб Ҳамавий, Рашидиддин, Абулғози Баҳодирхон, Абу Райҳон Беруний, Ал-Мақсудий, К. Юдахин, Т. Нафасов каби олимларнинг қарашлари, “Темур тузуклари” ва “Бобурнома” асарларига мурожаат қиласидилар.

Китобнинг “Қон ютганда қариндош” бўлимида қон-кардошлиқ даражаларининг тилда акс этиши ғоят нозик кузатилган. Шаҳарлашган улуслар тилида отанинг акаси ёки укаси “амаки” дейилади. Муаллифлар зоминликларда: “...қариндошларни имкон қадар яқинлаштириши, ҳар бир қондошнинг ўрни ва қондошлиқ даражасини аниқ белгилаб қўйшига мойиллик кучли” эканини таъкидлаб: “отанинг укаси ... “амаки” дейилмайди, балки “әқа” деб аталади. “Амаки” бўлиши учун камида яна бир қорин узоқлашиши зарур бўлади. Шунингдек, отанинг акаси ҳам “амаки” эмас, балки ё ‘‘баба’’ ёки “қоттата” деб юритилади”, – дейишадики, бу гапда ҳакиқат бор. Одатда катта ёшли етти ёт бегона одам ҳам “амаки” саналади. Чиндан ҳам, бир қориндан тушган ака-укалар болаларининг “амаки” дейилиши жигарларни бир-биридан узоқлаштиришдан бошка нарса эмас.

Қомуснинг “Озикли от хоримас” рукнида зоминликлар томонидан тайёрланадиган жәнчиміч, әйт, ақсавлақ, аймаши, быламық, дўмбілқувурмач, жуқмашорпа, кәрткүйруқ, құлчәтәй, қеләгәй, сұзмаймаш, талтық, тұймәч, узузаши, ұзмәншай, үйүрмә, қаганак, қайырма, құртаба, гілмінәй сингари бир катор ўзига хос тарзда аталағидиган емакларнинг номлари келтирилган. Уларнинг қандай тайёрланиши ҳакида ҳам ихчам изоҳ берилган. Бу емакларнинг кўпчилиги зоминликларнинг чорвадорлиги билан боғлиқ равишда юзага келган.

Китобнинг “Кийим – нур” бўлимида муаллифлар кийимлар, кийиниши одоби ва рўзгор буюмлари ҳакида гапириб фикрларини: “Зомин қишлоқлари аҳолиси ўртасида “жәләкә” сўзи мавжусуд. Бу атамада “жәләкә”ни кимлар қайси пайтдан бошлаб, қай ҳолатларда ётнишишагча бўлган жисъатлар ўз ифодасини топган. Бундан ташқари, зоминликларда “мінсәк”, “жәйідә” деб аталаувчи кийимлар ҳам бор бўлиб, уларнинг кийилиши маълум ёши, вақт ва мавсумга боғлиқдир”, – тарзида изоҳлайдилар. Бу бўлимда ҳам элибой (чорвадор) ларга хос бўлган: басма, дэләгәй, жәләк, жәйідә, жырмача, тамақча, тумақ, тұматай, чәчбәв каби, агар изоҳи бўлмаса, замондошларимиз тушунолмайдиган кийим-кечак номлари санаб ўтилган.

“Элибой атамалари” бўлимида тилга эътиборсизлик туфайли бугунги кунда нотўғри қўлланилаётган сўзлар кўпайиб бораётгани куйидаги мисол ёрдамида кўрсатиб берилади: “... ҳозирги ўзбек адабий тилида “от” сўзи шу туркумга кирадиган жонлиқларнинг умумлаштирувчи номини ифодалайди. Ҳолбуки, бу мантиққа тамомила зид бўлиб, тилимизда худди барча бошқа туркий тилларда ҳам бўлгани каби миниладиган тўрт оёқли ўтхўр жонлиқ “йилқи” номи билан умумлаштирилган. “От” дейилгандан, уч ёшидан ошиб, қучга тўлган эркак йилқи тушунилган. Шу маънода, қимизни отнинг сутидан тайёрланадиган ичимлик дейши кулгили ва аянчлидир”. Бу ҳол чорвачи зоминликлар нутқининг бу борадаги аниқлик даражасини кўрсатади. Шунингдек, матбуотда, баъзан оғзаки нутқда ҳам “йирик шоҳли қорамол” биримасининг ишлатилиши ўринисизлиги: “...миллий тилга беписандлик ва мантиқдан хабарсизлик белгисидир. Ўзбек ҳалқи минглаб йиллардан бўён бу тушунчани биргина “қорамол” сўзи билан ифодалаб келган. Ҳатто, баъзан элибой ўзбек уни “қора” шаклида ҳам қўллайди. Масалан, “Қалындың ұстігә экі қой, бир қара бэрді”, – дейилади. Таъкидлаши лозимки, “қорамол” қўйша

MUTOLAA

сўзи таркибидаги “қора” сўзи бу ўринда рангни билдирамайди. Зеро, оқ, қизил, кўк, сариқ рангдаги қорамоллар борлиги маълум. “Қора” ўзининг асл фунциясига кўра, “йирик”, “улкан” маъноларини билдириб, бу атамада кўзда тутишган жонлиқлар қўй-эчки каби ушиоқ (майда) моллардан катта эканлигини англатади. Қўй-эчкининг “ушоқмол” деб аталиши ҳам бежис жас, – дея асосланади.

Зоминликларнинг чорвани яхши билишини эса: “Яхши чорвачи бир қарашидаёткимолнинг зотини, сифат-хусусиятларини билганидек, жонлиқнинг жинси, ранги, ёши, белгисини алоҳида сўзлар билан атайдилар ҳам”, – дея изоҳланади.

Қомуснинг “Ўйин ўйлатади” бўлимида саналган ўйинлар ва уларнинг хусусиятлари ҳакида гапириб шуни айтиши мумкинки, бутунги болалар, ҳатто қишлоқларда ҳам деярли ҳаракатли ўйинларни ўйнамай қўйдилар. Уларнинг асосий машғулоти ҳозир телевизор ва компьютер бўлиб колди. Тўғри, булар тудафули ўқувчиларнинг дунёкараши кенгайиб, компьютердан фойдаланишини ҳам ўрганиб бормоқдалар. Бирок, бунинг ўзига яраша салбий томони ҳам борлиги тўғрисида тибибиёт ходимлари, психолог ва педагог мутахассислар айтишимоқда. Қомусда келтирилган “мәж-мәж” чиёзмәк каби ўйин намуналари кишига ўз болалигини эслатади. “Хуву-хуву” ўйинининг ўзига хос жозибаси одамни ҳайратга солади.

Китобда ўғил ва қиз болаларнинг ўйинлари маълум жисмоний ва ахлоқий мантиққа мувоффик фарқланиши изоҳлаб берилади: “Ўғил болаларнинг ўйини қизлар ўйинидан вақт жиҳатидан ҳам, ҳарактерига кўра ҳам кескин фарқ қиласи. Зоминлик қизлар фақат кундузлари ўйнайдилар. Чунки ўрнатилган минтақавий тартиб-интизом ва берилган тарбияга кўра, қизларнинг бемаҳал кўчага чиқишилари маъкул ҳисобланмайди. Ўғил болалар эса, шароитга қараб, баъзи ўйинларни кундузи, айримларини кечаси ўйнайдилар. Ўйин турлари ўйларнинг фастига қараб фарқланганидек, улар куну туннинг ҳам маълум бир пайтида ўйналган. Ҳатто, тундаги ўйинларнинг айримлари фақат ойдинда, баъзилари фақат қоронгода ўйналган”.

“Олқиши ўздирад” рукнидан ўрин олган мақола – ўзига хос илмий тадқикот. Ҳалқимизнинг ғоят узоқ тарихига бориб тақаладиган, ўзбек шеваларида “олқов”, “олқиш”, “дуо”, “фотиха” шаклида кўлланиладиган айтимлар деярли барча туркий ҳалқларнинг қадриятлари ҳисобланади. Олқишиларнинг етакчи белгиси кишига тетиклик, бардамлик, омад, хушбаҳтлик тилаш ва ана шу тилакларнинг амалга оширилишини Тангридан сўраш экани билан фольклор асарлари орасида алоҳида аҳамият қасб этади.

Муаллифларнинг ҳалқ орасида энг кўп яратилган, кенг таркалган, доимий равиша кўлланиладиган ва турли варианtlарга эга бўлган дуо-олқишиларни тадқик қилиб: “...миллий фолклоримизнинг кенг тарқалган тури бўлишига қарашмай, олқишилар нисбатан кам ўрганилган. Негаки, олқиши бевосита Аллоҳга даҳлдор, инсоннинг диний қарашлари яқъол намоён бўладиган ижод тури бўлганилиги учун ҳам илм мағкура етовида бўлган даврларда у миллий фолклоршуносликда кенг ва пухта ўрганилмаган. Ҳукмрон мағкуравий қарашлар адабиётшуносликни ҳам тўлиқ қамраб олганлиги сабабли ...одамнинг Яратганга сигиниши, унга муножжотини акс эттирувчи оғзаки ижод намуналарини тадқиқ этиши таваккалчилекни талаб этарди”, – тарзида чиқарган хуласалари эътиборга лойикдир. Китобда олқишилар ишлатилиш ўрнига кўра а) маросимлар таркибидаги олқишилар; б) кундалик майший олқишилар тарзида икки катта турга ажратилади.

Маросим олқишиларининг уйлантириш ва қиз чиқариш тўйлари олдидан ўтказиладиган унаштириш, фотиха тўйи, тўй

пайти ва тўйдан кейин айтиладиган кўринишлари; ўғил тўйи ва унинг ичига камраб олинган кураш, кўпкари, кулоқчўзма сингари кўнгилочар ўйинлар муносабати билан қилинадиган тилак ва дуолар, бешик тўйларида олқовларнинг турлари хусусида сўз юритилади.

Ўзбекларнинг тўй-маъракалари ҳақида ҳар хил қарашлар мавжуд. Баъзилар ҳалқимизни “бир умр меҳнат қилиб топганини бир кунда елга совуриш” да айбламоқчи бўлади. “Бир кунлик” тўйга етиш – ўзбекнинг бир умрлик орзуси экани кўпда хисобга олинмайди. Ўзбек шу кунга етганликнинг шукронаси сифатида фарзандига элнинг дуосини олиб беришга интилади. Мантикан олганда, ўзбек ҳам кўпчилик бошқа ҳалқлар сингари топганини оиласи ва ўзининг заруратига, юртма-юрт кезиб дунё кўришга сарфлаши мумкин ва шундай қилгани маъкул эди. Лекин ўзбек бутун ҳаётини фарзандларига бағишишаган этнос ва ислом аҳкомларини бир қадар билган, Яратганнинг қудратига астойдил ишонган ҳамда кўпчиликнинг дуоси унга тезроқ етиб боришига умид қилган улус сифатида моддий манфаатидан кўра маънавий хотиржамлика кўпроқ интилади.

Муаллифлар кундалик олқишиларни а) учрашув олқишилари; б) дастурхон олқишилари; в) турмушнинг бошқа ходисаларига доир олқишилар тарзида учгурухга ажратадилар. Бу гурухлардаги олқишиларнинг ҳар бири ўзига хос жиҳатлари, айтишиш мароми, ижроҳиси, фойдаланиш этикети билан фарқланиб туриши кўрсатилиб, олқишилардан бетакрор намуналар берилади. Олқиши ўзбек учун мажбурият эмас, заруриятдир. Тақдирнинг эгаси бўлмиш Яратганга мурожаат килиб, зарур бўлган барча нарсаларни факат Ундан ўтиниш ўзбек учун одатий хол. Исломда ният амалдан юкори туради. Шу боис олқишиларга ҳам шунчаки бир айтим тарзида қаралмай, жиддий илоҳий маъно иокланади.

“Зоминнинг тил қомуси”дан ўрин олган “Қарғиш тўздирад” рукнида муаллифлар ҳалқимиздаги сўзининг илоҳий қудратига ишонч туйғуси сабабини: “...дунё мавжудотлари орасида фақат инсонагина насиб этган нутқ бағрига яширган илокий қудратни чуқур тутғанликдан”, – деб изоҳлайдилар. Зоминликлар нутқида учрайдиган қарғишлар а) оддий ва б) вулгар сингари турларга бўлиниб, ҳар бирига хос белгилар кўрсатиб берилади. Аёллар ва эрқаклар қарғишларининг ўзига хослиги, уларнинг 1) одамларга қаратилган қарғишлар; 2) хайвонларга қаратилган қарғишлар; 3) табиат ходисаларига қаратилган қарғишлар тарзида турларга бўлиниши асосланади. Муаллифларнинг: “...қарғишлар қарғалаётган кишига Яратган томонидан ёмонлик етказилишини тилаши ифодасидир. Қарғишлар... иложжисизликдан юзага келади. Негаки, қарғовчи: “Шундай бўлади”, – деб ҳукм чиқаролмайди, тилаганидан бўлдиришини Тангридан сўрайди”, – йўсинидаги хуласалари кишини ишонтиради.

Китобнинг “Тирик сўзлар” рукнидан зоминликлар нутқида ишлатиладиган, аммо адабий тилимиздан ўрин олмаган сўзлар жой олган. Бу сўзларда элибой элатнинг ҳаёт йўсини, тириклик тарзи, турмуш даражаси, рухияти, кайфияти, туйғулари ва маънавий киёфаси акс этган. Баҳосиз маданий-маърифий ва маънавий бойлик бўлмиш бу сўзлар ўринли-ўринсиз тарзида ўзбек адабий тилига киритилган форс ва араб сўзлари ўрнига истеъмолга киритилса, миллий тилнинг маъно имконияти ортиб, ифода йўсини янада силлиқлашган бўларди.

Босим Тўйчибоев ва Қозоқбой Қашкирли томонидан яратилган “Зоминнинг тил қомуси” асарини тилшунослик ва элшунослик илмларидағи ўзига хос тадқикот, ота юртга, она тилига бўлган катта эҳтиром маҳсули, деб баҳолаш мумкин.

Кундузой ХУСАНБОЕВА



YURAGIDA CHO'G I BOR SHOIR

Мухиддин Омон – юрагида чўғи бор шоир. Унинг “Кўнгил дарбозаси”, “Толе фасли”, “Мунаввар соғинч”, болалар учун “Даканг хўроз ва унинг жўжалари”, “Соғломжон алифбоси”, “39 топишмок”, “Зехни аъло, тили бурро”, “Буомлар тилга кирса” номли шеърий китоблари чоп этилган. Ишк-муҳаббат, садоқату хиёнат, умр ҳикмати, тириклик шевалари, она табиат, бегубор болаликнинг ўй-хаёллари шоирнинг суюкли мавзуларидир.

Шоирнинг таржимон сифатидаги фаолияти ҳам алоҳида эътирофга лойиқдир. Жумладан, жаҳон адабиётининг кўзга кўринган намоёндалари: К.Бальмонт, Б.Пастернак, С.Маршак, А.Барто, Л.Каминский, Луис де Камоэнс, С.Моэм, Р.Блох, Б.Заходер, А.Усачев, Мирзо Ҳасан Қорабогий сингари кўплаб ёзувчи ва шоирларнинг асарларини ўзбек тилига ўгирган. У 60 дан ортиқ кўшик, бир неча ҳужжатли фильм сценарийлари муаллифидир.

Мухиддин Омоннинг шеърларида жилваланган табиат лавҳалари, қишлоқ манзаралари шоирнинг кўз ўнгига гавдаланган шунчаки реалик эмас, улар лирик қаҳрамон маънавиятининг, кўнглида жамланган ҳиссий-фикрий мазмуннинг шеър бўлиб дунёга келиши демакдир.

Шоирнинг “Ота маконим”, “Қишлоқ”, “Эсон ботир афсонаси”, “Хазонлар бағридан баҳор истадим”, “Ҳакқул бобонинг ўлими ёки ҳақиқатни дағи этганимиз хусусида баллада”, “Иштибоҳ”, “Коронгу тун хаёллари”, “Пайариқ бўйларида” ва бошқа ўнлаб шеърлари она қишлоқ, табиат лавҳаларини яхлит умумлаштирилган ҳолда Ватан тимсолини гавдалантиради. Ватансеварлик, элу юрт корига яраш, она заминга садоқат сингари кечинмалар ортиқча ҳайкириқ, баландпарвоз ибораларсиз, туйгуларнинг ички товланишлари тарзида ифодаланади. Шу сабабдир улар ўкувчи шуурига хеч кандай зўришишларсиз ўз-ўзидан кўчиб ўтади.

Шоирнинг лирик қаҳрамони ҳаётдан, тирикликтан томчидек эса-да ҳақиқатни кўришга, топишга ва унга етишишга илҳак. Эзгуликка йўғрилган матлаби ҳам ана шунда. Шоир “Баҳор ҳакида”, “Наврӯз сабоси”, “Бунча оғир бугун туннинг хаёли”, “Қишлоқ кечаси” каби шеърларида “Инсон табиатдир, табиат эса инсон”, деган Шарқ ҳикматини поэтик тасдиқлашга интилади.

Шоир шеъриятида ҳаётнинг азалий ва абадий ҳақиқатларини тараннум этувчи, маънолар билан тўйинган “Ёмғир дуо ўқир, Дараҳтлар сомеъ”, “Айланар дунё гирён”, “Субҳидам. Чаманда гунча очди кўз” шеърларидан тортиб “Хазонлар бағридан баҳор истадим”, “Етмаганлардан сўранг” сингари ижод намуналари табиат бокира-яшнок гўзлаллиги-ю фикрчан хаёллари билан бирга яшайди.

Мухиддин Омоннинг пейзаж шеърлари ўзига хос қалб

садолари билан кўшилиб кетган ҳаяжонлардир. Буюк мусаввир Ван Гог натюромортни “сўнник табиат” – дейди. Шоирнинг пейзаж тасвирида тириклик нашъу намоси, шодлик сафоларидан кўра ғамнок изтироб кўпроқ. Лекин у ўкувчидаги синик кайфият уйғотмайди. Табиат тасвиридан сизиб чиқаётган кечинма тириклик – ҳаёт сабоқлари билан уйғунлик касб этади.

Шоир пейзаж тасвири – табиат унсурлари орқали инсоний кечинмалар маънодорлигига, фикр-ўйлар ҳаққонийлигига эришишга интилади.

Мухиддин Омон португалиялик мумтоз шоир Луис де Камоэнс ижодига муносабати билан ўзбек адабиёти учун янги, тузилишига кўра ўта мураккаб редондил жанрини олиб кирди. Шоирнинг таъкидлашига кўра, бунга Ўзбекистон ҳалқ шоири Рауф Парфининг маслаҳати ва таклифи сабаб бўлган. Рауф Парфи Л.Камоэнс асарларини таржима учун Мухиддин Омонга топширас экан, унинг ижодидаги редондил жанрига алоҳида эътибор қаратишни таъкидлайди.

Шоигирд ўз таржималарини таҳририятга олиб келганда, Рауф Парфи кайта-кайта ўқиб кўради-да, “...мен анча қоғознинг бошига етудим; аммо ўз ишимдан қоникмадим. Сизнинг таржимангизда руҳият бор...” – деб таржимонни кутлаганди. Шоирнинг таржимон сифатидаги маҳорати Л.Камоэнс шеъри руҳини ўзбекчада тиклаб билганилигидир. Шунингдек, адабиётнинг турли йўналишлари, жанрлари, поэтик шаклларида тажрибалар олиб бориши ижодкорнинг ҳар томонлами ўсишига омил бўлди. Унинг арузга ҳаваси бир катор газаллар, рубоийлар битишига сабаб бўлди. Яъни “Шамол бағрида бир bogman”, “Кўзларинг”, “Алданмасун” ёки фалсафий йўналишдаги “Эй кўнгил” каби газалларини, туркум рубоийларини келтириш мумкин. Мумтоз жанрларда қалам сурар экан, ижодкор ташбех, талмех, иштиқоқ, тазод, ружу каби кўплаб кўҳна шеърий санъатлардан унумли фойдаланишга ҳаракат қиласди. Ташбехларида ҳам аввалги анъанавий маъно-мазмунни янада чукурлаштиришга интилади. Масалан, Шарқ мумтоз шеъриятида ёрни гулга, ошиқни булбулга муқояса килиш одатий ҳол. Аммо, М.Омон ўзининг “Бир гулсан” шеърида мавжуд ақидани янада теранлаштиради: ёрга “Сен бир гулсанки, илдизларинг менинг юрагим қонини ичib турибди, илдизларинг менинг бағримда” деган фикрни айтади. Бу янги бир ташбехдир.

Мухиддин Омоннинг болалар адабиётидаги изланишлари ҳам эътиборли ва салмоклидир. У топишмоклар, тезайтишлар тарзида шеърларида ҳам ибратли тарбиявий фикрлари билан ёш авлод маънавиятини бойитишига, интеллектуал ўстиришга хизмат килмоқда. Ва бир йўла болалар адабиёти такомилига муносаби улуш кўшиб келмоқда. Шоирнинг ижодий фаолияти, изланишлари олмон мутафаккири Гётенинг “Билим-тафakkurni эгаллашнинг ўзи одам учун кифоя қилмайди, уни тараққиёт учун сафарбар кила билиш ҳам керак”, деган ҳикматини тасдиқлашга қаратилгандек кўринади. Хайрли, эзгу амаллар ҳаётин қадри билан нажиб.

Нўъмон РАҲИМЖОНОВ



she'riyatining uch gavhari

Озарбайжон аёллари қадим-қадимдан меҳнатсеварлиги, хунармандлиги, гўзал маънавий жиҳатлари билан жамият хаётида фаол иштирок этиб келади.

Гўдакларни ширин уйкуга элитган, теран муҳаббат ва қайгу-ҳасрат ифодаси бўлмиш жозибали аллаларни аёл тўқиган. Йигитларнинг мардлиги, қаҳрамонлигини улуғловчи, юрак ёндирувчи ўхшама (лапар)лар муаллифи, не-не баёти, қўшма, нақл ва достонларнинг ижодкори хам аёлдир.

Озарбайжон халқ оғзаки ижодининг ноёб намуналарида аёл қалбининг изтироб ва ҳаяжонлари, орзу-истаклари, озодлик ҳаваси, ишқу муҳаббатга ташна қалбнинг аччик аламлари мавж уриб ётади.

Озарбайжон халқи адабиёт тарихига Маҳсатий Ганжавий, Ҳайрон хоним, Фотма хоним Камина, Ошик Пари, Оғабегим оға, Хуршидбону Нотавон, Зайнаб хоним Ширвоний каби истеъдодли шоираларни берган. Улар

орасида Маҳсатий Ганжавий, Ҳайрон хоним ва Нотавон алоҳида мавқега эгадир.

Бу уч таникли озар шоиралари — Маҳсатий Ганжавий, Ҳайрон хоним, Хуршидбону Нотавон ўз орзу-истакларига, дунёкараши, эътиқодларига содик, букилмас, матонатли инсон бўлганлар. Маҳсатий эл-юритидан қувгин этилди. Нотавон таҳкир ва ҳасратда умр кўрди. Ҳайрон хоним мажбуран Эронга кўчирилди, севганидан йирок тушди. Табризда узок вақт танҳоликда кун кечирди. Бу жасоратли шоиралар ғазалларида ижтимоий ҳукуқсизлик, адолатсизликка норозилик оҳанглари кучли. Бу уч оташин ҳаётпарвар шоира бир инсонча севиб-севилмоқ, дунё неъматларидан баҳраманд бўлмоқ каби ҳаётий ҳақиқатни ўз сўзлари, алангали созлари билан исбот этиб кетганлар.

Жаннат НАФИЕВА,
филология фанлари доктори

Маҳсатий ГАНЖАВИЙ Рубоийлар

* * *

*Қалбига ишқ сўзин ёзди қай одам,
Пуч билмас умрида бирор лаҳза ҳам.
Ҳамдам изладик биз умримиз бўйи,
Ёниқ нафас ўлди бизларга ҳамдам.*

* * *

*Ишқ гавҳари – лаъли аълодан бошқа,
Ошиқлар юрти – бу маъводан бошқа.
Севги донин терган қушнинг уяси
Бир ердир бу икки дунёдан бошқа.*

* * *

*Дод юрак дастидан, ишқ дастидан дод,
Бир савдога тушибдим мен ҳам умрбод.
Бу оҳу зоримнинг сабабкори – қалб,
Ўлгунча қиласман ишқ дастидан дод.*

* * *

*Хунарнинг сафоси аччиқдир мудом,
Хунар сувин ичмас ҳар қандай одам.
Тубан кимсаларнинг жсаҳолат феъли
Хунарни шамолга совургай тамом.*

* * *

*Булут чақмогида кўрурам сени,
Қуёши қуҷогида кўрурам сени,
Сувга гарқ бўлмассан яшаб, ажабо
Бу кўз қарогимда кўрурам сени!*

*Менга ошиқлигинг ҳақиқат, эй ёр,
Кўзларинг сўзлайди муҳаббат, эй ёр!
Бир ёлғон гапирдим шўхликка олиб,
На хушки, кечирдинг, боҳиммат, эй ёр!*

* * *

*Мўрча босар қайда сочилса шакар,
Лолага бинафша ҳамсоя ўсар,
Кумуш юзларингдан чиқиб бир ханжар
Бу дунё аҳлининг тинчини бузар.*

* * *

*Бир нор гули мисли ёнарсан, жонон,
Куярсан халойиқ кўзидан ниҳон.
Япрогу бутогинг ёнар ловулла,
Бўлмоқчисан кимнинг васлига қурбон?*

* * *

*Ёсуман ҳавасинг айламиши, гўзал,
Нозларинг минг фитна сўйламиши, гўзал.
Бир чаима кўрдим мен йўлинг устида
Кўзларим ёшидай қайнамиши, гўзал.*

* * *

*Шабнам севинчига хабарсан, эй, гул!
Булбулга илҳомсан, ҳунарсан, эй гул!
Бу латиф ҳуснинг-ла қўрқаман, бир кун
Оёқларга сархуши тушарсан, эй, гул.*

Хайрон ХОНИМ
Ғазаллар, мухаммас ва таржибанд

* * *

Бўйинг сарви сиҳи, зулфунг муанбар,
 Жамолинг Юсуфи Канъона ўхшар,
 Кошинг ошиқларинг қасдига мисли
 Эзилган тийги сарафшиона ўхшар.
 Қиё боқса, кўзунг олгай бу жоним,
 Ёхуда фитнаи давронга ўхшар.
 Омон йўқ, ноз ила тири нигоҳинг
 Юракда ханжари бурронга ўхшар.
 Тили булбул, сочи сунбул, юзи гул,
 Тун магар киприги пайкона ўхшар.
 Сени ой жамолинг, эй ҳури жсаннат,
 Гулистонда гули хандона ўхшар.
 Эсеб боди сабо, зулфинг тўзитмиши —
 Гул узра дастаи райҳона ўхшар.
 Лабинг кунжисида холинг ҳиндуваши бир
 Ўтирган таҳт аро султона ўхшар.
 Санинг кўйингда ошиқлар фиғони
 Чамандада булбули хушхона ўхшар.
 Шарораи шўрангизингдан эй, ой,
 Бошим ҳам оташи сўзона ўхшаш.
 Кўзум ёши фироқингдан юзимда
 Шашқатор лўлую ғалтонга ўхшаш.
 Агарчи ошиқинг кўпдир ва лекин
 Ишонма, қай бири Ҳайрона ўхшар?

БЎЛДИМ

Аё, Наввоб, волаи сухандон,
 Етишиди номангиз, дилишод бўлдим,
 Фаму дардим зиёда эрди, аммо
 Биҳамдуллоҳ, акун озод бўлдим.

Саросар шеърингиз аз рўйи ҳикмат,
 Шарҳи мазмунлари меҳрумуҳаббат,
 Муҳидга раҳмату адвонга зиллат,
 Бу ширин лаҳжасага мўътод бўлдим.

Сиза лутфи худо бўлсин муроқиб,
 Ато қилсин мудом аъло маротиб.
 Етар бадҳоҳа гар алҳоби соқиб,
 Хор ўлсам-да гар, обод бўлдим.

Фироқ айёмидан чўх нотавонам,
 Алилам, ноҳушам, афсурда жонам.
 Бу исёндан ўзим ҳам бадгумонам,
 Магар гам тогида Фарҳод бўлдим.

Дариг туттма дуода Нотавонни,
 Алилу, ноҳушу афсурда жонни,
 Жанобидан сира йўқдир гумони,
 Агар ёд этмасанг, барбод бўлдим!

Эй, ваъдаси йўқ, ширин каломинг
 Қилди мени даҳр аро фасона.
 Худ мен каби лак-лак ошиқингни
 Мажнундек айладинг девона.

Ёрим, манга айла бир наззора,
 Ўлди жигарим ҳазор пора.
 Ҳажрингда менинг хазин кўнглум
 Ҳар лаҳза ёниб сочар шарора.

Эй боди сабо, сайри гузар қил,
 Фарёд эътибон жаҳонни кар қил.
 Гар оҳу ноланг тингламас ҳеч ким,
 Тон ўзга оҳанг, сози дигар қил.
 Эй, кўз бепарво, тўқ қонли ёшлилар,
 Эй нолаи беасар, асар қил.
 Эй бути сангдил тангрим, ўзинг, де,
 Бу ошиқингга зарра назар қил.
 Кўрдингки, сенга йўқдир жавоби,
 Ҳасратларингни сен муҳтасар қил:
 «Ё кес бошимни, ё сот бозорда,
 Ё бу кўнгулни ишқдан бадар қил!»
 Қайтгил саҳарлаб сўнг ўз изингга,
 Ҳайрон хазинга бирор ҳабар қил...

Хиромон сарвдек васлин кўйида
 Боди сабодек саргардонам, эй дил.

Хуршидбону НОТАВОН

Ўзини ишқ оловига уриб дилишод парвона,
 Ажаб бир бора ёнмоқдан ўлур озод, парвона.
 Ҳар оқшом кўрди мажлисдаки, шамъ агёрга ёрдур,
 Шу вақтдан касби сўзонлик қилур бунёд парвона.
 Сенга эй шамъ, маломат қилдилар маъшиқ олдинда,
 Агарчи хирманни умринг бўлур барбод, парвона!
 Дема, маъшиқа бепарво, у шамъга юз маломатдан
 Узуб жон тасбеҳ янглиг, вафодан шод парвона.
 Билиб шаъмининг вафосин, жисму жонин ўт аро отди,
 Фами ҳижерон дами васлатда этди ёд парвона.
 Жафои ҳажеридан жонга етиб, шавқи висол бирла
 Эриб шамъ гулханида, этмади фарёд, парвона.
 Ёнар чун Нотавон хаста мудом ишқнинг оловида,
 Сабур ўл, айла одат шевави устод, парвона!

**Озарбайжон тилидан Ўзбекистон халқ
 шоири Ойдин ХОЖИЕВА таржимаси**

Jamolidan nur olar quyosh

Инсонни унинг руҳияти, яъни ақлу заковати бошкаради. Тафаккур имкониятлари эса Аллоҳ томонидан тақдим этилади. Лекин бу иноят хар кимга, хар қайси ҳалққа наисбет этавермайди. Шу боис “Аллоҳнинг назари тушган”, “Хизр назар қылған” деган иборалар пайдо бўлган.

Самарқанд ана шундай бетакрор, беназир, табаррук масканлардан хисобланади. Бу ерда дунё пайдо бўлгандан бўён ақл-идроқ, маърифат хукмронлик қилған, десак хато бўлмас. Тўртинчи асрда кучли салтанат хисобланган Марокандни босиб олиш учун келган македониялик Искандар унинг кўрку чиройидан хайратга тушгани фикримизнинг исботидир.

Х асрда эса араб сайёхи Абулқосим ибн Ҳавкал Мовароуннахрнинг бу гўзал шахри ҳақида “олиму фузалоларнинг энг машҳури Самарқандда таълим-тарбия олиб камолотта эришганлар” деб ёзган. Абдураҳмон Жомий ҳазратлари эса:

Агар бойликни кўрмоқчи бўлсанг,

Ҳиндистонга бор,

Агар ҳалоллик-поклик истасанг,

Маккага бор,

Агар ҳар иккаласини хоҳласанг,

Самарқандда қол,

деб бежиз айтмаган.

Йўқ-йўқ, бу таърифгина эмас. Илмли одамнинг бари

азалдан шу заминга интилган. Самарқандни соғиниб яшаганлар кўп. Нажмиддин ан-Насафий шу муқаддас заминда 100 дан ортиқ асар битган.

“Самарқандия” китобида Мовароуннахрда яшаб ўтган мингдан ортиқ алломалар ҳақида маълумот бор.

Имом ал-Бухорий, Ал-Марғиноний ҳазратлари дил таскини Самирқанддан олганлар. Алишер Навоий бу муаззам шахарга кўнгил майли, соғинчи билан келганлар. Мирзо Бобурнинг бу заминга хурматини айтмайсизми?

Маҳдуми Аъзам ёдгорлигida 15 дан ортиқ ўлкалар подшоҳларининг қабри бор. Улар агар вафот этсалар, айнан шу жойга дағн этишларини васият қилганлар. Шу туфрокни афзал ва қадрли билганлар. Чокардиза қабристонига дағн этилган 40 минг авлиёю анбиё ҳақида ҳам шундай дейиш мумкин.

У ер юзининг сайқали деб ном олган. Буюк Соҳибқирон Амир Темур бобомиз Самарқандни Мовароуннахрнинг (аслида дунё ярмининг) марказига айлантириди. Шаҳарнинг ўша даврдаги чиройи, нуфузи тўғрисида Испания қироли элчиси Клавихо де Гонзалес кўп ва хўй эсадилклар битди.

Ўтмиши шарафли бу муаззам ва мукаррам манзил Ўзбекистон мустақилликка эришгач, янгича кўрк ва чирой қасб этди. Республикаиз Президенти ташаббуси билан аждодлар меросини ўрганишдек савобли иш айнан Самарқандда бошлангани бежиз эмас. Қадимий шаҳардаги Регистон майдони, Шоҳи Зинда, Бибиҳоним, Улуғбек расадхонаси мажмуаларининг таъмирланиши, ўша даврга оид илмий мерос юзасидан олиб борилган тадқиқотлар, имлий анжуманлар Ўзбекистонда маънавий комилликнинг янги босқичини бошлаб берди.

Ҳа, худди шундай бўлди!

Кутубхоналар минглаб ноёб китоблар билан дейди.

Xor musiqa san'atida milliy qadriyatlar

SANVAT - SINOAT

Тарихий қадрият ва анъаналаримизга, маънавий меросимизга содиклик руҳини шакллантириш, ёш авлодни тарбиялашда муҳим аҳамиятга эга. Қадриятларимиздан бири бўлган миллый мусиқа санъатида анъанавий ҳалқ қўшиклик санъатини, шу жумладан, ҳар бир ҳудуд ҳалқ оғзаки ижодиётини ўрганиш мухим ўрин тутади.

Ўзбекистонда хор мусиқа жанрининг пайдо бўлишида ҳалқ оғзаки ижодини кўп киррали профессионал хор-вокал мусиқага айлантира олган Мутал Бурхоновнинг ўрни бекиёс. Ҳалқ оғзаки ижодини профессионал хор-вокал мусиқага айлантириш жараёни янги асар яратишдан кам меҳнат талаб қилмайдиган ижодий меҳнатдир. Ушбу жанрининг ўзига хослиги шундаки, бунда мусиқий асар ҳалқ оғзаки ижодининг турли ҳудудларга монанд услубий ўзига хослиги инобатта олинган ҳолда яратилади. Композиторнинг барча асарлари айни талабга тўлалигича жавоб бериб, юксак бадиий маҳорат билан ижод қилинган.

Шунингдек, Ботир Умиджонов ўзининг хор асарларида ўзбек мусиқасига хос табиатни максимал даражада саклаб қолган ҳолда, ўзбек ҳалқ куйи маромига мослаб хилма-хил

ижро усулларини эркин кирита бошлади. Шу йўл билан у “Шашмақом”ни бойитиб, янада жарангдор бўлишини таъминлади. Унинг “Лапар”, “Қорасоч”, “Дилиман”, “Мавриги”, “Дилбарим” сингари, Мутал Бурхоновнинг “Зарра гул”, “Гўзал қизга”, “Чаман ичра” каби, Собир Бобоевнинг “Энди сендеқ”, “Тановар” асарлари ўзбек хор мусиқасининг мумтоз намуналари хисобланади.

Хозирги кунда ҳар бир хор жамоаси дастуридан ўз жарангдорлиги ва оҳангдорлиги билан ажralиб турадиган Ўзбекистон давлат консерваторияси профессори Ноира Шарофиеванинг “Хоразм наволари”, “Тарона”, “Фарёд”, “Мустаҳзод”, “Ҳазил”, “Наврӯз салом”лари жой олган. Мусикаларга замонавий тус бериш йўли билан бастакор уларнинг томошабоплигини таъминлайди. Унинг ижоди мамлакатимизнинг барча ҳудудларига хос фольклор намуналарини қамраб олган. Масалан, “Ўзбекистон тароналари”ни Фарғона водийси, Самарқанд, Хоразм, Қашқадарё йўналишларига хос бўлган кўйларнинг ўзаро чатишувидан ҳосил бўлган тож асар деса бўлади.

Ўзбекистонлик композиторлар ҳалқ оғзаки ижодиётига

БМТ, ЮНЕСКО, кўплаб халқаро ташкилотлар бой маданий меросимиз билан қизиқиб қолишиди. Чет тиллар институти очилди. Энди “Шарқ тароналари”гина эмас, деярли барча халқаро анжуманларда шу олийгоҳ талабалари тилмочлик қилишаётir.

Кейинги уч йилда Самарқанддаги колледж-лицејларнинг ўкувчиларидан 20 нафари турли халқаро олимпиада ва танловлар галиби бўлишиди. Якинда эса филология фанлари доктори Шухрат Сирожиддиновнинг “Алишер Навоий: манбаларнинг қиёсий-типологик, текстологик таҳлили” китоби биринчи даражали республика давлат мукофотига сазовор бўлди.

Маънавий жўшқинлик, миллий уйғониш хаётда ўз самарасини бераётir. Нафакат қадимиш шахар, умуман Самарқанд вилояти мустақиллик йилларида чинакамига тараққиётга юз тутди. Шу сарзаминда камолтопган, халқпарвар Президентимиз бошқа минтақалар сингари Самарқанд вилояти иктисолий-ижтимоий ривожланиш режасини тузуб берди. Шу асосда киска муддатда мисли кўрилмаган бунёдкорлик ишлари амалга оширилди.

Самарқанд автомобилсозлик гигантларидан бирига айланган Ўзбекистоннинг асосий соҳа базасига айланди. Кунига саккизтадан “ISUZU” автобуслари ишлаб чиқараётган “Самавто” кўшма корхонаси сафига “MAN” кўшма корхонаси ҳам кўшилди. Бу ердан йилига 2000 дан ортиқ замонавий юк машинаси жўнатилмоқда.

Вилоядта 17 та гилам заводлари ишлаб турибди. Уларнинг саркори – “Самантимгилам”. Қизиги шундаки, бир пайтлар гиламларини биз орзу қилган чет эллик харидорлар энди бу маҳсулотни биздан олиб кетишапти.

Эндиликда туман марказлари чинакам шаҳар қиёфасини олди. Барчасида истироҳат боғлари, эски бозорлар ўрнида

хор йўналишида мурожаат қилиш билан чекланиб қолмадилар. Мустафо Бафоевнинг “Баҳорий” таронасида халқ қўшиклари Наврӯз байрами кайфиятида янграйди. “Баҳорий”да гурухлар ўзаро овоз алмашгандарida тўлқинсимон янгровчи хитоблар хорга байрамона кўтаринки кайфият баҳш этади.

Ҳозирги замон композиторлари хор учун яратган асарларида мумтоз шоирлар ва алломалар ижодларига мурожаат қиласидилар. Дилором Омонуллаевнинг “Хайём рубоийлари” асари вокал-хор доирасида шоир Хайём поэзиясини ўзига хос тарзда талқин қиласиди. Асар беш мустакил, шунингдек, бир-бiri билан узвий боғланган гоялардан иборат. Унда асосий фоя шоирнинг дунёкараши, фалсафаси, турмуш тарзи, тақдири хамда одамлар бир умр билишга ҳаракат қиласидиган ўзлигини англашга қаратилади.

Мустафо Бафоевнинг “Фрески” поэмаси машҳур файласуф, шоир ва шифокор Абу Али ибн Синоға багишинган бўлиб, унга асос қилиб ибн Сино робоийлари олинган. Бу поэма ҳам ҳаётнинг маъносига, атроф-олам муаммолари ечимини кидириш, тушуниш ва топишга ундейди. Поэмада ўз фоя ва мақсадларига содиклик илгари сурилган. Мустафо Бафоевнинг яна бир муҳим асари бу арифметика, алгебрага, астрономик ва математик географияга улкан ҳисса кўшган IX аср файласуф олими ал-Хоразмий хотирасига бағишилаб, Жамол Камолнинг “Аллома” шеърига басталанган поэма-кантатасидир. Олти қисмдан иборат ушбу хор асарида ёшлик пайтида Бағдодга олиб кетилган кексайган алломанинг ватанини кўмсашлари,

замонавий савдо мажмуалари қад кўтарди. Ҳозирги кунда ҳар бир қишлоқда маиший хизмат шоҳобчалари барпо этиш режаси ниҳоясига етайдеб қолди.

Жорий йилнинг ўзида қишлоқларда Президент ташабbusи билан курилаётган мингдан зиёд уйларда ҳовли тўйлари ўтказилади. Пўлатдархон, Обод маҳалла сингари янги шаҳарчаларда бўлган хорижлик меҳмонлар ҳам Ўзбекистонда олиб борилаётган бунёдкорлик ишларига, инсон эркинлигини таъминлашдаги доно сиёсатга юксак баҳо беришди.

Жорий йилнинг ўтган даврида вилоят бўйича жами инвестициялар ҳажми 1,03 триллион сўмни, тўғридан-тўғри хорижий инвестициялар эса 14,7 миллиард сўмни ташкил этди. Ярим йил ичидаги 626 та инвестицион лойиха ҳисобига 70 мингдан ортиқ янги иш ўрни яратилди. Бу йил этиширилган 701 минг тонна доннинг 363 минг тоннаси фермер хўжаликлари омборига келиб тушди.

Буларнинг барчаси вилоятнинг меҳнатсевар, ватанпарвар, тадбиркор ахли томонидан амалга оширилаётir. Самарқандликлар мамлакатда олиб борилаётган ижтимоий-иктисолий ислоҳотларга мунособ ҳисса қўшишни виждан иши деб билмоқдалар. Шу сабабли Президентимиз ташабbusи билан вилоядта “Давлат ҳокимияти ва бошқарув органлари фаолиятининг очиқлиги тўғрисида”ги конун лойиҳаси синови бўйича хукукий эксперимент муваффакиятли давом этаётir. Депутатлар, маҳалла фаоллари ахоли хукукий савиасини ошириш борасида таъсирчан мулоқотлар уюштиришмоқда.

Бир сўз билан айтганда, Самарқанд вилоятидаги буюк ўзгаришлар кундан-кун юксалаётган Ўзбекистон салоҳияти ва куч-қурдатини намойиш этмоқда. Тафаккуримиздаги, шууримиздаги эврилиш эса аждодлар анъанаси изчил давом этаётганини кўрсатиб турибди.

Фармон ТОШЕВ

ватанига бўлган ҳис-туйғулари, фикр ва мулоҳазалари акс эттирилган. Поэманинг олтинчи қисми викорли жаранглаб дунё илм-фанига улкан ҳисса кўшган ал-Хоразмийнинг шахси улуғланиши билан якун топади.

Аждодларга нисбатан ҳурмат-эътиборда бўлиш, ҳатто улар туғилиб ўсган жойни улуғлаш анъанаси ёш композиторлар томонидан ҳам давом эттирилмоқда. Масалан, Икром Фойиббоев Чустий ва Машраб шеърларига басталаган тўрт қисмли кантатасида улар туғилиб ўсган Наманган шаҳри улуғланади. Шу билан бирга, кантатада ватанпарварлик, ватанидан фахрланиш ҳис-туйғулари ҳамда ҳар бир киши ўзи туғилиб ўсган жойни унтулмаслиги, ҳар доим уни соғиниб яшashi куйланади.

Шу ўринда ёш иқтидорли бастакор Камолиддин Азимовнинг асарларини эслаб ўтиш лозим. У Хуршид Даврон шеърига басталаган етти қисмдан иборат “Жаҳон ҳайратисан, қадим Бухоро!” номли ораторийсини Бухоронинг улуғворлигига бағишилган. Унда ибн Сино, Нақшбандий, Маҳмуд Торобий каби сиймолар тараннум қилинади.

Ушбу мақолада мамлакатимизнинг миллий анъаналар, тарихий воқеалар ва буюк сиймоларига бағишинган хор асарларининг бир қисмигина келтирилди, холос. Хор қўшикларида хилма-хилликни, жарангдорликни ҳисобга оладиган бўлсак, хор мусикаси ҳар доим қадим маданиятимизни улуғловчи халқ овози сифатида янграйверишига ишонч билдиришимиз мумкин.

Севара ҚОДИРОВА

O'zbekiston dagi birinchi telefilm

Йигирманчи асрнинг энг буюк кашфиётларидан бири телевидение бўлди. Ўтган вақт мобайнида телевидение мўъжизадан ҳаётимизнинг муҳим қисмига айланиси улгурди. Ўзбекистонда телевидение ташкил этилган 1956 йилдан 1971 йилга қадар барча кўрсатувлар факат тўғридан-тўғри эфирга узатилган. Шу сабабли узилишлар, техник хатолар кўп бўлган. У пайтларда худди ҳозиргидаи декорация, павильон ва ёзиб олиш техникаси йўқ эди. Ўзбекистон телевидениесида намойиш килинадиган бирдан-бир телемахсуслот театрлаштирилган спектакллар эди. Энг оммавий томоша санъати бўлиб қолган телеспектакллар намойиш этилишини катта-ю кичик бирдай интиқлик билан кутган. Бу эса ўз-ўзидан бадиий телевидениенинг пайдо бўлишига олиб келди.

“Ўзбектелефильм” студияси очилгунга қадар ўтган саккиз йил бадиий телевидение учун чинакам ўсиш даври бўлди. 1961 йил Ўзбекистонда биринчи “Азизахон” телефилми суратга олинди. Мамлакатимиздаги илк телефilmning юзага келишига, албатта, театр замин бўлди. Чунки мазкур дебют телекартина истеъоддли театр режиссёри ва театрнинг ажойиб актёрларидан иборат гурух томонидан яратилди.

“Азизахон” телефилми янги жанрнинг пайдо бўлишида ўзига хос тажриба, дастлабки қадам бўлди. Республикамизда телекино яратиш учун етарли шароит йўқлигига қарамасдан, ўша пайтда ёш режиссёр Маҳкам Мухаммедов Ўзбекистон телевидениесида бадиий жанрни бошлаб берди. Ўшанда у атрофига сценарий муаллифи Жонрид Абдуллахонов, оператор Ф.Алимов, рассом В.Субботин, бастакор Сайфи Жалил, овоз режиссёри А.Тўлаганов, монтажчи Т.Усмонхўжаевдан иборат ўз ишининг устаси бўлган гурухни жамлади.

Маҳкам Мухаммедов телефilmни суратга олишдан олдин бир катор тўсиқларга дуч келди. Шунга карамай, ижодий гурухни ўзбек телевидениесининг биринчи директори Мирсолих Мираъзамов кўллаб-кувватлadi. Миллий телевидениенинг равнақ топиш йўлида жонбозлик кўрсатган бу инсон телефilm яратишга астойдил хайриҳоҳлик кўрсатиб, гурухни рағбатлантириб турди.

Маҳкам Мухаммедов телефilmни суратга олиш учун техника воситалари етишмаслиги, зарур шароит йўқлиги боис, “Ўзбекфильм” киностудиясининг

техникасидан фойдаланишга мажбур бўлди ҳамда картинанинг монтажи ва дубляжини ҳам шу жойда амалга ошириди. Унга фильмни яратиш билан боғлиқ барча жараёнда “Ўзбекфильм” студияси овоз режиссёри Виталий Арташевский яқиндан ёрдам берди.

Телефilm учун танланган актёрлар ва уларнинг ўз ролларини маромига етказиб ижро килгани ҳам режиссёрнинг юксак профессионал маҳоратини кўрсатиб, унинг ижодкор сифатидаги тийраклигидан далолат берарди. Ушбу телефilmда ҳалқ артистлари Саъдихон Табиуллаев, Лутфихоним Саримсоқова, Яира Абдуллаева, Тўйчи Ориповлар асосий ролларни ижро этишган. Жараёнда суратга олиш майдони танланишини ҳам алоҳида қайд этиш зарур. Таsvирга олиш гурухи қишлоқка хос манзарани суратга тушириш учун Тошкент вилоятидаги Бўстон қишлоғига ёки кўприк қурилишини ҳаққоний кўрсатиш учун Хумсондаги дарё устига қурилаётган янги кўприкка боришига тўғри келди. Барча майший саҳналар телемарказ биносида суратга олинди. Ичкари билан боғлиқ тасвиirlar телемарказ йўлаклари ва ишхоналарида тасвирга туширилди. Қайд этиш жоизки, интеръер билан боғлиқ тасвиirlar бевосита ҳаётдан олинди. Бу лавҳаларда рассомнинг юксак маҳорати яққол кўринади. Оператор профессионалларга хос иш тутганидан шаҳар хонадонлари кўриниши ҳам, қишлоқдаги уй манзараси ҳам ҳаётнинг айни ўзидагидек кўрсатилган.

Телефilm бошланишидаги дастлабки кадрлар бутун сюжет учун муқаддима саналади. Кино ёш келинчакнинг қишлоққа – қайнона-қайнотасининг уйига келиши билан бошланади. Унинг севгилиси қишлоқдан унча узок бўлмаган жойда, дарё устига катта кўприк қурилишига раҳбарлик қиласи. Шаҳарлик киз йўлда келгунicha қишлоқдаги шароит ва ҳаёт тарзи тўғрисида ўйлаб, кўркувга тушади. Унга қишлоқ жуда ёқимсиз бўлиб туюлади. Қаҳрамон кизнинг машина ҳайдовчиси билан қишлоққа боргунча мулокот жараёни жуда чиройли ракурсда суратга олинган. Оператор айни кадрларда кувноқ қишлоқ кишиси ва ўзига ишонган, дадил шаҳарлик қизнинг характерини аниқ кўрсата олган.

Келинни қайнотаси кутиб олиши саҳнасида ўзбекона меҳмондўстлик ва келинга меҳр ва эътибор жуда таъсиран гавдалантирилган. Филмдаги ёрқин, гўзал – ёмғир ёғиш саҳнаси телемарказ олдидағи кўчада

суратга олинган. Бунинг учун ёнгин ўчирувчилар машинасидан фойдаланилган. Операторнинг зукколиги ва топқирилиги, техник гурухнинг баҳамжихат иш олиб боргани туфайли айни лавҳа жуда ишонарли чиққан. Шаррос ёмғир билан боғлиқ айни ҳаяжонли кўриниш сюжет воқеаларига шиддатли тус бериб, ходисалар кандай кечишига қизиқиши кучайтиради.

Миллий куй ва қўшиқлар фильмнинг бадиий-эстетик таъсиранлигини кучайтириб, жозибадорлик баҳш этган.

Сўнгги саҳна ҳам жуда таъсиран чиққан. Ёш келин қайтаётib, қайнотаси ва қайнонасининг меҳр тўла қарашларини, самимиятини эслайди ва қишлоқда қолишга аҳд қилиб, машинани яна ортга қайтаради. Фильм якунидаги айни лавҳаларда қаҳрамоннинг муҳаббатга садоқати ёрқин намоён бўлади ва томошабинлар бу келинчакни яхши кўриб қолишади.

Телефilmни суратга олиш жараёни тўрт ой давом этган. Махсус комиссия – бадиий кенгаш томонидан ижобий баҳоланганд “Азизахон” телефилми эфирга узатилиб, томошабинлар ўртасида муваффақият қозонди. Фильм мутахассислар томонидан ҳам юксак

баҳоланганд. Ана шундай муваффақиятдан кейин телефоним 90 нусхада кўчирилиб, яқин хориж давлатлари телевизион каналларида намойиш қилинган.

Ушбу дебют янги жанрнинг шуҳрат топишига сабабчи бўлди. Бунинг натижасида бошқа республикаларда ҳам телефилм суратга олиш бошланиб, дастлаб бир, икки кейин кўп қисмли телефилмларни суратга олишга киришилди. Айни фильм янги жанрга ҳаёт баҳш этиб, шу йўналишда кўплаб картиналар яратилишига туртки бўлди. Ўзбекистонда хизмат кўрсатган санъат арбоби, ўзбек телевидениесининг асосчиларидан бири Маҳкам Мухаммедов ўзининг биринчи – “Азизахон” телефилми билан кўплаб издошлари ва шогирдлари учун ибрат намунасига айланди. Мазкур фильм республика телевизион жанрида янги даврини бошлаб берди. Режиссёр Маҳкам Мухаммедов эса телевидение намоёндаларининг бутун бир авлодини тарбиялаб, телевидениедаги янги йўналиш асосчисига айланди.

Элдор ЙЎЛДОШЕВ,
Ўзбекистон Давлат Санъат ва маданият
институти докторантни

San'at marketingi – san'at targ'iboti

Санъат маркетинги – соҳа бозорида вужудга келадиган иқтисодий муносабатларни фаоллаштириш, санъат асарларини яратиш ҳамда тарғиб қилиш муаммоларини комплекс, тизимли ҳал этиш услубларини ўрганади. Бундан ташқари, санъат бозорида вужудга келадиган ўзгаришларга тезда мослашиш, томошабинларга табақали ёндашиш, рақобатдош янги асарларни вужудга келтириш ва уларни яратишини ташкил этиш, таъсиран рекламани ривожлантириш санъат маркетингининг бирламчи мақсадларидандир.

Санъатда рекламани ташкил этиш молиявий таъминот билан ҳам боғлиқ. Етарли маблағ билан таъминланган корхоналаргина ёрқин рекламани яратса олади. Театр ўз жамоасининг имижини яратиш учун коммуникатив алоқалар билан ўзаро келишишга мажбур. Бу куйидагиларда кўринади: 1) Маркетинг коммуникацияси; 2) Савдо орқали шахслар мулокотлар; 3) Реклама каналлари орқали шахссиз мулокотлар. Шахсий савдо reklamадан самарасизроқ. Рекламанинг бир марта тайёрланиши, нархининг кулаги ҳам кўл келади. Тайёрланган ушбу реклама такроран барча ОАВларда бирданига узатилиши ва бир вактнинг ўзида миллионлаб аудиторияга аҳборот бериши мумкин. Бироқ савдо ходими бирор ташкилотга бориб, ўша куннинг ўзида чипталарни сотиб келиши ҳам мумкин. Рекламада бу иш бирданига амалга ошмайди. Иккинчидан, реклама ултуржи савдони амалга ошира олмаслиги мумкин. Унинг таъсири кучи секин, аммо узоқ ва давомли эканлиги яхши. Яъни reklama қисқа вақт

оралиғида катта аудиториялар билан мулокот қилишга имкон берса, савдо ходими оз сондаги томошабинларга маълумот бера олади.

Бугун мамлакатимизда реклама соҳаси шу қадар ривожланиб бормоқдаки, аҳоли аҳборотларнинг барчасини қабул қилиш, танишиб чиқиши имкониятига эга эмас. Кейинги маълумотларга кўра, одамлар бир кунда 600 га яқин reklama хабари таъсирига учрайди. Бу катта-кичик хабарларнинг ҳаммасини ҳам ўзлаштириш мумкин эмас. Истеъмолчи ёрқин, дикқатини жалб қиласиган, эстетик дид билан тайёрланган reklamагагина эътибор қаратади.

Санъатда reklama эълони мантикий ва яқунланган фикрни ифодалashi шарт. Уларнинг таъсирини таҳлил қилиш шуну кўрсатдиги, баъзи бир reklama кўринишлари бошқаларидан кўра кучлироқ натижага беради. Санъат корхонасининг раҳбарияти, яъни reklama берувчилар қисқалик, лўндалик тарафдорлари бўлиб, асосий, моҳиятни очувчи ибораларни маъқул кўришмокда.

Бугунги кунда мамлакатимизда reklama фаолиятини ривожлантиришга алоҳида эътибор қаратилган. Юртимизда юздан ортиқ reklama агентликлари фаолият олиб бораётганлиги фикримизнинг ёрқин далилидир. Реклама агентликлари томонидан амалга оширилаётган эстрада ва кино санъати reklamаларининг сезиларли тарзда ўғсанлиги ҳам соҳанинг ривож топаётганидан далолат беради.

Омина АЗИЗОВА

Xалқимизнинг маданий меросларидан бири бўлган ўзбек қарсак санъати миллий санъатимизнинг қадим бир бўгини хисобланади. Ушбу санъатни ривожлантириб, унга сайқал береб, аждодларимизнинг айтиб ўтган лапарлари, термалари, маросим, ҳазил қўшиқларини сақлаб колган ва намоён қилаётган Булунгур заминида кайта жонланган “Чавқи” фольклор жамоаси ва ушбу жамоанинг репертуаридаги икки юздан ортиқ бебаҳо қўшиқлари эътиборга моликдир.

“Чавқи” ансамбли 1986 йилда Булунгур туманида ташкил этилди. Бу ансамблни ташкил килишни фольклор санъатининг жонкуяри устоз санъаткор Сувонқул Абдуқодиров ўз зиммасига олган. У киши қадимий қўшиқларни яхши биладиган, чавки ўйинларини кўрган кекса авлод вакиллари билан сұхбатлашиб, улардан халқ ўйинлари, лапарлари, термалари, қарсак ўйинларини ёзиб олди ва кайта умр бағишлади.

“Чавқи” ансамблининг бошқа жамоалардан фарқи шундаки, улар нафақат бир ҳудудга тааллуқли бўлган қадимий ашула ва рақсларни ёки халқ ўйинларини, балки бутун ўзбек миллиатининг тарихи билан боғлик қадимий, унут бўлаётган қарсакчилик санъатини юзага чиқарди.

“Чавқи” ансамбли репертуари асосан баҳорий куй-қўшиқлардан иборат. “Жилгўжа”,



“Наврўз алёри”, “Сумалак сайли” каби ашулаш шулар жумласидандир. “Чавқи” репертуаридаги барча ашула, лапарлари, ўйин-томошаларида халқимизнинг қадим-қадимдан сақланиб келинаётган удумлари қарсаклар ёрдамида ижро этилади. Биргина “Жилгўжа” композициясида элимизнинг ахиллик билан, кишдан эсон чиқиб, омборида қолган-қутганини бўлишиб, баҳорги юмушларга ҳамжиҳат бўлиб тайёргарлик кўришлари қўшиқ килиб куйланган.

“Чавқи” кечаси ўйналадиган ўйин ёки “базм” деган маънони билдиради. Бу санъат тури юртимизнинг тоғли ҳудудларида, хусусан, Бахмал, Фаллаорол, Зомин, Пайариқ, Жомбой, Ургут, Булунгур туманларида асрлар давомида кенг тарқалган халқ ўйини хисобланади.

OTALAR IZIDAN

Каттақўрғондан элимизнинг кўплаб баҳшию шоирлари, олиму фозиллари етишиб чиққан. Бу элнинг баҳшиси куйласа, булбуллар тин олган. Бу элдан чиққан олимлар ўзи билган-бilmaganchalarini ўргangan, қатор муҳим мавзуларда тадқиқот олиб борганлар. Каттақўрғон бугун ҳам фозил фарзандлар ўстириб, юртга кўшмоқда. Шундайлардан бири олим Боймурод Султоновдир.

Боймурод болалигидан илмга қизиқиши туфайли ўрта мактабни туталаш учун олис Каттақўрғон шаҳрига уч йил қатнади. Сўнг Самарқанд Давлат университетининг Физика факультетига ўқишига қабул килинди. 1969 йилда университетни мувваффакиятли тамомлаб, Ўзбекистон Фанлар Академиясининг Марказий Осиёдаги ягона Ядро физикаси институтига йўлланма олди. Бу ерда у

таникли олим, профессор В.А.Мўминов раҳбарлигига илмий тадқиқот ишларини олиб борди ва номзодлик диссертациясини ёқлади. Қатор йиллар ана шу кутлуг даргоҳда халқ хўжалигининг муҳим тармоқларидағи муаммоларни ҳал этиш билан боғлик ишларida фаол катнашди.

Бундан 35 йил мukaddam Боймурод Султоновнинг хаётида янги саҳифа – устозлик фаолияти бошланди. У Жиззах давлат педагогика институтига ишга таклиф килинди. Бу ерда у “Умумий физика кафедраси”да катта ўқитувчи, доцент, кейинчалик кафедра мудири лавозимларида астойдил меҳнат қилди. Ўзига, шогирдлари ва ҳамкасларига талабчан домла кафедранинг моддий-техника базасини мустаҳкамлаш, илмий изланишлар учун кенг ва кулаг имкониятлар яратишга ҳаракат қилди. У томонидан тайёрланган “Квант физикасидан ўқув амалий машгулотлари” қўлланмаси кафедрада янги маҳсус курс очилишига сабаб бўлди. Шунингдек, домланинг тинимсиз изланишлари, машакқатли меҳнатлари туфайли атом ва ядро физикаси мутахassisligi учун дастур ишлаб чиқилди ва кейинчалик у қўлланма сифатида нашр этилди.

Боймурод Султонов ўзи билган билимларни, хаётий тажрибаларини ёшлар билан баҳам кўради. Уларни ўқитиб, тарбиялаб, чин олим, мутахassis даражасига етказишни орзу

Sehrli qarsaklar

“Чавки” ўйини ўз даврининг миллий санъати ҳисобланиб, меҳнаткаш халқнинг санъатга бўлган талабини маълум даражада кондириш билан бирга кишиларни ҳамжихатлик руҳида тарбиялашда муҳим вазифани бажарган.

Ансамбл репертуаридаги халқ термалари, лапарлари ва қўшиклари бир қарсак, уч қарсак, беш қарсак, етти қарсак, қўш қарсак, майда қарсак усулларида ижро этилади.

Ижро услуби ўзгача бўлган ушбу жамоа 1988 йил Москва шаҳрида ўtkazilgan халқaro фолклор ансамбллари фестивалига Ўзбекистон Республикаси номидан қатнашиш учун юборилди. Саҳнага чиқкан 91 ёшли Ҳасан бобо, 88 ёшли Шариф бобо, 85 ёшли Эшонқул боболарни кўрган томошибинлар уларнинг қарсак чалиб кўрсатган томошалари, тушган ракслари, ҳазиломуз ҳаракатларини кўриб, ҳайратларини яшира олмадилар. Дунёнинг ҳеч қайси мамлакатида мусика асбобисиз қарсакдан оҳанг олиб томоша кўрсатадиган санъат тури йўқлигини таъкидладилар.

“Чавки” фолклор ансамблиниң қадимий санъатлар ичida ажralиб туриши шунданки, бунда қўшиқлар фақатгина қарсакдан оҳанг олиб ижро этилади, жараёнда

ҳеч қанака мусика асбобларидан фойдаланилмайди.

Жамоа 2002 йил баҳорида ЮНЕСКО ташабbusi билан ўtkazilgan “Бойсун баҳори” халқaro фолклор фестивалидаги иштироки учун Махсус диплом, 2004 йили Республика Маданият ва спорт ишлари вазирлигининг эътирофи билан “Йилнинг энг яхши фолклор жамоаси” номига сазовор бўлди. 2005 йил Жиззах шаҳрида ўtkazilgan Ўзбекистон миллий спорт турлари ва халқ ўйинлари фестивалида қатнашиб, “Энг яхши ўйин кўрсатган эркаклар” номинацияси бўйича тақдирланди.

Ансамбль ЮНЕСКО ва “Фонд форум” ташабbusi билан қадим Хива ҳамда Тупроққалъя худудларида ўtkazilgan “Асрлар садоси” фестивалларида фаол иштирок этиб, томошибинлару чет эллик меҳмонларнинг эътиборини қозонди ва маҳсус мукофотлар билан тақдирланди.

Миллий санъатимиз жавоҳирлар тўла сандик мисолидир. Нафакат фолклор санъати, балки миллий санъатимизнинг ҳали ўрганилмаган жанрларини қидириб топиш ва сайқаллаш бизнинг вазифамиздир.

Малоҳат АБДУҚОДИРОВА

килади. Шу сабабли домла институт кошидаги иктидорли болалар лицейида ҳам астойдил меҳнат килмоқда. Чунки устоз ўзи ўқитиб, тарбиялаётган иктидорли болалар орасидан юртимизнинг фахри бўладиган инсонлар этишиб чиқишига ишонади. Домланинг сухбат-маърузалари, чиқишлиарни нафакат ёшлар, балки ўқитувчилар ҳам катта қизиқиши билан тинглайдилар. У кишини саволларга кўмиб ташлайдилар. Чунки ёшлар бундай устозлар илмидан кўпроқ баҳраманд бўлишни исташади.

Домла кўплаб муҳим ўкув қўлланмалари, олтмишдан ортиқ илмий-услубий ва оммавий мақолалар, рисолалар эълон килди. Боймурод Султонов бобоси Нурмон шоирнинг изидан бориб, ўзбек халқининг ҳақиқий тарихини ўрганиш, коронгу сахифаларини ёритиш масалаларига ҳам катта эътибор бера бошлади.

Боймурод Султонов ўзбек уруғларидан Найман уруғи этнографиясини ўрганиш ва ёритишга астойдил киришди. Изланишлари маҳсали үлароқ “Илиги тўқ халқнинг бир бўғини” рисоласини эълон қилди. Ушбу рисолага “Ачамойли” уруғи ахли фарзандларининг ҳаёти ва ижодига оид саккиз мақола намуна сифатида киритилган. Тиниб-тинчимас олим, устоз якинда Нурмон шоирнинг шогирди Хурсанд баҳшининг ҳаёти ва ижодига бағишланган ҳужжатли-бадиий достонини ёзиб тугаллади.

Бугунги кунда домланинг юзлаб шогирдлари республиканизнинг қатор вилоят ва шаҳарларида, халқ хўжалигининг турли соҳаларида фидокорона меҳнат қилиб, юртимиз тараққиётига ўз ҳиссаларини кўшиб келишмоқда. Кўп йиллик самарали меҳнати учун Б.Султонов “Халқ таълими аълочиси” кўкрак нишони, ўнлаб Фахрий ёрликлар билан тақдирланди. У нафакага чиққандан кейин ҳам кариб беш йил Жиззах олий авиация билим юртида умумтехника фанлари кафедрасида профессор лавозимида астойдил меҳнат килди. 2008 йилда ўзи туғилиб ўсган Нурабулоқ қишлоғида “Нуроний” жамоат фондининг марказини бошқариб, тўй ва маъракаларни ихчам ва мазмунли ўтказиш, ёш оиласарни мустаҳкамлаш, ёшлар учун янги иш ўринлари яратиш, кексалар ва ёрдамга муҳтоҷлар ҳолидан хабар олиш, ҳашарлар уюштиришга бош-кош бўлмокда.

Боймурод Султоновнинг оиласига, фарзандларига, уларнинг яшаш тарзига атрофдагилар ҳавас билан қарашади ва ҳурмат қилишади. У турмуш ўртоғи Рўзигул опа билан етти нафар фарзандини ўстириб, улғайтириб, ўқитиб элга кўшди. Улар ота-оналарининг баҳти, фахри десак, муболаға бўлмайди. Муҳими, улуғ сулоланинг эзгу анъаналарини фарзандлар, набиралар изчил давом эттиришяпти.

Ғайрат ДОНИЁРОВ

Энтигүст бўлиниг, гул!

Гулни севмайдиган инсон борми? Гул инсонга хуш кайфият ато этади. Гули бор хонадон ёки ишхонага кирсангиз, беихтиёр кайфиятингиз кўтарилади. Улар она табиатнинг бир бўлаги сифатида биз билан ёнма-ён яшайди. Гуллар уйдаги ҳавони тозалайди. Ҳаводаги заарали моддаларни сўриб олади.

Бироқ биологлар уйда ботаника боғи яратишни тавсия этмайдилар. Чунки гули кўп уй тез-тез шамоллатиб турилмаса, бу жойдаги гулларнинг фойдасидан зарари кўп бўлади. Гуллар ҳавони тозалаши билан бирга ўзларидан заҳарли моддалар ҳам чиқаради.

Айниқса заҳарли бўлган хона гуллари қуийдагилар:

1. Фикус – (*ficus*) ҳамишабаҳор

Фикуснинг поя ва баргларида заҳарли модда мавжуд бўлиб, уларнинг шираси терига тегса, яллигланиш келтириб чиқаради. Бундан ташқари ушбу гул ўзидан аллергияга сабаб бўлувчи модда чиқаради. Ушбу гул таъсирида бронхиал астма келиб чиқкан ҳоллар ҳам маълум.

2. Олеандр – (*nerium*) самбитгул

5 метргача узунликда ўсувчи, ўзидан муаттар ис таратувчи бу ўсимликда хилма-хил кимёвий моддалар мавжуд бўлиб, улардан баъзилари тибиётда қўлланилади. Гуллари кўпайиб кетганда хиди бош оғриғига сабаб бўлади. Уруғлари ва шираси заҳарли хисобланади. Шунинг учун бу гулни парваришлаганда кўлингизга қўлқоп кийиб олишингиз, унинг ёнига болаларни яқин йўлатмаслигингиз лозим.

3. Пахиподиум – (*pachypodium*)

Пахиподиум ёки Мадагаскар пальмаси. Кактуслар оиласига мансуб бўлиб, пальма дараҳтини эслатгани сабаб Мадагаскар пальмаси номини олган ушбу ўсимликнинг барглари заҳарли. Унга зинҳор болалар ва уй ҳайвонларини яқинлаштираслик керак.

4. Диффенбахия – (*dieffenbachia*)

Диффенбахиянинг шираси заҳарли бўлиб, терида, шиллик қаватлар ва кўзда яллигланиш келтириб чиқаради. Оғизга тушганда шиллик қаватларни шишириб юборади. Бу ўсимликнинг кам миқдордаги шираси мушукни ўлдиргани фанга маълум. Шунинг учун гулнинг шохларини кесгандан, кўчат қилаётганда эҳтиёт бўлмоқ лозим.

5. Монстера – (*monstera*)

Ялтироқ ва чиройли қирқилган баргли бу ўсимлик йиртиқ филодендрон деб ҳам аталади. Бу ўсимликнинг ярим метргача борадиган баргларида шиллик қаватларни ачиштирадиган ва яллиглентирадиган, сўлак ажралишини кучайтирадиган, хазм аъзоларини бузиб, қайт қилдирадиган заҳарли модда бор.

6. Спатифилум – (*spathiphyllum*)

Кўп миқдорда заҳарли моддаларни ютиш хусусиятига эга бўлган ушбу ўсимликнинг шираси заҳарли. Ушбу шира терига тегса, узок вақт битмайдиган яра пайдо киласди. Гўзал ва жозибали бу гул парваришда инжиқ бўлиши билан бирга заҳарли ҳам экан.

7. Пуансеттия – (*poinsettia*)

Кўзни қувонтирувчи бу ўсимликнинг барги ёки поясидан чиқкан шира қўлингизга тегса, терини қизартиради. Мабодо кўзингизга тегса, кўзингиз маълум муддат кўрмай қолиши ҳам мумкин.

8. Азалия – (*azalea*). Алъян атиргули

2-2,5 ой давомида бўлик гуллаб турадиган, хушбўй ушбу гулда руҳий таъсир этувчи модда мавжуд бўлиб, унинг хиди бошни айлантиради. Ҳавоси алмашмайдиган жойларда ҳатто хушдан кетишга сабаб бўлади.

9. Печакгул – (*hedera*)

Печаклар туркумига оид ўсимлик ҳаводаги заҳарли моддаларни кўплаб миқдорда ютиш қобилиятига, баргига бактерия ва замбуруғлар тушса, ўлдириш хусусиятига эга. Шу билан бирга ҳавони тозалайди. Бироқ барглари заҳарли. Бир неча йилда бир марта гуллаб, гули ёқимсиз хид таратадиган печакгулнинг мевалари баргидан ҳам заҳарли бўлади. Шунинг учун унинг гулларини териши ташлаш керак.



Гуллар қандай бўлмасин, бизга завқ берадиган яратик. Фақат улар “табиати”ни тўлиқ билмасдан хонадонларда асраш, парваришлашида эҳтиёт бўлиш лозим. Айниқса, бу жараёнларга болаларни жалб қўймаслик лозим. Гулни севинг... гулдан эҳтиёт бўлинг!

*Муҳиддин ТИНИБЕКОВ
тайёргари*

Kuzgi libos

Эрталаб ишга отланар эканмиз, кийимлар жавони олдига келиб, бугун нима кийишни ўйлаб қоламиз. Бу масала, айниқса, кузнинг ўзгарувчан об-ҳаволи қунларида янада долзарб. Ўзи кузда қандай кийинган маъқул, бу мавсумга мос либос танлашида нималарга эътибор қаратмоқ лозим, кузга мослик фақат либос билан чекланиб қоладими? Бу кузда мутахассислар бизга қай услугда кийинишини маслаҳат беришади? Шу каби саволларга жавоб олиш мақсадида Ўзбек Миллий академик драма театри лиbosлар бўйича рассоми Севара Зуннуновага мурожаат қилдик. Ушбу мутахассиснинг малакали маслаҳатларини Сизгада илиндик.

Миллийлик, замонавийлик ва мавсумга мослик

Биламизки, куз тонги салқин, куни офтобли, кечи яна салқин бўлади. Табиийки, кийимларимиз ҳам шунга мос бўлиши керак. Эрталаб совқотиб турмаслик, тушда иссиқдан беҳаловат бўлмаслиқда асосий либосимиз устидан кийиладиган кардиган ёки туникага ўхшашиб кийим асқотади. Олдиндан айтиб қўйяй, мен миллий лиbosлар ва миллий матолар тарафдориман. Кардиганни бўз адресдан ёки икки томонлама килиб, астарини бир рангда, аврасини адресдан килиб, ичидан бир қатор синтелефон кўйиб, тикиб кийса бўлади. Жинси шимлар бичимини сал кенгроқ килиб, бўз адресдан деталлар ишлатса бўлади. Орка тарафини бир ранг, аксини адресли килиб, машинада чок бериб кийиш мумкин. Адресдан пиджак кийса бўлади. Пиджак тўлалигича адресдан бўлиши ҳам шарт эмас. Унинг ёқаси, енги ёки чўнтағида адрес ишлатиш кифоя. Қолаверса, пиджакни безатища миллий нақшларимиз унсурларидан ҳам фойдаланиш мумкин.

Бу мавсумда сариқ, кўк, ёрқин ва тўқ сиёхранг, кул ранг, мoshранг, зайдун ранг, новвот ранг, зумрад ранг, жигар ранг, олов ранг, кизил ранг урфда. Айни рангдаги лиbosларни танлашда киши урфга эмас, ўзининг рангига аҳамият бериши лозим. Корачадан келган аёллар ёрқин рангли либос танлашда эҳтиёт бўлганлари маъқул. Оппок аёлларга бу борада ҳеч қандай тўсик йўқ.

Кўпчилик қизлар мода талабига мувофиқ дея калта кийим кийишни одат қилишган. Бироқ бу мавсумда узун либос яна урфда. Демак, бемалол узун кийим танлайвериши мумкин. Шунингдек, миди бичимидағи кўйлаклар ҳам урфдан узоқлашмади.

Тор-кенглик борасида, яхшиси, ҳар ким ўз қоматидан келиб чиққани маъқул. Негаки, бирдай ўта тор кийим тўлачадан келган аёллар чиройига чирой кўшмайди. Бундайлар коматига мувофиқ равишда тепаси тор ва этаги кенгроқ кўшбичим либос танласалар, яхши бўлади. Озғинлар кийими эса қопга ўхшаб турмаса ёки озғинликларини хаддан ортиқ бўрттириб юбормаса, бас, айтарли чеклов йўқ.

Кузги пояфзал

Хозир асосан пошнасиз оёқ кийим кенг тарқалган. Буни кўпчилик қулай деб ўйлади. Аслида эса, бундай пояфзалда бутун юқ факат товоңга тушиб, оёқ тез чарчайди, кон томирлари фаолиятида нокулайлик тугилади. Оёқ кийимида қулайлик учун бир оз бўлсада пошна бўлиши шарт. Бунда ҳам саломатлик асралади, ҳам чиройга чирой кўшилади. Пояфзал танлашда ҳам унинг материалига эътибор бериш лозим. Улар асосан (ҳеч бўлмаса, оёқни кўпроқ қопладиган қисми) табиий бўлгани маъқул.

Айнан кузга мос оёқ кийими танловида унинг ёпиқлиги, ёздагидан баландроқлиги, сув ўтказмаган ҳолда “нафас олувчанлиги” мухим. Пошнанинг баланд-пастилиги эса аёлларнинг бўйи, борадиган жойига мос бўлиши шарт. Қундалик пояфзаллар пошналари эса бу мавсумда бир оз қалинлашган.

Куз об-ҳавосидаги соч турмаги тўғрисида

Бувиларимиз аёлларга, қизларга сочни ёйиб юришни маслаҳат бермаганлар. Уларнинг айтганларида хикмат кўп. Хозир буни ҳаммага уқтира олмаймиз. Соч турмагига келадиган бўлсак, қизларимиз сочини майда ўриб юришларини хоҳлардим. Хозир соч ўришнинг бир-биридан фарқли усуллари кўпайган. Қолаверса, ўрилган соchlар хозир урфда. Айниқса, кузнинг ёгин-сочинли, шамолтўзонли қунларида бу ниҳоятда қулай ҳам. Ўрилган соч билан кузда рўмол-шарф ўралиши ёки хозир урф бўлган эркакча бичимдаги шляпалар кийилишини хисобга олганда ҳам соч турмагининг бузилишидан хавотир бўлишнинг хожати йўқ. Бунда ҳам ташки кўринишингизнинг умумий услубига мосликка аҳамият бериши лозим. Зоро, соч аёлнинг ярим ҳусни.

Аслида кийим, турмак, пардоз аёл учун бор-йўғи зеб, холос. Асл кўркамлик эса кўнгилларда бўлади. Кўринишингиз кўнглингиздек кўркам бўлсин!

Нигина ҚОДИРОВА тайёрлади

GULCHIROY



Guliston 2013 | 45

SKANVORD

Шарафиддин Али Яздий асари								1	Шудгордаги арик	Абӯ Райхон Берунний асари	
Энг баланд чўққи	Бурж		Нил бўйидаги тўғон		“Темир хотин”-нинг исми		Сўзлашқобилияти		Дарс берувчи аёл	Лаҳза	2
3					Муносабат, боғланиш		Хидсиз газ				
4		→	Безак, зеб					→	Сўз кўрки		
	5				→ Кўчма ўчоқ	Хорижий валюта				Америка тоғлари	
Америка тўтиси	Физик зарра	→				Учли кескир асбоб		→	Уя		
			Тақдир	→						Бўй	
Механик зина	Бахт, толе		6		→ Шифобаҳш ширинлик			7	→	Миллий либос	
								8			
Адабий жанр		Пойтакти Доҳа	17 10 5 1 2 * 17 15 4 6 12 8 2 5 2 * 1 18 -							Тонг	
		9	6 10 5 1 * 7 2 16 , 6 12 8 5 2 * 3 1 -				↓		→	Инкор	
Ишҳақи		Кўкламойи	11 10 5 * 7 1 11 - 4 2 17 1 * 17 15 4 -				Ёқутистон дарёси				
Фолиб	↓		17 10 5 1 * 7 2 16 . 1 16 2 9 13 4				Мато			10	
11		Шамсий ой	5 1 14 10 2 19	*****			...ишора				
Вақт, замон	Она ватанимиз	12					Немис футболчиси	Саломатлик гарови		Рақам, миқдор	
Жингалак соч		14		Марказ		Рақекечаси	Эътибор, химмат			Биринчи инсон	
							Отулов анжоми				
		16	→	Яхши, ортиқ		Мўтабар зот			15		
17		→	Хордик							Тақинчоқ	
				Фан	Эл, қабиля						
Тепалик ер	↓	Босик, оғир	Ширинлик					18	→	Вилоят (арабча)	
									→	Кузмеваси	Мўтабар инсон
										19	

Тузувчи: Фозилжон ОРИПОВ

СКАНВОРД-МУАММОНОМА

Сканвордни ҳал этгач, жавоблар ёзилган ракамли хоналардаги ҳарфлар асосида шакл марказидаги муаммономани топинг. Бунда улардан икки мисра ҳикмат ва унинг муаллифи бўлган улуғ мумтоз мутаффакир шоир номини билиб оласиз.

**«ШАХМАТ» ЧАЙНВОРДИННИНГ
ЖАВОБЛАРИ:**

1. Ютуқ.
2. Қосимжонов.
3. Вариант.
4. Турнир.
5. Разряд.
6. Дуранг.
7. Гроссмейстер.
8. Руден.
9. «Оскар».
10. Рокировка.
11. Абулфатх.
12. Ҳиндистон.
13. Нимцович.
14. Чибурданидзе.
15. Ерменков.
16. Витолиньш.
17. Шоҳ.
18. Хужум.
19. Менчик.
20. Катак.
21. Кубок.
22. Компаманис.
- Стейниц.
24. Цейтнот.

МУАММОНОМА

Калит сўзлар: 1. Хўёжаев. 2. Аъзамов. 3. Гамбит. 4. Андерсен. 5. Кишт. 6. Ласкер. 7. Очко Ваганян. 9. Ок.

Таъриф: Шахмат-ақлни чархлашда бетакор восита бўлиб, инсониятнинг мўъжизакор ихтиро

Bir mahmadona qurbaqa bo'lgan ekan. Ko'lmaqdagi yashil ko'rpasiga chiqib olib o'tgan-ketganga o'zini maqtaganani maqtagan ekan. O'zi bir qurbaqa bo'lsa, nimasini maqtaydi, deysizmi? Mana eshiting:

Vaq-vaqa-yu, vaq-vaqa,
Mening otim – qurbaqa.
Zo'r hofizman shunaqa,
Kuy-qo'shig'im vaq-vaqa.
Bir kuni toshbaqa unga dakki beribdi:

– Buncha tinmay vaq-vaqalaysan, bu ko'lmak bitta seniki emas-ku. Men tuxum qo'ygan edim. Ularga tinchlik kerak. Sen bo'lsang bu yerda o'zingdan boshqa hech kim yo'qday "sayraganing-sayragan", – debdi xavotirga tushib.

– Mendek erkin, ozod baxtiyor yashaganingda, sen ham ovozingni baralla qo'yib, sayragan bo'larding. Senga achinib ketayapman. Tosh qo'rg'on ichida yashash senga osonmas. Balki shuning uchun ham sening qulog'ingga qo'shiq yoqmas, – debdi qurbaqa unga kinoya bilan.

Gap kor qilmaydigan orsiz qurbaqa kuylashda davom etibdi:
Vaq-vaqa-yu, vaq-vaqa,
Mening otim – qurbaqa.
Zo'r hofizman shunaqa,
Kuy-qo'shig'im vaq-vaqa...

Ko'p o'tmay toshbaqaning bolalari tuxumini yorib chiqibdi. Jajji toshbaqachalarni ko'rgan ona toshbaqa behad suyunibdi.

Qurbaqa esa hamon tinmay qo'shiq kuylarmish. Toshbaqa yaxshi gapirib ham, yomon gapirib ham uni qo'shiq kuylashdan to'xtata olmabdi. Nihoyat, toshbaqa qo'rqqan voqeа yuz beribdi. Toshbaqachalar bir-ikki kun o'tib ko'zlarini ochishi bilan o'zidan-o'zi kuylay boshlabdi.

Vaq-vaqa-yu, vaq-vaqa,
Mening otim qurbaqa,
Zo'r hofizman shunaqa.
Kuy-qo'shig'im vaq-vaqa...

– Meni olqishlang. Men – yangi fikrman. Hech joyda aytilmagan fikr, deb maqtanibdi yangi fikr.

– Olqish olish uchun yangi fikr bo'lishing yetarli emas. Avval odamlar uchun qanchalik foydali ekanligingni isbotlashing kerak, – debdi ming yillardan buyon yashab kelayotgan eski fikr.

Hidayat OLIMOVA



Rangtасsvirdа aks etgan olam

Мустақиллик даврига келиб, барча соҳалар қатори тасвирий санъатда ҳам жаҳонда эътироф этилган мактаблар тажрибаси, етакчи услугубий йўналишлар ва тенденцияларни ўрганиш гоялари олдинга чиқди. Олдин Farb рангтасвирига хос модернизм, постмодернизм тенденциялари Ўзбекистон рассомлари ижодида мавжуд бўлса-да, уларга буржуа формализми кўриниши сифатидаги муносабат эркин талқин килишга, таҳлилий асосда кенг микёсда ўрганишга имкон бермас эди. Мустақил тараккӣёт мазкур йўналишдаги изланишларга кенг йўл очар экан, эндиликда рассомлар ижодида модернизм ва постмодернизмнинг миллий хусусиятлари кўзга ташланди. Янгича шакл ва ёндашувларнинг юзага келиши, янги сегментларнинг пайдо бўлиши рангтасвирда концептуал санъатнинг шаклланиши дунё цивилизациясига яқинлашиш, маданиятлараро ўзаро таъсирланиш, қолаверса, Farb-Шарқ ижоди мулоқотига хизмат килиш имконини беради.

Замонавий Ўзбекистон рангтасвирида қиррали геометрик шаклларни услублаштириш орқали классик кубизмнинг ilk хусусиятлари жиддий ўзгартирилгани ва маҳаллий анъаналарга таянган ҳолда ўзбек кубизмининг миллий ўзига хослиги шакллангани Хуршид Зиёхонов ижодида яққол кўринади.

Хуршид Зиёхонов 1987 йилдан бошлаб турли таҳририят ва нашриётларда рассом сифатида иш юритиб, хозирда Ўзбекистон Бадиий академиясининг Миллий рассомлик ва дизайн институтида “Китоб графикаси” кафедрасида талабаларга тасвирий санъат сирларини ўргатмоқда. 1987 йилдан бўён тизимли равишда республика, маҳаллий ва ҳалқаро кўргазмаларда иштирок этиб келмоқда.

Рассомнинг асарлари Ўзбекистон Давлат музейидан, Ўзбекистон Тасвирий санъат галереясидан, АҚШ, Буюк Британия, Нидерландия, Франция ва Россиядаги галерея ва шахсий тўпламлардан ўрин олган.

Хуршид Зиёхонов асарлари ўз дунёсига эга бўлиб, уларда шарқона оламни яратишида Farb рангтасвир йўналишлардан фойдаланилади. У асарлари негизида маҳаллий анъаналарга таянган ҳолда ўзига хос дунё яратади. Унинг ижодида турли-туман мавзулар, турли хил сюжетлар, образлар мавжуд. Уларда соддалик, самимийлик, беғуборлик, инсоний хис-туйғулар, кечинмалар, кундалик майший хаёт кубистик шакллар орқали намоён бўлади. Рассом ўзининг дастлабки портрет, манзара, натюрморт, майший картина асарларини ўзбек ҳалқи ҳаётидан олинган аниқ материаллар асосида яратган.

Хуршид Зиёхонов ижодида ҳалқ амалий безак санъати таъсири намоён бўлади. Ҳалқ санъати асарларида рассом ўзи учун ранг, композиция, оҳанг жиҳатидан такомилга эришган, уйғуллиги ва гўзаллиги билан ажralиб турадиган образли-пластик дунёни кашф қиласи. Санъат анъаналарини ижодий идрок этишдан ташқари рассом она ери, қадрдон ҳалқининг ҳаёти, урф-одатлари билан узвий боғлиқ эканлигини таъкидлаш лозим. Рассом ҳалқона мухит ва унинг қадриятлари билан боғлиқ ҳолда ижод қиласи. “Оила”, “Оилавий сайр”, “Ўзбеклар”, “Наврӯз” асарларида қадимий қўчалар, пасткам уйлар, оққўнгил кишилар, миллий урф-одатлар рассомга илҳом бағишлиганини хис этиш мумкин. У ушбу тасвирлар орқали миллий хусусиятларимизни акс эттира олди. Зоро, бунда Хуршид Зиёхонов миллий маданиятни меъморчилик, ҳалқ хунарлари, анъанавий миллий либосларнинг ўзига хослиги ва мафтункорлиги, хатто асқиягача бўлган жиҳатларни жамловчи воқелик сифатида тушунади. Унинг асарлари ўз ҳалқининг кувонч ва ташвишларини куйлаётган рассомнинг тематик тенденциясини белгилаб берди. “Она ва бола”, “Ховуз бўйида”, “Опа-сингиллар”, “Тўнгич фарзанд” асарларида миллийликни ифодалашда ўзбек миллий матоларидан атлас, адрес, духоба ва бошқа матолардан фойдаланиб, тасвирда ўзига хосликка эришган. Атрофимиздаги оддий кўринишлар безакдорлик воситалари орқали берилган рангтасвир асарларида бадиий жиҳатдан умумлаштирилади, ботиний мазмун билан бойитилади.

Қишлоқ одамлари, қадриятлар, шунингдек, ҳалқ мусиқачиларига, дарвешларига бағишлиган фольклор мавзусидаги асарларларида рассом ҳалқ эстетикасини жуда яқин билиши кўринади. “Хоразм мусиқачилари”, “Дуторчилар” асарлари ҳам рассом яратган кубистик шаклларнинг ҳалқ санъати билан узвий боғлиқлигини ифодалайди.

